


1102

SCHEMA
S A C R Æ
CONGREGATIONIS
Sancti Officij Romani.



SCHEMA

S A R A

CONGREGATIONIS

Sacrae Theologiae

2
S C H E M A

ILLVSTRE, ET GENVINVM

**Sacræ Congregationis Sancti Officij Romani
Cum Elogijs Eminentissimorum**

Principum Cardinalium

ET COROLLARIO

**De infallibili auctoritate Summi Pontificis in My-
sterijs Fidei proponendis, ac eiusdem
Controuersis decidendis.**

Ad Catholicorum documentum, & Hæreticorum tormentum.

DEDICATVM

Illustrissimo, & Excellentissimo D.

D. BAPTISTÆ NANIO

EQVIT ET PROCVRATORI S. MARCI

Splendidissimo.

A V C T O R E

P. M. FR. FRANCISCO

A. SANCTO AVGVSTINO MACEDO

**Ordinis Minorum Observantium Lusitano, Lectore
Iubilato, Publico Professore Patauino,
Veneto Ciue.**

Hic Tomus est XLVII. Auctoris.



Patauij, apud Cadorinum, MDCLXXVI.

Superiorum Permissu.

А М Е Н

[Faint, illegible text from bleed-through]

D. BAPTISTE NAYNO

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

P. M. FR. FRANCISCO

1. The first part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them.

1871

Illustrissimo, ac Excellentiss. D.
**D. BAPTISTÆ
NANIO**

Equiti, & Procuratori S. Marci;
& pro Pace vniuersali à Sere-
nissima Veneta Republi-
ca Plenipotentiaro
designato.



Vem optare mihi iure deberem,
qualemque sperare vix possem pa-
tronum, eum mihi contigit inue-
nire Venetijs, in Vrbe non minus
doctrinarum & virtutum domici-
lio, quàm opum, merciumque em-
porio, generis, litteraturæ iudicij,
religionis, honoris, gratiæ, fortunæ
bonis omnibus excellentem. Hunc esse te, Illustrissi-
me, ac Excellentissime Baptista Nani, non modò
tuorum, inter quos habitas, quique te penitus norunt
consensus civium, sed etiam externorum, ad quos
Reipublicæ causa diuertisti, assensus planè confir-
mat. Et quidem Familiæ is splendor est, vt ingenti
antiquarum imaginum fumo se prodat, & originem
nube

EPISTOLA

nube inuoluat, & indagantium aciem fatiger. Quod tamen latet in origine, in ornamentorum serie apparet. Extant laticlauiæ, trabeæ, prætextæ, chlamides, paludamenta, tiaræ, cydares, lemnisci, purpuræ, quæ acerrimum gloriosum conficiunt. Sunt hæc decora pacis, ac belli, quæ Maiores tui domi, forisq; egregiè gesta Republica, quæ Toga, quæ Sago Illustres comparant. In hoc tu apice collocatus, Baptista Nani, propriis ita micæ virtutibus, ut splendorem, acceptum hebes, & in atavos eam lucem refundas, qua longè clariùs illustrentur. Vnus tu, si nouus uenires condere stirpem posses. In hoc es mirabilis, quod tua nouitas est omni tua antiquitate nobilior. Debes maioribus sanguinem acceptum nobilissimum, sed ij tibi debent redditum cum fœnore honoris. quo locupletiores euaserunt. Quos alij iactant auos. ijs de te gloriari licet. Si virtus tua extendi posset, multa occuparet sæcula, imo & æternitatē impleret. Et miramur si cunctis uerustæ Familix tuæ seculis respondeat? Iam uero uertitas tanta est, ut ex te dotes nobiliter tumultuantes exeant, & abundant, ac erumpere festinent in publicum. Natus quippe es ad rempublicam gerendam, & amplificandam. Sunt in te omnia summa, & tu quoque summa omnium. Ingenii acies subtilissima, vis iudicij acerrima, indoles præstantissima, genius suauissimus, animus vastissimus, mens capacissima. Omnes in te dotes extra mediocritatem Heroicæ & sunt, & videntur. Litteratura multiplex in Encyclopædiam itura ad orbis uniuersi eruditionem: mores probatissimi; integer vitæ, purus sceleris, honesti appetēs, obseruans æqui, tenax religionis, procul à vitio, idea uirtutis. Tecum nata pietas domi, adoleuit in templis, & tu quoque, ob

DEDICATORIA.

modestiam, templi exhibes, & circumfers imaginem. Habitum corporis pro diuersitate eorum, quæ obiisti, munerum subinde mutasti. Animi semper eundem religione imbutum retinuisti. Visi sunt te ambire, qui ambiri solent honores, ac te subornare, ut à te ornarentur. In te certatim, ac effusè coniecti, & congesti in acervum irent, nisi tu meritis distinxisses. Fuit tamen cumulus gloriosus ad fastigium usque perductus, extantibus gradibus, quos consecisti virtutum, ne fortunæ, aut gratiæ datum culmen quiscquam putaret. Properare visi honores, sed tu auertisti merendo, eosque tarditatis arguisti, quod te præeuntem viderent. Igitur sequi non passibus æquis, & anhelantes moras desiderare. Vix dum Togatum non te capiebat Respublica, quæ capit mundum: sensit se habere Alexandrum in sinu. Ergo cogitauit orbem. Romam te misit cum patre Caduceatore, optimo Cinc, ut stupori ei Curia esset, quæ in sui admirationem externos rapere solet. Inclinare visum est tibi ingredienti triumphale culmen Capitolium. Commoneri busta Heroum prisce æui, cum spiritus tui halitum senserunt. Inhalabas quippe illos Brutos, Manlios, Cincinnatos, Appios, Camillos, Fabios, Marcellos, Papyrios, Scipiones, Catones. Afflasti sepultos eorum cineres, qui animatus tui opera incallescerebant. Hinc Romam repetita Legationes, quæ perpetuæ forent, nisi patria sibi à Romana Urbe furtum meditante timuisset. Reuocauit igitur te, & tecum maiorem, & nobiliorem Romæ partem, quam expresseras virtutibus, recepit, & traduxit in gremium. Pro hac usura consuetudinis tuæ lucrata est Patria gigantes illos Romanos Heroas: de quibus omnibus vnus Nanius triumphasti. A te vno, sicut

ab

EPISTOLA

ab vnguī didicī Lupa Romana , quantus eſſet Venerus Leo . Scilicet Nanus ſolo nomine Nanus erat , re immenſus . Totus vnguis , quōd totus acumen . Itaque perrexit complere orbem . Germania Pacis Monafterienſis ſequeſtrum optauit . Oliuam intulit in congreſſum Columba nobilis , vt diſiuium bellorum ſiſteter . Galliam ſtimulauit ardor habendi . Liuida Lilia candorem in liuorem verterunt , ac ne marcerent labe inuidiæ , te ad legationem prouocarunt . Rubefcebant illa feliciter , ſed viſo Nano paulū à pudore concepto rubuerunt . Quin & Aquilarum , Auſtriacarum pinnæ ambitu plumbeo explicato Leonis Veneti iubis aſſurgentes , duplicato pacis oſculo ad Leoninum riſtum veloces aduolarunt , & quæ Solem ferebant , vix Leoninum iubar tolerarunt . Detur hoc honori Natio , quōd cū antea Ciuēs Veneti æſtimarentur è præſtantia Ciuitatis , poſtea è Ciuis vnius excellentia æſtimari cœpta eſt Ciuitas . Beata Reſpublica , quæ talem ciuem tulit . Et quidem iure . Nam tantus Heros , tot dotibus clarus , tot ornamentis inſignitus , tot honoribus conſpicuus , tanta collecta gloria nominis in poteſtate Reipublicæ ſemper eſſe voluit , cuiusque ſe nutibus addixit , vt etiam minora munera ſibi imponi minimè grauaretur , rarus honori ſibi fore onera , quæ à patria imponerentur . Nil ſua amplitudine indignum putauit , quod è Republica eſſet . Pompeio Romanorum Ciuium Optimo par , qui poſt tres de tribus Orbis partibus actos triumphos , vulgaria ſæpè miniſteria pro Republica exercuit : ſe Magno Maior cum ſe deiecit . Hunc ſe præſtitit Nanus Ciuium maximus , eoque beneuolentiam Pompeij ante Pharfaliam , quo nemo fuit Romæ gratioſior Ciuis , collegit , vt amor , & deliciæ

Vene;

DEDICATORIA.

Venetiarum iure appelletur. Sunt qui inter hæc munera minora numerent pactum cum Turcis de statuendis Imperij finibus. Ego vero secus existimo, qui putem hoc fuisse vnum è Maioribus. Quantæ enim prudentiæ, magnanimitatis, auctoritatis, constantiæ opus fuit Turcicam audiratem frenare, & luxurianti ambitioni occurrere, & rotam perpetua voluntate felicem clauo figere, & firmare? eique terminos præscribere, & clamare? *Huc Turcæ: hucusque licet.* Iosue Ducem mihi videor intueri. *Hic fecit stare Solem:* Nanius coegit stare Lunam, & prurientia in amplitudinem, & hiantia cornua implere vetuit. Iraque hoc opus in magna gloriæ parte ponendum. His tum virtutibus, tum muneribus, tum gestis visus est dignus, qui grauissimo Patrum iudicio Pacis communis sequester, & arbiter honorarius plenus potestate, plenus auctoritate designaretur; quo nullum maius testimonium Nani magnitudini reddi potest: cum Verbum illud Diuinum Patris Æterni filius hoc sibi munus sumpserit Pacificatoris, & Mediatoris, ac eo nomine Princeps pacis appelletur. Maior itaq; humano videtur, qui provinciam pacificandi gerit, quæ diuinam decuit maiestatem. Iure illum Veneta Respub. in corde, imo & pro corde habuit, habetq; vnde vitam hauriat. Magnæ instar illi es animæ Platonice. Nam totum permeas, & peruadis animatum fecundæ mentis corpus Reipublicæ, & in Senatu Principem agis; in quo vbi grauitate opus est, Scipionis; vbi celeritate, Marcelli; vbi cunctatione, Fabij; vbi seueritate, Catonis; vbi utilitate, Ciceronis calculum ponis. Appium Claudium videntem repræsentas in Curia, & centum oculorum Argum ad custodiam, & tutelam Reipublicæ. Totum te accommodas ciuibus, vt commodos Ciuita-

EPISTOLA

ti. Nihil in priuato est aut opis, aut opum, aut ingenii, aut doctrinae, aut disciplinae, aut virtutis, aut iuris, aut iudicii, aut consilii, aut auctoritatis, aut gratiae, quod non impendas in publicum. Excogitas mille artes, modos mille seruandi, tuendi, & erudiendi tuos. Scribit quoque idem Heros politissime ad gloriam Veneri nominis. Si eius Historiam legas, inuenies sanguinem Herodori, neruos Thucydidis, venas Pausaniae, vim Xenophontis, pondus Plutarchi. Inest stylo velocitas Sallustij, proprietas Caesaris, grauitas Liuji, maturitas Suetonii, candor Curtii, acumen Taciti. Olet concinnitas dictionis vernaculae, atculas & myrothecium Latine Tullianae. Phrasis pura germana, Itala refutat vane vannus examen. Sapit puras, putasque Senas: nec se uera illa Crusca in hoc florido campo, ubi sola similia nascitur, ius habet. Haud opus est incerniculo ad florem farinae ex Florentinis horreis collectae abs te Nani, Api Veneta matutina accommodatae ad mel fingendum, extra fines Tuscos; nempe, quod inter Insubres apud Ambrosium nascitur, & transit in Ambrosiam nectare conditam, praeter morosas anxij examinis scrupulositates, quas auster illa Academia profiteretur. Haecenus habuit Italia exemplum Historiae: nunc in tua, Nani, nata est ideam, qua nihil excogitari possit perfectius. Atque hic me tangit scribenda pudor, cum mentis aeternae praestringit diuina lux, & immortalis nitor incomparabilis tuae. Excellentissime Nani, Historiae. Tuam ergo hic aduoco manum, & sisto. Tute ipsum tuo describe calamo, ut idea Historiae, ideae virtutis, qualis, quantaque in tua Excellentia visitur, iuste respondeat. Tu qui verè Alexander es, ubi vni Apelles esto. Vale.

BENEVOLO LECTORI.



¶ Vm paucos ante menses transissent Pa-
tauo nobiles quidam Germani ab Vr-
be redeuntes, Heterodoxi, meque pro
meo singulari in Germanos studio con-
uenissent, inter loquendum sermo inci-
dit de ratione administrandi Romæ Ec-
clesiasticam Rempubicam. Probare ij
eorum, quæ viderant multa: de quibus-
dã ambigere. Vnum vltiperare, quod sibi maximè displic-
ceret: Sacram Sancti Officij Congregationem. Vetus hoc
eorum institutum est. Oderunt quippe Sancta Inquisitionis
munus Cane pelus, & angue. Ego subridens notam excepi,
nec quidquam sum aut miratus, aut commotus, qui inter
eos sæpe, ac diu versatus illis querimonijs assuetus essem.
Suscepto tamen consilio dicta refutavi, & Sacram Congre-
gationem non modo defendi, sed etiam commendavi, &
oblata opportunitate multa de illius tum necessitate, tum
utilitate, tum dignitate dixi, quæ illis initio minus arride-
bant, postea tamen placere ceperunt. Rogarunt itaque me
ut vellem eaquæ dixeram latius, & explicatiùs scribere, &
scripta typis mandare, affirmantes id è Republica Chri-
stiana fore; illudque monuerunt, ut Scripturarum Sacrarum
locos adhiberem, quarum illi magnam, & noticiam, & ratio-
nem se habere glorientur; quò appareret secundum eas esse &
institutum, & regimen Sanctæ Inquisitionis, ac nihil in ea
inueniri à Sacris litteris alienum. Cumque illi Cardinales de-
facie nossent, quòd eos sæpe ad Mineræ congregari vidissent,

statui de singulis commemorare, & breuibus conceptis Elo-
giis eorum virtutes commendare. Nec pratermisi Pralatos,
Consultores, & reliquos quibus illud Tribunal constat, Mini-
stros honorifice appellare. Et quoniam ij magnam de Veneta
Republica, & quidem iure, opinionem conceperant, ad mi-
nuendam inuidiam Romane Inquisitionis, adhibui exemplum
Serenissima Veneta Republica, in qua sunt Inquisitores Sta-
tus, eoque nomine vocantur, & Tribunal Sancti Officii ma-
gno in pretio habetur; adeo ut vnus inter Inquisitores Pa-
tritius locum habeat, & quod palmare est, peculiare quod-
dam iudicium sit de blasphemis institutum: quo eos vidi
magnopere argumento commoueri. Propterea decreui hoc
qualecunque est opus vni de Venetorum Patritijs dedicare.
Eum autem elegi virum omnibus virtutum numeris abso-
lutum, qui in Veneta Republica vtranque paginam fa-
ciat, qui omnibus cognitus, & probatus esset, scilicet cet, Illu-
strissimum, & Excellentiss. D. Baptistam Nanium, cuius
nomen Ciuibus est amabile, externis admirabile, Reipubli-
ce gloriosum. Nemo verò mihi obiecerit opus Ecclesiasti-
cum, & proprium Curia Romana viro Veneto Patritio minus
congruè dedicari: nam magna est Veneta Reipublica cum
Romana Curia necessitudo, cum inter se religione, pietate fide
coniungantur, ac Venetijs Purpurati Patres reperiantur, &
purpurarum inter vtranque Urbem sit commercium, & vna
purpura saepe inuitet alteram: cum praesertim hic Heros Ro-
manae Ecclesiae cum egregius amator, tum acerrimus vin-
dex sit, & prisca aui Romanos mores praese ferat. Assiduus
in Templis, perpetuus in Sacris, vincta appendix Altarij &
& in Conuentu Patrum Dominicanorum, quorum est pro-
prium Inquisitorum menus domicilium sua pietatis constituat,
ita ut in Ecclesia Sancti Ioannis, & Pauli Romanorum Mar-
tyrum, Sancti Petri & Pauli Templorum memoriam refricet,
& Romana Religionis imaginem representet. Cumque hoc
opus

opus Germanorum rogatu, & in eorum gratiam vulgatum
 sit, ac inter eos Nanius ita Legationem obierit, ut sui me-
 moriam in omnium cordibus impressam reliquerit. gratum
 me ijs facturum putavi, si quem i eximie diligerent, eius no-
 mini opus consecravem. In quo pietatis, & officij rationem
 habui: nam & suavius erudiam, & facilius invidiam ex-
 stinguam: quod nemo sit opinor futurus, qui audito patroni
 nomine, librum audeat vituperare. Menstruum opus hoc est,
 verum à me vacuo accuratè compositum, & contentis stu-
 diorum nervis, & corrosis interdum pinguibus elaboratum,
 vale.



NOI REFORMATORI
dello Studio di Padoua ,

HAuendo veduto per fede
del P. Inquisitore nel libro
intitolato Schema Nobile, & Ge-
nuinum Sacrae Congregationis
S. Officij Romani del P. Macedo
Minor Offeruante, non esserui co-
sa alcuna contro la S. Fede Catto-
lica, e parimente per attestato del
Secretario nostro, niente contro
Prencipi, e buoni costumi; conce-
demo licenza à Giacomo Cado-
rino di poterlo stampare ; offer-
uando gl'ordini, &c.

Dato 10 di Luglio 1676.

(
(Aluise Mocenigo Proc. Ref.
(Siluestro Valiero Kau. Pr. Ref.

Gio. Battista Nicolosi.

Licentia Reuerendiss. Patris Generalis Ordinis S. Francisci

IOSEPHI XIMENEZ

Semeniego Hispani .


CUm iuxta Apostolicas , & nostri Ordinis Constitutiones , reuifum , & approbatum fuerit quoddam Opus à te cōpositum , cuius Titulus est Schema Nobile, & Genuinum Sacrae Congregationis Sancti Officij Romani; Tenore praesentium , ad salutaris obedientiae meritum , facultatem tibi impertimur , quatenus (seruatis seruandis) illud typis mandare possis . Vale in Domino semper .

Datum Romae die 1. Iulij Anni 1676.

Idem Generalis.

Si-

I



Sicut Turris David collum tuum,
quæ ædificata est cum propu-
gnaculis: mille clypei pen-
dent ex ea, omnis armatu-
ra fortium. Cant. 4.

C A P V T I.



Ptum sanè, ac Illustre Symbolum.
Turris enim ista Davidis Catholicæ
Fidei rem continet. Comparatur
Collo Sacrosanctum Tribunal, quod
capiti hæret; est enim à Pontifice
secundum: cuius sensus accipit, &
reddit: ita commissum, ut ei om-
nia Pontificis sensa committan-
tur. Huic capiti succollat simul, & colit: Ere-
cta hæc Turris à Propheta Principe, cui omnia
fuerunt mysteria Fidei reuelata, quæ in Psalmis sua-
uem, & mirabilem concentum efficiunt. Vtriusque
Testamenti harmoniam dixeris. Propterea librum
Psalmorum inter omnes veteris testamenti libros ex-
cellere Patres auctores sunt, inter quos Augusti-
nus in præmio. Eminet Turris Davidis in mon-
te, hæc in Septimontio. Eminent hoc Sanctissimum

A

Tri-

2 Schema Sacra Congr.

Tribunal in Eminentis. Hærent sibi, & concinunt Turris, & Collum. *Turris fortissima* Collum, ut ait Lyræ hoc in loco rectum, & constans. Prima eius virtus fortitudo, ob firmitatem fidei; non flectitur gratia, non læditur vi, temnit opes, non cedit potentia. Inexpugnabilis. Muniens, inquit glossa, propter fortitudinem. In manu Christi fortis, ingerit Interlinealis; est quippe Christi manus fortissima. Sic dicitur Deuter. 3. & Iosue 4. Fortis in Christi nomine; quod Prouerb. 18. appellatur *Turris fortissima*. Rectè muniens Ecclesiam, ut inquit ambæ Glossæ: ne quid ab hostibus violentiæ inferatur; ne quid ab insidiatoribus fraudis irrepāt. Itaque nec blanditiis cedit, nec succumbit armis, nec capitur auro. Turris Christi, non Acrisij, fidem puram, & incorruptam seruat inuiolata custodia. Decenter vox est Lyræ, vti decet Virginem sponsam Christi. Tota ad tutelam comparata Fidelium, ut interpretatur Glossa interior. Iterum *Turris*, & *Collum*, quod protenditur, inquit Ordinaria, ad hostium de longe speculationem. Vigilat, & præuidet insidiosas machinas hæreticorum, fundata super lapidem Christum, in quo septem oculi sunt ad vigilandum in Argo lapideo. Præterea secundum Glossam Ordinariam significat Contemplationem Cælestium, in qua figit mentem hoc Sacrosanctum Tribunal a mortalibus curis, & negotijs alienum. Humana non curat dum iudicat, nec aut lucro, aut spe, aut ambitione, aut gratia mouetur.

Illud insuper obseruat glossa, & quidem acutè. Collū cibos in corpus demittere. Nempe: Diuini Verbi pabulum acceptum a capite, subactum, & præmanantibus controuersiarum, non sine sapore, ac succo doctrinæ ad Ecclesiæ corpus traiecit, quo alitur, &

Sancti Officii Romani. 3

augetur, & uiuit. Facit hic in esu Collum Turris :
 quod cornu Unicornis in potu ; purgat cibos, & pro-
 bat, nequid incidat virulentum. Adicit eadem: *Collum*
corpus capiti iungit : nam istius Sacrosancti Tribuna-
 lis opera corpus Ecclesiæ suo capiti Papæ annectitur,
 & adheret; quod qui præcidere conantur hæretici, &
 Schismatici sunt à capite separati. Nullum iustus est
 argumentum Fidei, quàm huic Collo coniungi, nul-
 lum certius hæreseos, quàm ab illo disungi. In ca-
 put recidit, quod huic Collo vulnus infertur. Propu-
 gnacula quæ sint, exponitur à Glossa Ordinaria, &
 Lyra: *Diuina Scriptura*, quæ & conseruant fidem, dum
 tuentur, & arcet hostes, dum iaculantur. *Infringibi-*
les, inquit Glossa *sententia diuina auctoritate nixa*, *quæ*
hæresicos percutiunt : quibus de longe ab incurstantibus se
 defendunt. Est quippe Fides similis virginitati, quæ
 tantò est securior, quantò ab hostibus remotior : se-
 parata defenditur, vicinia corrumpitur, propinquit-
 ate extinguitur : nulla vrriusque tutela præsentior,
 quàm longiquitas. Hoc est munus Sancti Officii: ar-
 cere, ac remouere Schismata, & Hæreses, ne pestilen-
 ti halitu puram fidei auram à spiritu Sancto inspira-
 tam inficiant. Nemo ausit comminus breuibus ar-
 mis congregi, sed aut eminus longis conflare, aut
 ex longinquo iaculari. *Mille clypei pendunt ex ea*. Non
 satis est Turris ad munimentum : additur & munitio
 Clypeorum ; duplicata defensione, vt tela iniecta
 refutantur. In tutamento salus. Enses hic nulli, quia
 momentum est in clypeis. Digladiari, ac disputare
 de fide periculosum : munire se auctoritate Scriptu-
 rarum oportet eum qui credit. Clypei, omne genus
 est armorum : *Omnis armatura fortium*. Ad Principes
 Eminentissimos huius Tribunalis dicit Isa. 20. *surgite*

4 . Schema Sacrae Congr.

Principes, arripite Clypeum, nulla facta de gladio mentione. Eo Clypeo in altum elato corruit urbs Hai sedes hæreticorum: quod facinus patrauit Iosue audito Dei Oraculo: *Tolle Clypeum qui in manu tua est*; Iosue 8. Propterea Fides in scutum transit apud Paulum: *Ephesiorum 6: Sumentes Scutum fidei, in quo possitis omnia tela nequissimi ignea extinguere*. Omnia sunt in scuto diuinæ auctoritatis. Gladiis non est opus: nam argumenta, & rationes ad scientiam pertinent, quæ euidentiâ postulat. His armantur hostes contra fidem: stringunt gladiolos, & pugiunculos ratiuncularum; quibus in eisdem conuersis iugulandi sunt. Facile quippe suismet armis perimentur; qua ratione Daid Goliath ipsius gladio interfecit. Hoc est Schema *Colli Turriti*: quo Schemate Sacrosanctum Officii Tribunal exprimitur.

Verum, est quod moretur contentiorem dicendi; & me à proposito dicentem auerrat, locus Canticorum 1. *Collum tuum sicut monilia*. Quorsum enim ista monilia, quæ ad phaleras, & delicata ornamenta pertinent? & ab armis aliena sunt? Imò cōtrâ apta, & congruentia: nam *Arma decent humeros*: armant, & ornant: sunt munimenta, & ornamenta. *Clypeis aureis* decorauit Salomon Regiam Paral. 12. *Refulsit Sol in Clypeos aureos* Machab. 6. qui splendore suo illuminabant milites, & fulgore terrebant hostes. In eodem libro c. 15. narratur Legatos Iudeorum Romam attulisse *Clypeum aureum* dono Romanis, militare ornamentum. Armis aureis pugnabat Glaucus; eaque Diomedes concupiuit: *Vir totus ferreus*. Quid? quod *Argyraspides* in acie Macedonum noscitabantur. Saul, & Ionathas 2. Reg. 1. *Decoris, & strenui* indicantur. *Aneas* apud Virg. *suras incluserat auro* auidus pugnae.

Chlo:

Sancti Officij Romani. §

Chloreus aureus in exercitu fulsit, & incendit Camil-
lam agrestem bellatricem spoliorum amore. Turni
bellacis Clypeum Ió aurea decorabat. In Æneæ ma-
gnanimi scuto Leucates aureus, & Delphines argen-
tei alliciebant oculos, & præstringebant. Pallanti, &
Euryalo bellicosissimos adolescentibus aureæ in armis bul-
læ cordi fuerunt. Non abhorrent à Clypeis monilia,
imo decent Clypeos: quod textus indicat vsus verbo
pendent ex ea, ex Collo, cui quadrat monile, quod à
Collo in pectus injectum pendet instar monilis, ad de-
corem, & venustatem. Nec opponas Herculem fero-
cissimum Leonis pelle terribilem, indutum incessisse, ac
horruisse, & istas armorum delicias repudiasse. Nam
hic ferus, & ferus, monstro, & feræ proprior, quam
viro, natus ad monstra debellanda ferinis se spoliis ef-
ferabat. Maiore vi Æneas obliquitur, pius, & intra pie-
tatem fortis, *quem fulva Leonis Pellis obtotum præful-
gens vnguibus aureis*. Admitto, ac retorqueo. Pellis
Leonina Martius erat habitus, cooperiebat Æneam,
& armabat. Retinebat quippe vngues, & aurum in
vnguibus præferebat. Pellem asperabant vngues,
eiusque molliem castigabant: aurum exornabat
vngues, ut arma decoraret. Subtiliter. Ubi erant ar-
ma Leonis, ibi erat aurum. Fulgebat, & horrebat au-
reis vnguibus: quæ fouebat corpus hirta, & hispida,
quæ feriebat hostem splendida, & aurea. Soli vngues
armati, & aurati. Rectè quadrant monilia in Collum
armatum. *Collum tuum sicut monilia*. Ille Angelus A-
pocalypsis 1. *similis filio hominis* totus spirabat Martē.
Altè præcinctus, animosus, igneus oculos, niueus ca-
put, rigidus vestem, æneus pedes, exerebat gladium
ancipitem ex ore vibranti, ceu inhalaret vulnera. *De
ore eius gladius ex utraque parte acutus exibat*, non nisi
exuentus

6 Schema Sacrae Congr.

cruentus rediturus, Habebat vero in dextera *stellas septem*. Cur *Stellas*? non lucida *sydera*, sed *fulmina lurida*. Decebant minacem manum. *Sydera* collucent, & alliciunt crepero splendore oculos: conuiuent, nigrant, annuunt familiariter, non feriendo, nec prastringendo, nec vtrulando. Ea virtus erat in specie, quæ significabat *astra esse arma*; quæ simul essent tormenta hostium, & ornamenta personæ. Arma in astra, & astra in arma commutantur: *Clypei in monilia*, & *monilia in clypeos* abeunt. Verè *Monilia*, *Torques*, quòd torqueant hostes, & torquendo decorent bellantem. Monent in eodem esse tormentum, & ornamentum. Nec mea hæc libera, vel suspecta interpretatio est, sed *Glossæ Ordinariæ*, à qua ista *monilia colli sponse ad collum turrutum applicantur*. Ita exponit locum *Monilium ad cap. 1. Cant. in Colla doctores. In monilibus doctrina, & opera quæ docent. Per collum cibos traiecit. Doctores verbo instruunt, & cibum salutis in commissa sibi membra transfundunt, quæ monilibus comparantur*. Eodem antea modo iuxta eandem *Glossam* propugnacula, & arma è collo turruto pendentia exposuimus. Nec *Lyra* dissentit, qui *iocalia aurea, & argentea ad speciem, & ornamentum comparata intelligit*. En quòd recidunt *clypei*, & arma *turris Davidicæ cap. 4. eminentis*. Ad rem. *Sacro sancto isto Tribunali* nihil est in *Ecclesia* speciosius, nihil munitius. Splendidum est ob lucem doctrinæ, munitum ob constantiam fidei, cuius *Præsides Eminentissimi Patres* decorant *Ecclesiam Illustri nobilitate*, multiplici literatura, insigni virtute, muniunt consilio, auctoritate, constantia, coniuncta cum pietate iustitia, quemadmodum postea exponemus.

Superest alia *monilium interpretatio*. Animaduertendum

Sancti Officij Romani. 7

tendum Monilia catenulas esse aureas, hamata annul-
lorum serie continenti filo ductas; eoque cōhæren-
tes, quæ in bullam auream, & gemmatam desinentes
è collo pendent, ac inde in pectus demissa consi-
stunt, & bullam in medio pectore, ubi cor residet, consi-
stunt. Quæ deductio, & positio diuinum quiddam
continent in rem nostram. Etenim monile catena-
tos eos, quos ornat, reddit; eo documento, vt seruos
se, ac mancipia fidei esse profiteantur, in cuius obse-
quium intellectum capriuant. Bulla verò cordi res-
pondet, quia Fides, & si virtus intellectiua sit, pendet
tamen à corde, idest pia affectione voluntatis, sine
cuius affectu nec incipit, nec procedit. Oportet quip-
pe, vt quis credat præcedere Sanctam voluntatem,
quam piam affectionem dicunt, quæ est anima fidei.
Et quamquam pars illa pectoris sit vltima situ, prima
est sensu. Est quidem inferior loco, sed superior af-
fectu. Si rem attendas, à capite ad cor descenditur;
si mysterium, à capite ad cor ascenditur. Altiores
sunt cogitationes mentis affectibus cordis, & ille
prius cordis affectus mouent, sed in virtute fidei co-
gitationes Sanctæ mentis sequuntur pios cordis af-
fectus. *Declarauit hoc Christus Lucæ vltimo illis ver-*
bis, Quid mirati estis, & cogitationes ascendunt in corda ve-
stra? Descendunt, dicerent alij. At Christus nouè, ac
mysticè dicit ascendunt. Nam ubi de rebus Fidei age-
batur ascendere ad cor cogitationes debebant, ut
præcederet affectio voluntatis cogitationem intelle-
ctus. Prius amandum, postea credendum. Cor origo
Fidei: in corde fons, in mente riuus. Intellexit hoc
Paulus 1. Corint. 2. Nec in cor hominis ascendit. Ita quæ
apud eundem Rom. 10. Corde creditur ad iustitiam. Mal-
let vulgus mente: Paulus contra Corde. Sciebat ibi fieri
initium

8 Schema Sacrae Congr.

Initium Fidei . A Paulo didicit Concilium Tridentinum sess. 6. c. 5. *Tangēte, inquit, Deo cor hominis.* Hinc est ut cor ipsum fiat capax doctrinae. Cor docibile petit Salomon 3. Reg. 3. *Dederat Deus Sapientiam in corde eius* 2. Paral. 9. *Sapiens corde*. Iob. 9. *Ascensiones in corde suo*. Psal. 83. *Cogitauerunt in corde*. Psal. 39. *Sapientia requiescit in corde*. Prouer. 14. *Dedit mihi cor ut scirem*. Eccl. 1. *Dabo cor ut sciant*. Hierem. 24. *Tardi corde ad credendum*, Luc. ult. *Cor in doctrina Fidei vtramque quodammodo paginam facit.* Amor quippè doctor est, ac magister. Mirum. Quodd cum verbum diuinum Filius Dei sit sapientia Patris, & veritatis prædicandæ gratia missus in mundum Ioan. 19. *Ego ad hoc natus sum, & ad hoc veni in mundum, ut testimonium perhibeam veritati*, tamen Spiritui Sancto docendi munus commisit: *Ille vos docebit omnia*. Redempto mundo abiit in Cælum, è quo misit Spiritum Sanctum Magistrum, ut doceret. Itaque Redemptorem egit, Doctoris munus Spiritui Sancto remisit. Hoc patuit in Aduentu Spiritus Sancti, qui linguarum ignearum mysterio, & ministerio se prodidit, falsus magister se esse, doctores constituens Apostolos, Laurea capiti imposita contexta ex ignibus vocalibus Actor. 1. *Apparuerunt dissipertitę lingua tanquam ignis super singulos eorum. Innumeris linguis, ait Ecclesia, apparuit*. At illa capita insederunt, non pectora. Fateor. Sed ignis indicabat non ad mentem, sed ad cor pertinere, vbi ardet ignis amoris. Erudita lingua erudiebat cor, dum accendebat amorem. Faces erant calami, ignis atramentum. Cor præbebat papyrum. Spiritu Sancto Magistro stetit Ecclesia. Omnia Concilia dicuntur à Spiritu Sancto inspirata: huic veritates Catholice tribuuntur. Columba Spiritus Sancti in Pontificis auribus nidulatur,

Sancti Officii Romani. 9

hidulatur, & quodd aurium sensus est Fidei, per eum
mentem, & cor afflat Spiritus Sanctus. Nec aliena
sunt à collo Columbæ monilia, quæ in eo picturata
colorum varietate formantur, miro delicio, & leno-
cinio oculorum, ut nihil sit in Schemate Colli, quod
iustè interpretationi non respondeat.

Huius Sacrosancti Tribunalis
necessitas, vtilitas, dignitas.

CAPVT II.



Ecesse est vt veniant scandala. Matth.

18. Oportet & hæreses esse 1. Corinth.

11. Propterea Ecclesia vigilat, ne

contingant: prouidet ne existant;

si quæ verò insurgant, opprimunt ne

serpant: extinguit ne noceant. Cur-

rus ille Ezechielis, qui fuit Eccle-

siæ symbolum, & rotis, & oculis

abundauit. Ezech. 1. Omnia plena sunt oculis, vt in toto

decursu Ecclesiæ semper oculi ad vigilandum præsto

essent. In eo item curru erat ignis ad purgandum, &

puniendum. Hoc est Sacrosancti huius Tribunalis

munus: prouidere ne nascantur hæreses, & punire au-

ctores si oriantur. Hinc tot propugnacula in prouin-

ciis Catholicis ab hac Turri deriuata, quæ sunt Tri-

bunalia priuata huic Generali subdita, in quo Turris

est collum, quod hæret capiti Summo Pontifici; vnde

virtus exit, quò reedit. Hæc Romana Inquisitio supre-

ma dicitur, & Mater aliarum omnium Inquisitio-

B

num,

10 Schema Sacræ Congr.

uum. Hoc enim nomine appellantur, quòd inquirunt in hæreses latentes: quæ clam, & in tenebris esse amant, ut occultentur, & impunè grassentur. Est enim hæresis, de qua dicitur à Dauide Psalm. 90. *A negotio per ambulante in tenebris*. Quapropter hæreses vulpibus paruulis Spiritus Sanctus cõfert Cant. 2. *Capite*, inquit, *nobis vulpes paruulas, quæ demoliuntur vineas*, idest, hæreticos. & schismaticos, ait Glossa Interlin. qui calidi sunt, & latere vult, quod etiam acutè obseruat Bernardus ser. 63, in Cant. ne appareant, quia conspici, & prodi perire est. Idcirco plena sunt illa tribùalia oculis, ut deprehendantur, & capiantur. Verbo Inquirendi vsus est Deus Deuteron. 17. cum Moyse loquens ad detegendos eos, qui à se vero Deo ad castra idolorum, Demonumq; deficerent: quales tunc erant Iudæi, & nunc sunt hæretici, & schismatici. Est autem Verbum honestum, ac decorum iudiciale, & forense, resonatque iustitiam: propterea Inquisitor in Tullio, & Inquisitio reperitur. Sacrum est item nomen Inquisitio. Act. 12. Christus hoc officium suscepit, quem ideo cognitorem Augustinus appellat tract. 33 in Ioan. Deus primus fuit Inquisitor cum Genet. 3. primum parentem reum absconditum inquisuit, illum de crimine admissio interrogauit. Quid? quòd in Paradiso prima Inquisitio instituta, nequis obscurè natam existimaret. Quin & cap 4. Genet. iterum inquisuit in Cain, & c. 11. in ædificatores Turris Babelicæ, & cap. 18. in Sodomitas. Tam est hoc ministerium nobile, ut non dedignetur Deus ad illud obeundum de Cælo descendere. *Descendam*, inquit, & *videbo*. Idipsum Christus indicauit. Marci 14. Cum enim loqueretur de suo in mundum, iudicandi causa, aduentu diserte ait: *Videbitis Filium hominis à dextris virtutis Dei*

Sancti Officij Romani. II

& venientem. Scitè dixit prius *sedentem* indicando dignitatē sedentis illo supremo loco, & postea aduentum ad iudicium, ut significaret quantum esset illud munus, ad quod præstandum se ex apice tantæ maiestatis demitteret. Propterea in Altari Apocalyp. cap. 1. Cognoscit, & examinat causas Episcoporum Astæ, quos appellat *Angelos*, eosque reprehendit, & punit. Itaque non modo Paradiso Terrestri illud ministerium, sed etiam Altari dignum significauit. Illud tamen mirabilius apparet, quod septem Spiritus Dei Apocal. 4. Erant *ante Thronum Dei* qui etiam in capite 5. dicuntur *oculi Agni, habentis oculos septem*, scilicet dilectos vt oculos, & in puillis habitos, ob amorem, & æstimationem. Quid queris? hi ipsi intimi, amati, pretiosi dicuntur ibi cap. 5. *Missi in omnem terram* oculorum vagantium more ad speculandum, ad inspicendum, ad inquirendum, ad inuestigandum si quid inuenirent dignum emendatione, & punitione. Erant in oculis apud thronum in capite Agni Filii Dei, & tamen *missi in terram*, quasi nihil interesset inter illam fruitionem, & istam Inquisitionem: perinde erat mitti, ac frui: inquirere, & beari. In utroque par honos, æqualis beatitudo. Falluntur qui putant Emmentissimos Patres, nobilissimos Principes, oculos Ecclesiæ, pupillas Summi Pontificis, eius throno adherentes quando conueniunt ad Inquisitionem criminum hæreseos, & Schismatis, quidquam amittere de dignitate, de maiestate. Eam conseruant integram, retinentque illibatam, vt perinde sit descendere, ac emittere, inquirere, & beari. Quod ipsum reperitur in Angelis. Cur? & quorsum? dixit Christus Matt. 18. cum de Angelis Custodibus puerorum ageret, *Angeli eorum semper vident faciem Patris* quid opus

12 Schema Sacra Congr.

erat hac sententia? Nequis scilicet exstimaret, Angelos aliquid de sua dignitate, & beatitudine amittere, dum puerorum custodiam, & curam suscipiunt, & gerunt. Norint omnes, inquit Christus, Angelos in custodiendis pueris nullam facere iacturam, vel gloriæ, vel dignitatis, vel beatitudinis; *semper enim vident faciem Patris*, vt intuendo in pueros, in faciem Dei videantur intueri. Quod si summi Angeli agentes paruulorum custodiam, qui sunt Ecclesiæ filij, tam longe sunt à iactura, multò longius erunt ab ea Principes Cardinales, cum Ecclesiam illorum matrem custodiant.

Affero quiddam, & opinor, congruentius. Petrus vertex Apostolorum; & ipse in vertice Ecclesiæ collocatus initio sui principatus in Ananiæ, & Saphira conjugum peccatum inquisiuit, & reos morte condemnauit Act. 5. Erudit nos de necessitate, ac utilitate, ac dignitate Sanctæ Inquisitionis Officii, vt Hæreticorum, & Schismaticorum ora oppilaret. Facit huc quoddam prima huiusce Sanctæ Inquisitionis fundamenta iecisse videtur Papa caput Ecclesiæ in Sancto Dominico Illustrissimi sanguinis Domino, vt à personæ nobilitate argumentum claritudinis officii sumeretur. Inquisitor ille, & euersor hæreticorum fuit, ac vt honestius & vtilius id munus præstaret Magister Sacri Palatii Apostolici primus institutus. Huic successit Dominicana familia nomine à Patre cum doctrina, & virtute accepto. Ea primas hac in re habuit, Et quidem iure, cum in partibus habeat Facem, ac Stellam Dominici, & solem Thomæ, qui cum sit Doctor Angelicus Thomistas suos Angelos reddit, vt sint custodes Matris Sanctæ Ecclesiæ, Angelis omnino similes, vt inter cæteros mortales homines, ipsi

Sancti Officij Romani. 13

immortales Angeli videantur. Imo & Angelis officio digniores, quippe qui Ecclesiam seruant, cum Angeli seruent paruulos. Hinc iis honores facti ad tradendam, & tuendam Fidem apti, & congrui assignati, qui supremi habentur inter priuatas interiores Ecclesiae dignitates. Itaque illi Magistri Sacri Palatii Apostolici, Commissarii Sancti Officij Generales, Secretarii Congregationis Indicis eliguntur. Ex eorum familia pars Inquisitorum sumitur, quod istud munus in hereditatem acceptum Sancti Petri Martyris Sanguine confirmarunt. Illud palmare est pro Dominicanorum Patrum meritis argumentum, quod nullum est Tribunal Sancti Officij in Orbe Catholico etiam ex iis, quae summa sunt, & suprema, & generalia dicuntur, quod non aliquem Fratrum Dominicanum inter Principes, & inter capita non admittat. Singulari eius Ordinis gloria, qui vniuersum Orbem tum doctrina, tum virtutibus illustrat. Nimirum *Solem suum sua Sydera norunt*. Verum pro Sancta Societate Dominici, & Francisci diuisum est hoc munus à Summo Pontifice, & in eius partem vocati filii Francisci, videlicet Patres Conuentuales, qui multis Tribunalibus sunt Praepositi, & quidem iure. Decebat enim, ut qui duo à Christo ad sustinendam Ecclesiam Lateranensem delecti, & qui à Virgine Matre simul Christo ad auertendas lanceas contra mundum intentas oblati fuerant, eadem prerogatiua fruerentur. Quamquam enim haec sacra hereditas iure quasi dominij Dominico deberetur, decebat tamen ut virtute sanguinis Crucifixi, cum plagis Francisco impressi, ad Franciscanos etiam perueniret; cum praesertim Ordo Patrum Conuentualium paribus penè doctrinae, & Sanctimoniae luminibus fulgeat, & Seraphica Bonauenturae.

14 Schema Sacrae Congr.

nauentura Sancti Thomae coetanei, & familiaris vestigia sequatur: ut vnus, & alter Ordo intra Hierarchias Angelorum maneat. Quod si Sanctus Thomas Solem gestat in pectore, Bonauentura ignem habet in corde: Sanctus Thomas monili ornatur, Sanctus Bonauentura annulo insignitur: ita ut Ordo Dominicanus comparetur monili, Conuentualis annulo, cuius hodie P. Laurea, insignis Doctor, gemma est. Ac ne Inquisitores praesentis temporis praeterire silentio videar, praestantissimos duos inter ceteros honoris causa nominare volo. Alterum P. Thomam Mazza Dominicanum Inquisitorem Genuae: alterum P. Oliverium Thegium Conuentualem Patauii: Sanctae duo Sydera Sedis, ingenio doctrina, pietate praestantes, Eminent vero caput Dominicani Ordinis in cello dignitatis fastigio collocatum P. Generalis Io. Thomas Roccabertus omni praconio maior, ad sacrum imperium splendore sanguinis natus, doctrinis, ac virtutibus factus, quarum omnium eum animatum compendium dixeris. Accidit Sancto Dominico, quod Iosepho Patriarchae contigit. Dederat ei Iacob Pater ob singularem praerogatiuam optimam partem hereditatis extra sortem Genes. 48. his verbis: *Dabo tibi partem vnam extra fratres tuos, quam tuli de manu Amarrhet in gladio, & in arcu meo.* Haec pars erat propria Iosephi iure extraordinario, & militati Castrensi. Verum, etsi ad Ephraim Primogenitum ventura esset, legimus tamen eam cum Manasse communicatam. Id coniicitur ex loco Apocal. 7. vbi in partem hereditatis caelestis venit Manasses; nam ibi nominatur *tribus Ioseph*, non vero *tribus Ephraim*. Ponitur expresse *ex tribu Ioseph*, cum antea positum sit *ex tribu Manasse*. Quare appellatur *tribus Ioseph*, non *tribus Ephraim*.

Sancti Officii Romani. 15

In partitione hereditatis celestis ꝛ scilicet quia voluit significare Scriptura, in partem Ioseph vtrunque filium venisse, iure societatis. Hereditas propria erat Ephraim, communicata est tamen Manasse fraterno iure societatis, idque Ioseph, proprio expresso nomine, indicauit. Ita quamuis Sancto Dominico propriè Inquisitio conueniret, & quodam quasi iure hereditario deberetur, admittendus tamen erat Franciscus iure Societatis. Præsertim cum illa participatio similis esset participationi Manassis à fratre germano Ephraim, eam quippe prærogatiuam Cancellatis manibus à Iacobo duo fratres acceperant, quod mysterium Crucem Christi representauit. Non poterat autem à beneficio per Crucem collato Franciscus excludi, cum ipse Crucifixi expressa imago esset, & Christum Crucifixum ad viuum repræsentaret. Gaudeat igitur Dominicus priuilegio Inquisitoris iure quasi sanguinis hereditario. Gaudeat item Franciscus iure repræsentationis, cum Christum Dominum repræsentet. Maneat dominium penes Dominicum, vsus tamen, qui non pugnat cum mendicitate Francisci, ad Fratres Franciscanos transmittatur.

Apparet autem huius Tribunalis necessitas, & utilitas in eo, quod illud maximè horrent hæretici Fidei hostes, & Schismatici Charitatis inimici. Oderunt illud cane peius, & angue. Sciunt suorum errorum esse securim; securos se ea vigente, & stante esse non posse. Timent quippe à Sacris iudicibus deprehendi, emendari, puniri. Similes sunt Hebræis rebellibus, qui iudices pati non potuerunt. Reges optabant, vt liberiùs, licentiùs, inhonestiùs viuerent. Post Iosue à Ducibus ille populus regebatur, & quidem iuste, pro-
spere,

16 .i Schema Sacrae Congr.

speret, ac feliciter, vt constat ex libro Iudicum. Erant
 quippe Iudices Dei Vicarii, quemadmodum Deus ip-
 se testatus est lib. 1. Reg. c. 8. *Dixit Dominus ad Samue-
 lem: Audi vocem populi tui; non enim te abiecerunt, sed
 me; ne regnem super eos.* Mauerunt tamen illi Regem
 Iudicibus exclusis. *Constitu nobis, inquit, Regem.*
 Volebant quippe redire ad vitulos aureos, Iudices no-
 lebant, quia coercebant, & frenabant licentiam lasci-
 nientium, & erapulam, & idololatricam meditantium.
 Hinc est quod Christus puniturus Iudaeos, qui Tem-
 plum profanabant, *fecit flagellum de funiculis*, Ioan. 8.
 vt significaret eos effrenes esse, funibus legum con-
 stringendos, & tanquam stultos vinciendos. Huius-
 modi vinculis tenebantur tempore Iudicum, a qui-
 bus ligabantur, & coercebantur: sic enim eos Iudi-
 ces gubernabant, vt etiam Inquisitores essent. Hinc
 timor populi dissoluti, ac rebellis. Ergo exarserunt
 amore Regum: *Constitu Regem.* Non timebant, a
 sceptris Regum. Calamos iudicum metuebant. Ma-
 lebant pulsari scepro, quam damnari calamo. Hoc
 apparuit in eo euentu accusationis Adulterae, quam
 Pharisei damnari capiebant. Accusant, apud Chri-
 stum Ioan. 8. & quidem vnanimis, & constantes. Mi-
 tabili tamen euentu. Cum vidissent Christum incli-
 natum scribere in terra, statim abierunt. *Vnus post v-*
num, inquit Euangelista. Quare? quod Christum vi-
 derant scribentem *scribebat in terra*, nempe timebant
 inquirentem Iudicem, & sententiam scripto profe-
 rentem. Vno digito scribebat Christus. Qui non ti-
 merent ab armis Regis, ab vno digito Iudicis timue-
 runt. Talis item extitit Rex, ille impius Balhassar
 Daniel. Qui visis articulis manus hominis in pariete scilicet
 contremuit, timore percussus Iudicialis senten-
 tia.

Sancti Officii Romani. 17

tiā. In utroque loco Ioannis, & Danielis inuenitur expressum *Digit*i nomen. Cum virtute: nam digitus, index est, & Inquisitor, & demonstrator rerum, & quæ sunt deprehensa indigitat, & notat. Vnde metus hæreticis, qui notari, & designari timent, & occultari, ac tenebris inuolui putant, & curant. Præterea digitus symbolum est Spiritus Sancti, qui *Digitus paterne dextera* ab Ecclesia appellatur, qui apud Inquisitores dum munere inquirendi, & iudicandi hæreticos funguntur, habitat, illudque munus digito exercendum consecrat. Hunc ergo digitum mirè timent, & detestantur, & execratur hæretici: præcisum malunt, quod intentum, & in se directum nolunt. Exemplo sit Hæresiarcha Lutherus. Arma Caroli inuicti Imperatoris non timuit, timuit verò inermem digitum Caeterani Inquisitoris. De Sacra Inquisitione rectè, ac verè dicitur *Digitus Dei est hic*.

Testantur hanc necessitatem, & vtilitatem Sanctæ Inquisitionis, illæ Catholicorum in Orbe Christiano, prouinciæ, quæ Sacræ Inquisitionis Tribunalia receperunt: quales sunt Italia, & Hispania. quæ huius beneficio fidem puram, & religionem immaculatam seruant, & nunquam hæreses admiserunt, quod magna ex parte Inquisitorio muneri accepto referendum est. Quod si aliqui Iudæi inter Catholicos occultati manent, in eos seuerissimè inquiritur, & aut corriguntur, aut expelluntur, aut comburantur. Ita Religio viget, floretque, nec vnquam aut nutabit, aut ruet: dum hæc Arx Cælestis tuta, erecta, inuiolata, manebit.

18 Schema Sacrae Congr.

Iusta, & apta in hoc Sacrosancto
Tribunali seruari solita pro-
ponitur forma Iudicij: ea-
que multis, ac illustri-
bus sacrarum littera-
rum testimonijs
confirmatur.

C A P V T III.



Institutum Diuina prouidentia Sa-
crofanctum hoc Inquisitionis Tri-
bunal, vti Schema in Sacra Scriptu-
ra nactum est, quod hactenus expo-
suimus, ita & personæ illius, ac mi-
nistrum aptum, & idoneum in iisdem
Symbolum inuenerunt. Equidem
in Leuitis mihi videor videre illud adumbratum.
Etenim tres erat Ordines Leuitarum, qui in Taber-
naculo curam suam, operamque ponebant, Caatithæ,
Gersonitæ, Meraritæ, qui sæpe in libro Numeri oc-
currunt, ac ibi obseruant cum Lyra, & Abulensi in-
terpretes. Primus continebat Sacerdotes, & Leuitas
ad quos pertinebant Sacrificia, & vasa Tabernaculi
cum Arca Testamenti, & interior supellex Sacra. Ad
secundū Gersonitarum spectabant vrensilia exterio-
ra mollia, & portatu facilia: ad tertium attinebant re-
liqua

Sancti Officij Romani. 19

liqua instrumenta duriora, & grauiora minus nobilia: sicuti habetur c. 1. lib. Num. Itaque supremi erant Caarhitæ, quibus respondent Eminentissimi Cardinales: secundi Gersonitæ: quorum munus conuenit Consultoribus: Terti Meraritæ, qui adumbrant Qualificatores.

Nobilius tamen occurit symbolum expressum in Ordinibus Angelorū. Quorum tres esse Hierarchias deducimus ex libris Sacris, vnde eas sumpsit Dionysius Areopagita libro de Cælesti Hierarchiâ, & Gregorius Magnus hom. 34. in Euangelia, & Sanctus Thomas Doctor Angelicus 1. p. q. 103. Totidem Hierarchiæ in hoc Sacrosancto Tribunali reperiuntur ordine, & dignitate similes, diuersa tamen illuminandi ratione. Nam inter Angelos fiunt illuminationes superiorum erga inferiores iuxta Dionysium c. 3. & Sanctum Thomam 3. p. q. 106. & Scotum in 2. q. 2. Inter Inquisitores verò fiunt indicationes, quatum prima, & remota pertinet ad Qualificatores, quæ est remotior. Secunda ad Consultores propior, & maturior. Tertia certior, & vicinior Dei Vicario, ad quem pertinet definitio. Ab infima est probatio. A secunda examinatio. A tertia & summa electio. A capite definitio. Sed prima Hierarchia multò est nobilior, quia constat ex Cardinalibus, qui dici possunt illuminare alios quatenus deliberant ea, de quibus alii consultauerunt, & deliberata referunt ad Summum Pontificem ab eo definienda.

Est verò inter alias Inquisitiones extra Romanam Curiam, & hanc Vrbani, & supremam mira quædam, & suauis harmonia ex sacris litteris petita Exodi 18. Quod sicuti Moyses grauiora negotia suscipiebat, & suscepta cum Deo conferebat relictis minus

20 Schema Sacrae Congr.

grauibus, & ad inferiores remissis: ita & Summus Pontifex cum Cardinalibus, qui vnum corpus cum eo efficiant, causas maioris momenti sibi assumunt, ceteras inferioribus Magistratibus decidendas relinquunt: quibus si contingat maius aliquid, & grauius iudicando, ad supremum Tribunal referuant. Nec mirandum his gradibus ad culmen iudicii ascendi: etenim in iudicando oportet vti Consultatione, & examine personarum, ac rerum, nequid vel diligentiae, vel fidei desideretur. Hinc est quod David Psal. 84. dixit: *Veritas de terra orta est: de terra, non de cœlo.* Quorsum? quia ascendendo de terra ad superos gradatim ventura erat, vt iustitia de cœlo perspecta veritate rectè iudicaret, vnde addidit, *Et iustitia de cœlo prospexit.* Agebantur causæ mortalium in terris degentium. Oportebat in terris inquiri, & inueniri veritatem secundum quam iudicium ferendum erat. Si enim veritas in cœlo esset, quomodo in iudicium venire posset? Nec tamen propterea natales veritatis sunt obscuri, quod in terris positi sunt, cum veritas vbicunque sit nobilissima sit: etenim Christus veritas pura, & diuina suos in terris natales habuit factus homo. Instituta sunt autem hæc minora Tribunalia extra Urbem in aliis Ciuitatibus, quia non poterant causæ longinquæ Romæ commodè iudicari: ac oportebat vbi erant præsentibus, ibi à præsentibus examinari, & terminari, non autem audiri de longinquo, & ex sola relatione decidi, & resolui. Iudicia humana vt sint iusta humano more, & coràm fieri debent, vt oculis probentur, & patecant. Quare filius Dei cum sit constitutus à Deo Iudex viuorum, & mortuorum, non quatenus Deus inuisibilis, sed quatenus homo iudicaturus est mundum, imo & causa cur iudica-

Sancti Officij Romani. 21

dicaturus sit, est natura humana non diuina, vt est apud Ioann. c. 5. *Pater omne iudicium dedit filio, quia filius hominis est.* Hoc ipsum ipse confirmauit toties in Euangelio vocando se *filium hominis*, cum se fore iudicem affirmaret. *Videbitis filium hominis, venientem in nubibus,* Lucæ 21. Marci 13. non dixit *filium Dei*, quod illud officium iudicandi non erat proprium diuinæ naturæ, quæ visum fugit, sed humanæ, quæ aspectum fert. Nec ipse Christus cum formam proposuit iudicandi de cogitationibus mentis, & affectibus cordis, quæ sunt interioria, mentionem fecit, quia sunt res occultæ, & vni Deo cognitæ, sed de operibus exterioribus, quæ per facta produntur, & aspiuntur. *Dedistis mihi manducare: Dedistis mihi bibere.* Matth. 25. & reliqua, quæ sunt oculis subiecta fidelibus: quibus oculi facere fidem possunt, vt iustitia appareret. Iudex quippe iudicans, & damnans occultè, & clanculò Deum agit, non iudicem. Hæc autem iudicandi ratio iniusta est inter homines, qui sunt visibiles, & visibili modo iudicare debent. Insinuauit hoc Iob cum dixit c. 19. *Quare persequimini me sicut Deus?* Queritur de iis, qui sicut Deus prætermisso more humano in illum inquirebant, & de illo iudicabant potius per suspensiones proprias, & incertas, quàm per probationes, & testimonia visibilia. Debebant procedere modo humano, mortalibus congruo. Persecutio illa erat, non Inquisitio; dum enim sibi attribuebant modum iudicandi diuinum sine probationibus iniuste agebant, quia non agebant humanè. Ne me, inquit Iob, iudicetis, sicuti iudicat Deus, qui videt renes, & corda, & intima cognoscit, cui nihil est occultum: iudicate me secundum forum exterius. Date oculis locum: iudicate sicuti homines, & ex his quæ apparent, me conuincite.

22 Schema Sacra Congr.

hincite. Propterea in hoc Sacrosancto Tribunali tot sunt examina, tot sunt iudices, tot sunt oculi, ad inquirendum, examinandum, cognoscendum, quia iustissimum Tribunal est. Magna est oculis, cum iustitia conuenientia, magna proportio. In Hieroglyphico iustitiæ ponitur imago Virtutis cum statera in laeva, & gladio in dextra manu; in cuius mucrone oculus apertus, & eminens apparet. Ne quid scilicet nisi ad oculum videatur, iudicetur. Itaque gladius sententiæ oculatus est, & ad illum oculum statera iustitiæ reuocatur. Ille Angelus Apocal. 1. Iudicis symbolum fuit. Videamus figuram: *Ex ore eius exibat gladius ex utroque parte acutus*: Ecce iustitiæ index: addidit oculi eius *ut flamma ignis*: Comitantur gladium oculi, & dirigant utramque aciem absolutionis, & damnationis. Exprimit autem textus oculos duos numero plurali, non vnum tantum, uti habetur in Cant. c. 4. *In vno oculorum tuorum*, quia ad amandum satis est vnus oculus propter vnitatem amantium, at vero in iudicio non est satis vnus oculus, sed duo requiruntur propter æquitatem iudicii. Idcirco ubi Christus agebat sponsum in Canticis, vno oculo contentus erat, at verò in Apocalypsi ubi erat iudex, duos oculos requirebat, & quidem merito, nam amor etiam cæcus diligit, at verò iustitia cæca esse nequit; ut iudicet opus ei est, non vno tantum oculo, sed duobus.

Verum opponet quis: minus decere maiestatem tantorum Principum, adhibere minores ad consilium, & eorum expectare suffragia. Imo decet maximè, ne sola propria auctoritate causas decidere velle videantur. Deus Optimus Maximus adhuc suos in concilium Angelos Iobi 1. *Cum venissent Filij Dei, ut assisterent coram Domino*: scilicet ad concilium
super

Sancti Officii Romani. 23

super rebus Iob. Imo & Diabolum interesse voluit. *Adfuit inter eos & Satan.* Quorsum? ne quisquam, etiam malus, dummodo esset sapiens, à consultatio-
ne excluderetur. Itaque auditus Dæmon fuit, & ipsius admissum concilium. In Romano Senatu *Pedanei* Senatores erant. *Perperam*, Pedibus ibant in aliorum sententiam, ceu iudicium non haberent in capite, sed in pedibus. Ineptum Senatorem genus. *Lucerna pedibus meis verbum tuum cecinit,* & quidem prudenter David Psal. 118. Nempe: vt etiam pedes lucem haberent, & oculos ad videndum: nam *Lucerna corporis est oculus* Matth. 6. Omnia membra debet habere iudex oculea, totus oculus, plusquam Argus. Non poterant Summi Sacerdotes offerre sacrificia in tabernaculo sine ministerio Leuitarum, idque ad dignitatem pertinebat. Quin & intra nos exemplum habemus. Supremæ, ac nobilissimæ potentia intellectus, & voluntas nequeunt operari, nisi à sensibus species accipiant. Eiusmodi sunt inferiores Theologi in hoc tribunali erga superiores. Nec istud ministrandi officium caret dignitate, cum Angeli, *Omnes sint administratores Spiritus*, Hebr. 1. eoque nomine gloriantur. Leges dare Dei est, præsertim Fidei, & in Fide: Admuntur tamen Angeli iuxta Paulum Galat. 3. *Ordinata est per Angelos.* & Act. 7. Ore Stephani *Accepistis legem in dispositione Angelorum.* His, & similibus ministri vtendum est Vicario Dei in suo Tabernaculo ad leges ferendas, disponendas, & custodiendas: sicuti accidit Exodi 32. vbi Deus dedit Legem Moyse, quam cum promulgasset, mandauit Leuitis, vt eam defenderent, & custodirent, nam peccante in legem populo statim Leuitarum manum aduocauit Moyses auxiliarem, *Si quis est Domino, iungatur mihi.* ibid. Quapropter

24 Schema Sacrae Congr.

rer Deus Leuitas sibi adsciuit, quod legis tuendæ auctores fuerunt, vt obseruat Abulensis cap. 3. Numeri. Id significauit Lex illa Moyſis cornuta in capite, splenders. Cur lux illa accepta in monte cum lege in cornua formata? Scilicet Lunaris esse debuit, non Solaris. Quare? Quia Sol solus est, & solus splendet, cætera minora extinguens lumina: Luna vero comitata Stellis fert eas socias, & ministras. Inferiores quidem sunt stellæ: inter quas micat *Velut inter ignes Luna minores*: eas tamen in societatem lucendi admittit, quas Sol excludit. Iudicabit Christus mundum, sedens pro ratione manens, plenus dignitate, plenus maiestate Mat. 25. *Cum sederit filius hominis in sede maiestatis suæ*; nihilominus assidere sibi facit Apostolos in sedibus tanquam socios ministerii nobilissimi. Adidit *Sedebitis & vos super sedes duodecim* ad iudicandum. Iudicantes Daniels 7. habetur quod veniente ad iudicium Dominio *Throni positi sunt*, vt significaretur non solum Deum fore iudicem, sed in partem iudicij alios esse vocandos. Illud pulchrum, & virtute plenum. Quid? Sicut in cælo sunt tria Luminarium genera, ita in hoc cælesti tribunali tres item sunt Luminarium formæ. Primum & altissimum Astorum quæ sunt in Firmamento fixa, & immota pro innata dignitate: quales sunt Eminentiſſimi Cardinales Principes, super Cardines constituti. Secundum Planetarum; qui respondent Consultationibus: idcirco mobiles quia versantur in Consultationibus, in quibus est varietas, & mutatio, & diuersitas sententiarum. Tertium Phenomena, quæ non semper intunt cælo, sed adueniunt, & contingit certis temporibus, vt lumine suo auxiliari interdum adsint, & iuuent cætera. Quales sunt Qualificatores, quorum non est perpetua

Statio,

Sancti Officii Romani. 25.

statio, nec certa conditio, sed pro temporum oportunitate, uti se dant occasiones, interueniunt, & assistunt, & toti, ac solum occupantur in significationibus propositionum, quas examinant, & quarum sensus inquirunt. Numerantur tamen inter Sydera, ut habetur 1. c. Genes. ubi dicitur: *Pt sint in signa*, ita enim lucent, ut significant, & in signis versentur, & numerentur. Videntur ut quadrent in Sacrosanctum Tribunal celestia Luminaria? Adde coronidem. Tres ordines Inquisitorum, Consultorum, Qualificatorum tres sunt celi in noua Mathematicorum, in qua ego sum, sententia. quod existimem secundum Scripturam & Patres esse. Primi igitur, idest Eminentissimi Cardinales, constituunt Cælum Sydereum. Secundi, idest Consultores, constituunt Cælum æthereum. Tertij, idest Qualificatores, constituunt Cælum Aereum. Venerare, & admirare illud Tribunal, quod suo iusto complexu totam celestem machinam comprehendit.



Omnes Virtutes, quę Iudices de-
cent in hoc Sacrosancto Iu-
dicio reperiuntur.

Prudentia, Maturitas, Grauitas.

C A P V T IV.



Nihil hisce Patribus prudentius :
nihil maturius : nihil grauius .
Cardinales sunt, in quibus niti
videntur portę cęli. Cardinales
item dicti, quod pollent virtute
Cardinali ; quę quadruplex
cũ sit, Ciuitatem illam cęle-
stem notat, quę in *quadro posi-
ta est* . Apocal. 21. Cardinalibus

verò virtutibus ornari debent, quarum vna est Regi-
na Prudentia, quę in iudiciis dominatur, sicut iustitia
in supplicijs. Quoniam vero Prudentia propria vir-
tus senum est, maturę ætatis alibi Senatores elige-
bantur ; & hęc tanquam Sacra Senatores Curia eli-
guntur. Est enim *Corona dignitatis Senectus* Prouerb.
16. Imo Senatus apud Romanos à Senectute ap-
pellatus. Quod si aliqui iuuenes eliguntur, ij sunt
graues moribus, cani virtutibus : uita enim immacu-
lata vicem gerit senectutis, dicente Spiritu Sancto
Sap. 4. *Ætas senectutis, vita immaculata*. Duplici ratio-
ne fiunt homines senes, ætate, & virtute. Illi sunt
senes canis, & annis, isti moribus & dotibus : hinc

Sancti Officij Romani. 27

puer centum annorum, & Senex paucorum! *Illius vnus*
anni erat Saul cum regnare cepisset, & duobus annis regna-
uit. 1. Reg. 13. Quomodo vnus anni si infans non erat,
nec esse poterat cum cepit regnare; & quomodo
duobus annis regnauit, si multo plures regnauit? Quia,
in Principibus non habetur ratio ætatis, sed virtutis:
tandiu Principes regunt, quandiu bene regunt. Plures
annos numerat, qui plures virtutes habet. Cani enim
sunt in bonis, non in annis. Hac ratione nemo non est
Senex propter prudentiam, quæ Senilis prærogatiua,
est. Vbi pugnatur valet iuuentus: vbi iudicatur Se-
nectus. Ideo passim in Scriptura ponitur vox Seniores
pro iudicibus, & cum iis Scribæ numerantur. Seniores
& Scribæ, & iteum; Scribæ & Seniores. Scribendi quip-
pe munus iudicia comitantur; itaque Seniores perinde
sunt, ac iudices Exodi 3. Leuitici 4. Num. 11. ac sæpè
alibi. Ipsemet Deus, qui expers est, & senectutis, &
temporis, cum obit iudicandi munus Senex inducitur.
Apud Daniel. cap. 7. ponitur imago, & forma iudicij.
Iudicium sedit, & libri aperti sunt. In eo Antiquus die-
rum sedit. Deus iudex futurus senectutem induit, vt
iustus iudex appareret. Sed cur dicitur antiquus dierum?
antiquitas enim contrahitur ex tempore, quod die-
rum, & noctium spatijs conficitur, non autem solo-
rum dierum? Quare igitur soli dies nominantur, no-
ctes vero tacentur? quia noctes non conueniunt iudi-
cijs, quæ clara esse debent, & aperta, non tenebrosa,
& obscura. Dies igitur admittendus, nox excludenda:
quia dies lucem affert rebus, vt benè, ac rectè deci-
dantur. Antiquus dierum sit oportet iudex; palam iu-
dicet, non clam, perspicuè, non obscurè. Tenebræ
quippe obscurant veritatem, obdunt iustitiam.
In obscuro percelluntur, feriuntur boni, & recti, vt

28 Schema Sacræ Congr.

cecinit David, *Sagittent in obscuro rectos corde* Psal. 10. Nemo Scopum de nocte attingit. Qui sagittat in tenebris aberrat ab scopo, qui iudex non perspecta, nec explorata causa suscipit iudicium se comparat ad *Sagittandum in obscuro rectos corde*. Planè transfiget innocentes. Senex ergo, & iudex sit *antiquus dierum* exclusis noctibus tenebrarum. Versetur in die vt sagittando scopum veritatis, & iuris collimet. Custos de nocte vigilet, vt bonus, & fidelis, vt referre possit Domino quid deprehendat in tenebris, an fures, & latrunculi sint, an insidiatores irrepant, an hostes irrumpan? & reddat rationem domino suo interroganti *Custos quid de nocte? Custos quid de nocte?* Isa. 21. Hoc itē contingit Pastori, circa gregem, Custos est quippè gregis: vigilat de nocte, & querenti domino *Custos quid de nocte?* respōdeat: *Lupus irruit: terrui, auerti, fugavi. Fur irrepit, deprehendi, expuli, vulneravi.* Hoc est officium Custodis vigilare de nocte. Iudicis contra iudicare de die. *Antiquus dierum*. Præterea, vt obseruat Glosa Ordinaria c. 31. Prouerb. *In portis veteres sedebant ad iudicandum*, quæ sunt loca peruia, & patentia in media luce posita. Hac item ratione interpretatur illum locum *Nobilis in portis vir eius quando sederit cum Senatoribus terra*, idest cum iudicibus causas decidentibus Ecce Senatores, & iudices in portis, palam, & in bono lumine constituti. Hoc firmat locus ille 2. Reg. 15. vbi habetur: *Et mane consurgens Absalom stabat iuxta introitum portæ, & omnem virum qui habebat negotium vt veniret ad regis iudicium vocabat Absalom ad se, & dicebat, offerens se ad iudicandum. Quis me constituat iudicem super terram?* Aptissime ad institutum. Ex oriente luce, pulsâ nocte, itat ad portam patentem, paratus ad excipiendos litigantes; eo se videtur proficere

Sancti Officij Romani. 29

Acere ad beneuolentiam captandam ex iusta forma iudicij, clarè, in aperto, media in luce. Et hanc suam beneuolentiam sigillabat osculo, vt veram hanc esse rationem iudicandi confirmaret. *Apprehendens osculabatur ingredientes.* Verum reddidit versum illum Dauid patris in Psal. 84. *Iustitia, & pax osculata sunt.* Vt nam ille pacem, quam offerabat populo, ad Patrem retulisset. Quas primas post Matris Virginis manus puer Iesus vnas insedit, eas fuisse legimus Senioris Simeonis, vt pote qui Sol est iustitiæ insigno Senis locandus. Aderat Anna Anus ad firmandam Sedem. Notatu dignus est locus Lucæ 2. *Accepit eum Simeon in vnas suas.* Vnas dicit Euangelista, non manus, non brachia, quia vna mensura est iusta, & symbolum iustitiæ tibi quieuit tanquam in centro. In Zodiaco Sol errat, & vagatur per signa, quod non est Sol iustitiæ. At Christus qui est verus iustitiæ Sol in vna mensuræ iustæ firmus consistit. Rem senectutis continet illa visio Ioannis Apocal. 4. vbi Deo sedenti in throno aderant viginti quatuor Seniores assidentes habitu, & specie Senatorum consiliantium, quales illa dignitas exigebat. Ibi enim libri, & sigilla, & agnus tanquam occisus omnia instrumenta, & signa iudicij. Nec obstant citharæ, quas manibus præferabant cap. 5. *Habentes singuli citharas* propter harmoniam consiliorum, in quibus concordibus animis conueniebant, vnde concentus suffragiorum suauissimus existeret. Quantæ utilitatis sit Consilium Senum, & quantæ perniciës consilij iuuenum patet lib 3 Reg. c. 12 vbi Roboamus consilia Senum deferens, & amplectens iuuenum placita, ruit, Præposterè egit. Locus est vulgaris, sed aliquid in eo non vulgare obseruemus. Omnes erant iuuenes, & Rex, & Consiliarij, ideo

30 Schema Sacrae Congr.

errant. Nam si saltem Rex ipse senex esset moderaretur iuuenes. & ijs in officio contentis non iueret. Vnde exclusa senectus, inde pulsa felicitas. Supeditat Sacra Scriptura idonea in oppositum exempla. Apocal. 4. Consiliarii Senes erant, Rex iuuenis: idque inde colligo, quod visio sedis iudicantis, & iudicantis in sede, erat *similis visionis Smaragdinae*, quæ viridis coloris est, qui iuuentutem, hoc est viridem ætatem repræsentat. Danielis vero 7. Rex erat Senex *Antiquus dierum*, & Consiliarij iuuenes: idque deduco ex eo quod millia millium ministrabant ei: haud dubie iuuenes, quoniam tantus numerus Senum esse non poterat, qui paucissimi sunt. Vtrobique ergo senectus, & felicitas consiliandi. Mens, & ratio, & Consilium in Senibus est. *Vis consilii expert mole ruit sua* Qui velit stare, & vincere valeat consilio, & prudentia. Nestorem Agamemnon pluris quam Achillem fecit. Priamus prætulit Polydamna Hæctori. De Romanis dicitur 1. Macab. 8. *Domuisse Orbem consilio suo, & patientia*: nulla mentione fortitudinis bellicæ: *Consilium, & patientia* Senum est. Infero quidam acutius ex litteris humanioribus. In bello Gigantæo filiorum terræ aduersus Deos, cum hi omnes ad arcendam uim accurrissent, armati describuntur; Mars gladio, Apollo sagitris, Mercurius telo, Saturnus falce, Iupiter fulmine metuendi. Vna Pallas, bellatrix Dea, solum scutum atripuit, & opposuit. Hoc viso Gigantes exterriti tremuerunt. Ausi pugnare aduersus alios, Palladi cesserunt exanimis. Causam significat Horatius Ode 4 lib. 3.

*Sed quid Typhæus & validus Mimas,
Aut quid minaci Porphyrio statu,
Quid Ræxus, eunisque truncis*

Sancti Officij Romani. 31

*Enceladus iaculatur audax,
Contra sonantem Palladis ægida
Possunt ruentes?*

Quod est magnopere obseruandum, vnam Gigantes Palladem timuisse, & cum ei hasta trabalis, & fatalis esset, vel illam Pallada abieciſſe, vel, si tulit, nihil ab ea sibi hostes metuisse. Solum clypeum formidarunt. Quare? Dixit Horatius dum nominauit *Ægida*. Sed quid in *Ægide* virtutis esset, inquirimus. Nempe erat in *Ægide* Caput Medusæ. Caput autem significat consilium propter cerebrum. Hinc timor Gigantum. Exanimauit eos consilium capitis, non vis armorum. Viso capite consternati defecerunt. Quid enim possent, vel Gigantæ viribus hostes *contra sonantem Palladis Ægida*? Sonantem, loquentem, dantem consilia, leges pugnandi dictantem, ne muta virtus esset sed expressa per consilia. Vna igitur Pallas solo capite, & consilio vsa superauit hostes, & Cæsum seruauit.

Habent certè gentilium fabulæ iusta sua, & præclaræ documenta; propterea non dubitauit Petrus Epist. 2. c. 1. *Doctas* appellare, cum illarum auctores aliquid diuinis luminis habuerint cum veritate coniunctum à Deo creatore communicatum, secundum illud Dauidis Psalm. 4. *Signatum est super nos vultus tui Domine*. Cohæret hæc virtus cōsilij fabulosa cum veritate historię Sacræ Dauidis, Absalonis, & Achitophelis lib. 2. Reg. c. 17. Rebellarat Absalom contra Patrem Dauidem. collegerat ingentem exercitum, ex toto populo Israël conflatum: florebat ætate, vigeat animo, pollebat fortitudine, nihil ad spem victoriæ deerat; ijs omnibus diffusus, *Accersiuit Achitophelem Gilonitem Dauidis Patris sui consiliarium* lib. 2. Reg. cap.

32 Schema Sacrae Congr.

¶ 5. ut eius consilio se muniret, armaretque aduersus Patrē egregium bellatorem. Dauid item fortissimus, fabulosis Heroibus vera virtute maior, semper victor, laurorum cumulus, palmarum aceruus, triumphale compendium, timuit tamen aduersarium Achitophelē. cuius consilio vinci metuebat. Omnem igitur lapidem mouit vt illud eneruaret *Infatus Domine, consilium Achitophel*. Ibidem. Ac nisi illud infatuatum esset opera *Chusai Arachita* actum erat de Dauidē, & populo. Vicit ergo Dauid deluso Achitophelis consilio, magis quā militari virtute. Victus est Absalom non armis Dauidis oppressus, sed consilij Achitophelis destitutus. Adiungamus Sacris profana. Romanis iam penē toto Orbe victoribus terro-ri fuit Annibal senex in Asia, inermis iam, & imbellis. Et quidem meritō: nam si eius consilijs Rex Antiochus acquiesceret, Annibalem tertio circum equitātem, & circumsedentem Romani patriam vidissent. Auertit cladem Thoas improbato illius consilio, quemadmodum de Achitophele narrauimus. Confirmarunt metum Romani, qui non destiterunt ab insidijs Annibali tendendis, non vt in eo neruos militiæ inciderent, quibus iam carebat, sed vt virtutem prudentiæ quam retinebat eneruarent, & vim acutæ mentis extinguerent. Proficit etiam in prælijs spiritualibus monastica militiæ prudentia. Propterea magnus ille Abbas Antonius prædicare solebat inter cæteras virtutes prudentiam eminere, sicuti in eius vita scribit Athanasius.

Nulla re magis exprimitur vis eruditæ, & grauis senectutis, quā in eo euentu Susannæ, Danielis cap. 13 vbi Sacer textus narrat victam fuisse innocentiam, & pudicitiam Susannæ, testimonio duorum Senum, quibus

Sancti Officii Romani. 33

bus etiā falso accusantibus tanta fides habita fuit, vt eam morte dignam populus iudicaret, & quamquam ij lasciuiā, & concupiscentia maculati calumniam intenderent, & multis alijs vitiis senectutem inquinarent, non tamen adduci potuit populus, vt crederet eos in tāta grauitate calumniam struxisse, & à veritate aberrare. Opus igitur fuit miraculo infantis præter ætatem loquentis, vt eorū testimonium refutaretur. Illa coronis ratiocinationis esto, quod Dauid non nisi senex in extrema senectute. *Habebat quippe atatis plurimos dies*, vt ait Scriptura 3. Reg. 1. Abisag adolescentulam Sunamitidem symbolum sapientiæ, iuxta Gregorium Papam sociam habuisset. Itaque ætatis beneficio, non iuuentutis officijs eam promeruit, & obtinuit. Quod si Salomon iuuenis eam nactus est, diuinum id fuit beneficium, habita morum, non annorum ratione, & quia eam multis precibus, & magnis à Deo postulauerat, & diuitijs opibusque prætulerat. Attendenda quippe est maturitas mentis, & grauitas morum, quam idem Salomon eum in sua senectute amisisset, sapientiæ iacturam fecit: & ad Idola declinavit. Illud constat apud Dauidem Deum Opt. Max. cum *Exaltatione in Ecclesia sua Plebis* laudes Seniorum in Cathedra vera docentium, coniunxisse. Psalm. 6. *Et exaltent eum in Ecclesia Plebis, & in Cathedra Seniorum laudent eum.* In hac Cathedra sedent Eminentissimi Patres Sacræ huius Congregationis, in quibus est spectata prudentia, graue iudicium, consilium maturum, virtus solida, doctrina profunda ad euertendam Pestilentia cathedram accommodata.

HVIVSCE TRIBVNALIS

Maiestas, Integritas, Auctoritas.



Vi attentè intueatur in venerabiles Sacræ huius Congregationis Patres eorumque dignitatem, splendorem, & maiestatem consideret, occurret ei Augusti Senatus imago, multò quàm Areopagi Athenis, & Senatus Romæ augustior: ac refricabit illud Cyneæ Pyrrhi Epirotarum Regis Legati dictum, cum in Curiam Romanam intrasset, & Patrum in ea consedentium cætum vidisset, *Curiam sibi templum, Senatores Reges esse visos*. Laudabitque Virgilium canentem lib. 8. *Hoc illis Curie templum*. Tanta erat illa Romani Senatus maiestas, ut Patres singuli Regiam præferrent dignitatem, eamque fronte, oculis, ore toto, & ipso corporis habitu spirarent. Par, imo superior huius Sacræ Curie splendor, dignitas, & maiestas illo Senatu Romano cuilibet æquo rerum æstimatori videbitur; nam hîc Patres singuli non modo reges, sed regibus augustiores oculis repræsentantur, certiori quàm fuit illa Cyneæ species sententia. Quem fortasse præstricti oculi Romana specie fefellerunt, cum dixit: *Curiam templum, Reges Senatores esse visos*. Aberravit quippe à vero: nec enim templo reges, sed Numina quadrabant. Ne ineptè sentiret dicere debuit, aut *Curiam regiam, Senatores reges aut Curiam templum, Senatores Deos esse visos*.

Sancti Officij Romani. 35

for. Sed turbauit Cyneam adulandi libido; ac errando pœnas assentationis luit. Nos secus, ac verè dicemus Sacram Inquisitionis Curiam *Templum*, Patres *Cælites* videri, & iure; quòd Sacri sint Ordinis, & in Sacra versentur, & diuinum quiddam spirent, & aura quadam Spiritus immortalis afflentur. Dicerem *Numina*, nisi ipsamet Curia reclamaret, & vocem audaciæ condemnaret. Retineamus ergo quod licet, & Curiam sacratam, & Patres Sacros Antistites appellemus, quando Cælites ipsi Purpurati vocari erubescūt, & Purpura ipso rubore verecundè titulum refutat. Alia item de causa mihi displicet illa nomenclatura Regum, quia reges illi Senatores esse non poterant, quòd plures numero essent, Rex autem non nisi vnus & esse possit, & dici debeat & quòd nomen regium Romanis horrori erat, & illud solitarium ob inuidiam à Romana Republica alienum: vti postea apparuit in Cæsare pugionibus Patrum in Curia ob insolentiam affectati Regii nominis transfixo. Verùm quod sefellit Cyneam, & eruditio Romana desiderat, suppetit in Sacra Scriptura, mylticis significationibus abundante. Inuenimus in Apocal. c. 4. Curiam *Templum*, Senatores Reges. *Ecce ostium apertum in Cælo. Rursum Ecce sedes posita erat in Cælo, & supra Sedem sedens, & in Circuitu sedis sedilia viginti quatuor, & supra Thronos vigintiquatuor Seniores sedentes circumamissi stolis albis, & in capitibus eorum coronæ aureæ.* An non reges? Ad sunt throni, & coronæ, Reges sunt. Nec beneficio loci, sed suapte natura reges: non creati, sed nati reges. Obserua. Antequam sederent personæ posita erant vulgaria sedilia. Vbi sederunt dicitur *Super thronos, versis in thronos sedilibus*, quòd secum maiestatem innatam traherent, non à loco pre-

E a riam

36 Schema Sacrae Congr.

riam acciperent. Idem notant Coronæ. Non ijs sunt impositæ cum sedissent, quasi alienis manibus; sed eas iam cum ad sedendum venissent, impositas ferebant, tanquam sibi debitas, & ingénitas: *In capitibus eorum coronæ aureæ.* Omnia de suo, non de alieno. Itaque fictio illa Cyneæ fuit, quæ veritas Sacra in Ioanne Evangelista esse apparet. Plus habet veritas diuinæ Scripturæ, quàm fabula profana optare potuit. Paradigma huiusce Sacrosancti confessus, ille cætus Seniorum est. Sedent veluti in thronis Purpurati Patres, ceu regali induti Purpura, Coronati Christi diadematis, nempe Ordinis Sacri, & secum trahunt dignitatem regiam, quodd Regale Sacerdotium sit apud Petrum. Epist. 1. c. 2. in Melchisedech Rege simul, ac Sacerdote fundatum, & adumbratum Genes. 14. & Paul. ad Hebr. cap. 7. *Melchisedech Rex Salem, & Sacerdos Dei Summi.* Regiam maiestatem affirmat tiara, siue mitra, quæ ab Eusebio lib. 10. cap. 4. appellatur *Cælestis gloria corona.*

Introductis huiusmodi Hierarchici ordinis Patribus, Cardinalibus, & regibus, super est scite: Cur Regum more deliberent, ac iudicent? causa est in promptu, scilicet, vt sponte sua, liberè, pro sua potestate, & auctoritate propria ferant sententias. Utantur animo regio, excello, ingenuo, independenti, nullo, aut amore allekti, aut metu coacti, aut cupiditate ducti, præciso omni affectuum vinculo. liberi, non captiui, quod regem non decet: meminerint esse se summo in loco positos, claros, splendidos, eminentes. Propterea David Psalm 81. pronunciauit *Ego dixi Dñs esis,* quæ particula de iudicibus exponitur, auctoribus. Augustino, Hugone, Nicolao Lyra, Glossa Ordinaria & Morali, vt nos doceret, iudices cum eo coniunguntur officio

Sancti Officij Romani. 37

officio tam procul esse debere ab humanis affectibus;
vt Dii ab omni mortali concretionē liberi videantur.

Quem Deus iudicem sui populi constituit, Moyses,
eum constituit Deum Phraonis Exod. 7. ac propterea
sui luminis impleuit, cum illum ad populum cum
tabulis legis misit Exod. 4. *Cornuta facies eius*, vt aliquid
humano augustius videretur, Splendore radians, adeo
vt ipsemet Deus in nube loqueretur ad Moysen,
quasi omnem in eundem lucem propriam transfu-
disset, vt venerabilem Hebræis redderet. Sic enim
Sacer textus ibi *Cum descendisset Dominus per nubem*. Eo
indicauit Deus quantum de Deo iudex participet,
dum maluit intra nubem in obscuro esse, quam foras
eminere. Transfigurato Domino: apparet Deus Pater
loquens de nube cum filio, qui Solem vultu, niuem ha-
bitu præferebat, in gratiam officij iudicis, quem age-
bat inter Moysen, & Eliam constitutus, alterum legis
diuinæ Latorem, alterum Zelatorem. Redeo ad cor-
nutam faciem. Cur lux in cornua versa? Scilicet cor-
nu significauit exaltationem, & potentiam, quæ Re-
gum est, & principum propria. Faciem igitur Moyses
regali splendore plenam gestabat. Hac pertinet, quod
regimen iudicium post Iosue Deo attribuitur. Primo
Reg. c. 8. *Non te abiecerunt, sed me, ne regnem super eos*,
quia dum iudices impetrabant, in eis regnabat Deus,
& ipsi quasi diuini esset, regnabant. Imo & Iosue,
qui præcesserat eos iudices, diuinam prærogatiuam
tanquam princeps, & index populi obtinuit, dum Soli,
ac Cælo imperauit. Equis enim præter illum au-
deret, cui numen in esse videbatur? Iosue eo nomine
stare solem fecit Iosue 10. Quid quæris? etiam Deo
visus est imperare *Obediente Deo voci hominis*. Quod
mirum est, & diligenter obseruandum. Astræam inter
Deos

38 Schema Sacra Congr.

Deos collocarunt homines in fabulis eruditis, quod iustitiæ Symbolum erat. David autem altius iustiti-
am in cælo collocavit terrestria inspicientem, & hu-
mana iudicantem *Iustitia de cælo prospexit* psal. 84. è lo-
co ubi habitat Deus, *Deus autem noster in cælo* psal. 113. &
vnde *prospicit: Dominus de cælo prospexit*. Non antè co-
gnovit populus Iudæorum Salomonem diuina Sapi-
entia plenum esse, quàm ille iudicium recte, ac ex offi-
cio exercuisset: ubi viderunt eum iustam ferentem,
sententiam, cognouerunt eum diuino beneficio eua-
sisse Sapientem lib. 3. Reg. c. 3. ubi narratur decidisse
ambiguam litem duarum mulierum super filio alter-
cantium. Simul ac constitit de iustitia Salomonis, ve-
nerari sunt eum religiosè, & coluerunt veluti Dei sa-
pientis imaginem: *Videntes sapientiam Dei esse in eo ad
faciendum iudicium*. Dei, & regis est iusta exercere iudi-
cia. Probat institutum alius locus oppositus Regis
Herodis Act. 12. Punitus hic fuit à Deo capitali sup-
plicio, quod ambitiose quæsiuit adulantis sibi populi
plausum, cum altè intonuit *Dei voces, & non hominis*. Roges
quare? quid mali Herodes fecit? Similis fuit Salomoni
iudicanti. Rex Salomon erat. Rex Herodes. Vterque
agebat regiam personam: imò Herodes splendorio-
rem. *Vestitus* ait *textus*, *Vester regia sedit pro tribunali*. Ni-
hilominus Salomon sui officij truchum, & plausum
tulit cum acclamatione diuini, ob sapientiam, cum
appareret homo: Herodes verò, cum videretur ma-
ior humano, fuit punitus, & euasit mortuus. Quid
sibi vult hæc differentia euentuum? Inspiciamus tex-
tus. Iudicium, exercuit Salomon. Herodes autem
concionem habuit *cancionabatur*. Diuersitas functio-
num induxit diuersitatem euentuum. Salomon appa-
ruit diuinus, & mansit incolumis. Herodes punitus,
&

& extinctus fuit. *Consumptus à vermibus expirauit.* Causa liquet. Iudicare, officium regis est, non concionari. Abusus fuit tribunali Herodes, egit Oratorem uanū, non iudicem iustum. Ambitiosè quæsiuit laudes à populo audiente, & adulante prorsus ineptas, & ab officio alienas *Voces Dei non hominis.* Præpostera, & extra iudicium laudatio, quæ rectè iudicanti, non eleganter dicenti debebatur. Consequens erat ut pœnas lueret temeritatis. Reus apparuit, cum Deus audire uolebat.

Regia virtus iustitia est, decetque regem, qui propria debet uti potestate, non precaria, nec emendicata, cum præferim iudicem repræsentat, cui iudicium liberum est, & auctoritate plenū. Huius rei Genes. 38. est idoneum documentum. Parit Thamar duos filios vno partu gemellos Phares, & Zaram, euentu mirabili. Prior egreditur Zaram, & in ipso egressu exiit manum, ceu palmam prouocaret victoriæ, & ad possidendum manum extenderet. Adest obstetrix, obsecundat voto, *Liganit manum Coccino dicens, iste egreditur prior.* Contra tamen euenit. Infans quippe vix dum coccineum filum sensit, cum retraxit manum: Itaque mulierem decepit opinio. Mutata sorte succedit Phares, & locum prioris vendicat. *Egressus est alter, dixitque mulier: quare diuisa est propter te maceria, & vocauit nomen eius Phares.* Res hic maxima latet, in lucem cum pueris edenda. Cur Zaram prior retrahit manum, & quare Phares occupat locum, & primo-genituram? Nimirum Zaram fugit vinculum, signum conditionis seruilis. Ligatus, inquit, princeps esse non possum, quem libertas & potestas decet. Manus vincta, victa est: præstat non regnare, quàm ligatis manibus ad aliorum arbitrium regnare. Phares vero quo-

quomodo locum & principatum vendicauit? Nempe quia diuiserat. *Diuisa est maceria*. Rem teneo. Diuisio est actus iustitiæ, quæ diuidit, & distribuit in partes æquales. Vnde in Euangelio Luc. cap. 12. Christus: *Quis me constituit iudicem, ac diuisorem inter vos?* perinde ac idem esset iudicare, ac diuidere. Recte igitur præferendus erat Phares, eique principatus assignandus, quia diuidendo prodiit, & iustitiam præ se tulit, cum hæc virtus regia sit, secumque regium ius, & potestatem trahat. Renunciat regno Zaram, qui diuidere nequit ligata manu. *Rex iustus*, inquit Salomon Prouerb. 29. *Erigit terram*. & Christus in Cruce *Rex iustus* à Centurione appellatur, *Verè hic homo iustus erat*. Luc. 23. Ideo venit mittere gladium, Matth. 10. Eum exeruit Apocaly. c. 7. *Ex ore*, vt loqueretur iustitiam. Salomon cum primum iudicauit, gladium euaginauit 3. Reg. 3. *Affer te mihi*, inquit, *gladium*, quo se iustum diuidendo ostenderet.

Gladium sequitur metus, qui religionem afferat. Seuerum hoc Tribunal est, & sua se seueritate protegit, ac munit. Timetur, & colitur. Perinde est latine, metus, & religio. *Religione Patrum multos seruata per annos*, dixit Virgilius Æneid. 2. & rursum lib. 7. *Multosque metu seruata per annos*. Notum est illud Petronii *Primus in orbe Deos fecit timor*. Idcirco Deus cum primum legem dedit populo, seque coli præcepto imperauit, timorem ei incussit Exod. c. 20. *Ego sum Dominus Deus tuus fortis, Zelotes visitans iniquitatem*. Et postea eodem capite ita legem tulit, vt videretur bellum populo denunciare, *Cunctus populus videbat voces, & lampades, & sonitum Buccina, montemque fumantem & perterriti, ac pauore confusi steterunt procul* Tam se Deus terribilem ostendit, vt terrore excitaret religionem.

Quia

Sancti Officij Romani. 41

Quia ipsemet cum primū Moysi apparuit in monte Horeb totus igneus, & spinis inuolutus terrorem intulit, & arcuit, *Ne appropies*, inquit *huc*. Longè remouit, vt perterritum commoueret religio: *Solue calceamenta de pedibus tuis*, qui erat actus religionis. Conuersionis lux initium à timore auspicatus est Petrus Lucae 5. cum viso miraculo copiosæ piscaturæ dixit ad Christum *Exi à me Domine quia homo peccator sum*. Verba sunt timentis, & ob timorem Deum Christum esse confitentis. Cum procul aberat per timorem, prope ad Christum adorandum accedebat. Magnam vim esse in timore significat locus ille Genes. 4. Nam cum Cain fratrem suum Abelem occidisset, & obstinatus in peccato esset, timore vltus est Deus, vt eum ad penitentiam facti reuocaret. *Maledictus eris super terram*; vnde intulit Cain. *Omnis igitur qui inuenerit me occidet me*. Glossa Ordinaria, & Lyra hoc in loco norant Cainum vehementer timuisse, & tremorem, quendam horribilem concepisse. Quare? nempe ea ratione facilius poterat conuerti ad Deum. Propè est timor à Numine; qui timet Deum coniunctus est Deo, tam coniunctus, vt videatur Deum in se habere. Præstat eundem effectum, quem amor, timor. Amor transformat hominem in Deum; idem facit timor. Est insignis locus ad hoc probandum ille Genes. c. 31. In quo Iacob sic ait: ad Laban, *Nisi Deus patris mei Abraham, & timor Isaac affuisset mihi*. Mirum dictu. Pōnit expressè Deum patris sui Abraham, & tacet nomen Dei patris sui Isaac. Vtroque in loco debuisset Deum nominare. Erat quippe adiuratio: adiurabat autem per Deum. Quomodo ergo non dixit: *Et Deus Isaac patris mei*, sed *timor Isaac*, accipiens timorem pro Deo? Scilicet quia Isaac per timorem suum Nu-

42 Schema Sacrae Congr.

men in se habebat, quodammodo transformatus in Deum. Sicut enim amor homines in Deum transformat, ita & timor. Vnde videbatur perinde esse *timor Isaac*, atque *Deus Isaac*. Salubris est iste timor, & magnum pondus religionis affert. Propterea hoc Sacrosanctum Tribunal Religionem seueritate arceffit; nimia quippe facilitas minuit reuerentiam. Obseruo ex Patrum doctrina nullos Hæreticos fuisse aulos negare diuinitatem Patri æterno: cum tamē negauerint Filio, uti Arius; & Spiritui Sancto, uti Macedonius. Res est notatu digna, cuius meritò causa inquiritur. Mihi inuestiganti ea occurrit, videlicet, quòd Pater semper seruauit auctoritatem, & seueritatem: nec se ad homines demisit; missus non est, nec mitti potuit, uti Filius, & Spiritus Sanctus, qui se communicarunt hominibus: Filius per veram Incarnationem; Spiritus Sanctus per gratiæ communicationem; inde factum ut Pater Æternus manens in Arce dignitatis, & seueritatis continuerit homines, nequid sibi detrahere auderent. At verò Filius, & Spiritus Sanctus, qui missi sunt ad homines, ac iis se communicarunt, locum hac facilitate dederunt ingratis hæreticis, ut diuinitati suæ detrahere minus formidarent. Non quòd aliquid amitterent, sed quòd in contemptum ea benignitas ab impiis verteretur. Rectè igitur Patres huius Tribunalis seueritatem præferunt, ut integram auctoritatem suam custodiant, & religione iniecta tueantur.

Silentium, Secretum, Fides.

C A P. VI.



Symma silentij vis est in Sacris, & in Politicis. Nec minor eius necessitas. Propterea in hoc Sacro Sancto Tribunali ritè obseruatur, & in partem religionis transit. Frequentiam inimicam habet, in qua periclitatur Silentium. Est quippe solitudinis filius, ut propè miraculo sit in tanta multitudine ministrorum, tanta illius obseruantia. Huius silentij nomine Respublica Veneta primam inter cæteras politicas gubernandi rationes laudem meruit, quòd valeret Silentio; eique acceptum refert imperium. Sirenes in mari suo non amanit, quòd garriunt, & cantillant, sed pisces mutos, ipsi magis muti quàm pisces Scaphas rostratis præferunt sæpe, quòd silentij symbola sunt, vti prouerbiùm iactat. Et quidem Veneti magis profecerunt silentiò linguarum, quàm strepitu tormentorum. Olim apud Græcos Cereris frumentariæ Deæ Sacra taciturna. Romæ, Bonæ Deæ taciturnitate litatum. Nulla Schola præstantior exiit, quàm Pythagoræ, quòd fuerit silentij domicilium. Profecit plus ciuitibus mutus Harpocrates, quàm Hippocrates Medicus. Hic corporum, ille mentium aliptes. Sacratius tamen est silentium huiusce Tribunalis, Deo consecratum, *Tibi silentium Deus*, perinde est ac *laus*. Laudatur quippe Deus magis silentio meditantis, quàm

44 Schema Sacrae Congr.

voce laudantis . Idcirco inter Psalmos respiratur ad singulos versus , vt significetur animam psalmorum esse meditationem, quæ verba distinguit. At, inquires, Deus est *Verbum*, non silentium. Respondeo. Verbum esse mentis, non vocis : rationale apud Deum intus loquens, & ad intra productum in sinu patris conceptum, genitumque. In sinu Patris Ioan. 1. reconditum, non effusum. Dicitur quidem *Verbum*, & gignitur dicendo, sed dictione intellectus, non gutturis, quo caret Deus. Cum Visibili verbo sumpta carne in vocale transiit *Visus*, & conuersatus Baruch. 3. Dum inuisibilis, & immortalis ab æterno, fuit silentium, non vox articulata fuit: postquam suscepit corpus caducum, & mortale vocem edidit, & rupit silentium. Verum vt indicaret pretium silentij, voluit de nocte nasci : Cum medium silentium tenerent omnia, & nox in suo cursu medium iter haberet. Sap. 18. Quod tempus conticinium continet. Quid? quod Christus annos triginta siluit, & triennio prædicauit. Summa eiusdem mysteria nocte confecta, Natiuitas, Resurrectio, Quin & mors capitale mysterium obscurato Sole, & die in noctem verso peracta. In Coelo inter acroamata, & plausus opportunè seruatur silentium. Apoc. 8. *Factum est silentium in Cælo, quasi media hora*: vt eo proluderetur ad magna. Et in æternitate suum, ac iustum inuenit locum silentium: cui ipsa æternitas assurrexit, Sacramentum dicitur silentium, & secretum Tobia 12. *Sacramentum regis abscondere*. Ad sigillum pertinet, & ad religionem, quod nefas est violare. Cum sit silentium, negatio vocis fieri tamen dicitur *faciebant silentium*, Nehemia 8. nisi si *faciebant* significat *sacrificabant* Verbo Sacerdotii, ut in sacrificium transiret silentium. Nam Leuitæ illud *faciebant*, Litatur in diuinis

Sancti Officij Romani. 45

silentio. Paulus Act. 13. manu est vsus ad silētium in-
 dicendū, quasi ad opus silentium pertineret. Nihil
 eo pretiosius Beata Virgo Verbum gestauit in vtero
 & silentium in corde *Conseruabat omnia verba hac con-*
ferens in corde suo. Luc. 2. O dignum secretorum do-
 micilium! Secreti anima est silentium: vbi perditur
 iugulatur. *Secretum meum mihi secretum meum mihi.* Isai.
 24. vni & sibi vere secretum. Tunc Sanson periit cum
 Dalila suum secretum aperuit Iudic. 16. Aperuisse
 periisse fuit. Inimicis se prodidit, cum amicæ secre-
 tum prodidit. Bonā opera lucem amant, secreta ode-
 runt lucem, & diligunt noxam. Refricemus locum
 Sansonis. Cum eius caput erat crinitum, & inter ca-
 pillos latebat secretum, in tuto fuit; cum rasit caput,
 & ablata capillorum silua secretum apparuit, periit.
 Obseruatum habeo Christum in Euangelio quoties
 mutos sanauit & loqui iussit nunquā dixisse *Aperi os;*
 cum tamē Surdo dixerit *Aperi aures:* *Epheta quod est ad-*
aperire. Marci 7. Noluit eo verbo uti, nec forte quis
 putaret exhortari se ad prodendum secretum. Obru-
 rat Deus, & oppilat ora, vt claudantur. *Pone domine*
custodiam ori meo & ostium circumstantia labijs meis. Psal.
 140. Munitur, & vallatur os, imo & circumuallatur,
 ne quid in illud loquendo ingrediatur, nequid ex illo
 loquēdo egrediatur, ne animus, qui arx est munitissi-
 ma, expugnetur. Facit ille locus sponsæ Cant. 4. *sicut*
vitta coccinea labia tua Haud temerē comparauit labia
 vittæ, quæ ligat, & impedimentum potius affert,
 quàm præsidium. Sane hoc moliebatur sponsus liga-
 re os sponsæ locuturæ illa vitra, ne loqueretur, & lo-
 quendo vitam amitteret. Vittæ liganti alligata erat
 vita loquentis. Addit momentum color *coccinea ru-*
ber, quia *erubescendum est loquenti, si soluat labra,*

46 Schema Sacrae Congr.?

& emittat liberum à custodia secretum. Moneat rubor vittæ, ruboris, loquentem in reuelatione secreti. Qui magna meditantur, & patrant. Silentium profitentur, ac tacendo operantur. Nihil umquam grandius susceptum, aut patratum, quam facinus Iosue aduersus Amorrhæos, cum in medio ardentem cursu frenauit Solem, & clauo suæ vocis fixit, ne moueretur. *Sol ne monearis* Iosue 10. Silentii opus id fuisse docet textus Hebræus, ubi legitur *Tace Sol* indicta statione. Si tacuit cum stetit, loquebatur cum mouebatur, & passus Solis verba erant lucida, & radij vagantes voces erant sermocinantis. Hi consistentes siluerunt, & silentes præstiterunt victorem Iosue. Itaque Sol obediens locutus est victoriam *Obediente Deo voci hominis: Vir obediens loquetur victorias*. Reperit mutum silentium loquax epinicion. Quæ in hoc Tribunali patrantur ad vtilitatem, & gloriam Ecclesiæ sacra fiunt silentio, & secreti virtute patrantur.

Interuenit fides pura, quam albo velatam panno inducit Horat. Ode 3. li. 1. *Quod est in ore silentium*, id est in oculis velamen. Patet ex textu Genes. c. 20. ubi Rex Abimelech dedit Saræ vxori Abraham velamen oculorum in argumentum fidei seruatae, ac seruandæ marito. Quod item confirmatur Genes. 24. ubi Rebecca viso Isaac sponso futuro operuit sese, vt eo operimento testaretur fidem erga sponsum. Haud secus egit Rachel c. 31. Genes. Cum furata idola Patris sui Labani, vt fidem suam seruaret abscondit ea sub stramentis, ne quærenti patri paterent delusa diligentia inuestigantis. Qui rem prodit fidem frangit. Summa ergo opus est fide, quæ ex silentio nascatur. Auertendæ sunt fraudes ab eo, qui fidem proficitur, artes, virtutis, doli amouendi. Agendum sincerè, sine
furo,

fusco, sine fraude, more maiorum. Dissimulationes, fictiones, tergiversationes, & alix tineæ, & teredines fidei repellendæ. Cur tantopere detestatus est Iacob vindictam sumptam à Simeone, & Leui de Sichimitis Genes. 34. ? Nam ij iustè visi sunt facere expetendo poenas ab ijs propter stupratam Sororem Dinam, quemadmodum ij patri exposuerunt: *Nunquid ut scorto abuti debuerunt sorore nostra?* Nec eos tantum reprehendit Iacob ante hanc excusationem, sed etiam post eam, nam cap. 49. eos ob id facinus maledixit, *Simeon, & Leui vasa iniquitatis bellantia. Maledictus furor eorum.* Scilicet, quia fraude & dolo visi fuerant aduersus Sichimitas obrentu religionis adhortando eos ad circumcisionem, & circumcisos interficiendo. *In dolo* ait Scriptura cap. 34. *Sauientes.* Non ergo propter sauitiam, & crudelitatem, sed propter *dolum*, & fraudem, reprehensi, cum præsertim dolo in detrimentum religionis verteretur. Sic Lyra exposuit eo loco *Doctores*, inquit, *nostri intelligunt de interfectione populi Sichem in dolo, cum Sichimita recepissent Circumcisionem in signum faderis amicitia.* Eadem ratione Salomon occidi iussit Ioab principem exercitus Dauidis 3. Reg. 2. quia nimirum interfecerat Abner, & Amasam *In dolo* uti habetur lib. 2. Reg. c. 3. deceptos, ac imprudentes, & nimis credulos, uti notat Abulensis. Sed maius momentum habet locus ille Euangelij. in quo Christus exprobrauit Iudæ osculum proditorium Luc. 22. *Iuda osculo filium hominis tradis?* Non est passus fraudem, & dolum contra fidem, quam in osculo violauerat. Signum, quippe amoris, odii instrumentum fecerat. *Osculatus est eum.* Pura in iudicio Inquisitorum fides, sincera, & incorrupta inuenitur: nihil admittitur, nisi discussum, nisi probatum: seruetur in eo recta, & integra forma

48 Schema Sacrae Congr.

iustitiæ . Quadrat illud Davidis Psal. 118. *Iustus es, & rectum iudicium tuum* . Nec solum iustum iudicium est, sed etiam apparet iustum, ut palam fiat æquitas iudicantis. Cur Deus in condonatione Balthasaris Daniel 5. Stateram intulit, & scribentem manu induxit, in pariete expressa sententia. *Apparuerunt digiti manus scribentis, & postea Hac est scriptura* . Et tandem *Hac est interpretatio*. Scilicet ut nequid occultè fieret, & manifesta esset causa damnandi; unde ponitur in textu *Rex aspicebat*, ut tergiuersari non posset. Vertit Deus in religionem iudicium, & perinde habuit rationem iudicandi, & sacrificandi. In iisdem libris, imò & locis tradidit Deus formas iudicandi, & sacrificandi in Exod. Num. & Leuit. Afferamus locos Exodi c. 18. 20. vsque ad 24. proponuntur simul cæremoniæ iudicandi, & sacrificandi, ceu ad religionem pertinerent. Cuius rei insigne paradigma suppeditat cap. 24. in quo blasphemus iudicatur, & condemnatur. Missus in carcerem à Moyse iubetur à Deo *lapidari*; ea tamen ratione, ut omnes lapidaturi *manus suas super caput eius ponerent*. Quare? impositio ista manuum ad Ordinationem pertinebat. Est quippe impositio manuum propria ordinantis, aliena à condemnante: imponuntur manus ad ordinandum, non ad condemnandum. Impositione manuum. Tim. 4. *Imponebant manus super illos*. Act. 8. Rem teneo. Mens Dei fuit docere tanti esse iustitiam, quanti religionem. Iubet imponi manus ad condemnandum, ut illud supplicium contineret sacrificium. Sacrificium in altari sit, ubi offertur hostia Deo, & supplicium ad altare sit, ubi victima mactatur iustitiæ. Vtrunque ad religionem pertinet. Vtrunque opus est fidei, ad Deum redit. Adicio aliud momentum ex Genes. cap. 28. Collato capite 31. 35. *Erigit*
Iacob

Sancti Officij Romani. 49

Iacob lapidem in titulum, & templum Domum Dei appellat, ubi altare erigendum erat cap 34. Erexit titulum lapideum. Constat sacrum esse lapidem in altare conuerſum. Nunc c. 41 *Lapis est testimonium fidei, & fœderis inter Laban, & Iacob Lapis quem erexi testis erit aīr Laban, qui ut iniret fœdus cum Iacob. Ineamus fœdus appellat lapidem testimonij.* Ecce religio altaris coniuncta cum fide, & testimonio lapidis. Rectè, quia idem lapis, qui habuit vicem altaris, instrumentum fidei fuit. In eo fiebat sacrificium & in eodem reddebatur Fidei testimonium, ut documento foret mortalibus eiusdem virtutis esse, & Deum colere, & proximo fidem seruare. Tanti est Fides. Propterea in Tribunali Deo erecto ad tuendam Catholicam Fidem, Fides, quæ in iudiciis exercetur, pura, & inuiolata seruatur.

Vitia, quæ in alijs iudiciis humanis interuenire solent, ab hoc
Tribunali aliena.

C A P. VII.

TRia sunt, quæ humana corrumpunt iudicia. Aurum, potentia, gratia. Aurum capitale malū, de quo queritur Cicero ad Atticum lib. 1. Epist. 13. quòd eo corrupta essent Romæ iudicia: quæ ille vocat empta, & constuprata. Est quippe integritas iudicij similis integritati Virginis. Vtraque vi auri constupratur, & perditur. Roma antea virgo erat pro-

50 Schema Sacrae Congr.

pter inuiolatam iustitiam, tunc corrupta per auariti-
 am virgo esse desierat. Admiserat vitium cum iam
 ruinam minabatur. Hinc ille iudex Felix Act. cap. 24.
Sperabat pecuniam à Paulo cui iudex obtigerat: eo in-
felix, quòd avarus, & cupidus corruerat iudicia. Quã-
ta sit vis auri nouerat Aaron. Quòd populum in idola-
triam prurientem refrenaret petiit ab eo aurum ad
fabricandum vitulum, quem oprabat, existimans eum
auaritię studio à proposito destitutum. Hac ratione se
se excusauit apud Moysen Exod. 32. Quis vestrum, in-
quit, habet aurum? Verum fefellit eum humana pru-
 dentia, quia alia ingentior cupiditas tenebat populū.
 Cupiebāt enim emere iudicia donato auro, vt Deus il-
 le conflatilis, quem moliebantur confectus ex auro
 remitteret penas propter crimina tubeundas. Idolum
 quippe obligatū auro, ex quo erat fabricatum ligatas
 habiturum erat manus ne puniret peccantes. Quę do-
 ctrina manifestius apparet Baruch. c. 6. Vbi de Diis ex
 auro, & argento confectis dicit Propheta *Nihil aliud*
erunt nisi id quod volunt esse Sacerdotes. Idcirco vituli
 aurei idola erant, quale genus pecudū stimulo agitur
 à minante, cuius arbitrio gubernantur: tanta est erga
 aurum reuerentia. Agitabant ergo illi iudicia corrū-
 pere. Ille idoneus, & inuictus iudex, & princeps est, qui
 nihil accipit à suis. adeo, ut si sua retineat, & seruet,
 dummodò tamen non rapiat aliena, rectè imperare,
 imò & iudicare possit. Mirus est ille euentus, quem
 narrat Scriptura cap. 9. iudicum. Vbi arbores de
 Rege creando deliberantes veniunt ad oliuam, & fi-
 cum & vitem. Offerrentes imperium, quod illę tamen
 repudiarunt causantes iacturam suorum fructuum.
 Itaque conueniunt rhamnum rogantes, vt velit susci-
 pere Regnum aliis oblatum, & ab ijs reiectum.

Sancti Officij Romani. 51

impera nobis . Nihil videtur esse ineptius ad regnandum, quam rubus sterilis, asper, horridus, & incultus, pungens, & lacerans accedentes, nullius utilitatis, nullus fructus, nullius iucunditatis. Cur ergo, & quomodo inuitatur ad imperandum? Scilicet, quia Rhamnus non erat capax ad accipiendum quidquam à quopiā. Arque adeo eo nomine aptum ad regnum, quia & si nihil donare posset, accipere tamen non poterat, nec accipiendo corrumpi. Nihil donabat, sed ei tamen nihil donabatur. Hoc satis erat ad bene imperandum: esse incorruptum. Nihil seucrius cautū ab hoc insigni, & pio tribunali, quam nequid auri irrepāt: omnino est à sorde auaritiæ alienum. Si quid secus accideret, capitale id esset. Quadrat in hanc Sacrosanctam domum Inquisitionis illud Cæsaris dictum. Domum Cæsaris non solum crimine, sed etiam suspitione criminis carere oportere. Integrum est, inuiolatū, incorruptum, Horret auaritiā, detestatur cupiditatem. Cum sit arbor florida, fructifera, & opaca ubi agitur de lucro vertitur in Rhamnum spinosum, horridum, asperum, acutum. Talē se exhibuit ille typus iustitiæ Apocal c. 1. Flāmeis oculis, niueis crinibus, terribilis ensē, qui vel intuētes perterrefaceret, & arceret. Nihil est apud Tullium, ciuem integerrimum fratri suo Quinto Ciceroni frequentius, & vehemētiūs commendatum in primo Epistolarum ad eundem, quam auersio à pecuniis, & abstractio à ministris auaris, & perniciosis. Illud memorandum quod Deus apud Baruch vehementer improbat idola, quod ex auro, & argento conflarentur, quia scilicet ubi aurum dominatur, nihil ibi diuinū esse potest. Negat Deos esse, quos capit aurum, & qui accipiunt aurum. *Accepit*, inquit, *auro fabricati sunt*, quod cum diuinitate, & integritate

50 Schema Sacrae Congr.

pter inuiolatam iustitiam, tunc corrupta per auariti-
 am virgo esse desierat. Admiserat vitium cum iam
 ruinam minabatur. Hinc ille iudex Felix Act. 24.
Sperabat pecuniam à Paulo cui iudex obtigerat: eo in-
felix, quòd avarus, & cupidus corruperat iudicia. Quā-
ta sit vis auri nouerat Aaron. Quòd populum in idola-
triam prurientem refrenaret petiit ab eo aurum ad
fabricandum vitulum, quem oprabat, existimans eum
auaritię studio à proposito destitutum. Hac ratione se
se excusauit apud Moysen Exod. 32. Quis vestrum, in-
quit, habet aurum? Verum sefellit eum humana pru-
 dentia, quia alia ingentior cupiditas tenebat populū.
 Cupiebāt enim emere iudicia donato auro, vt Deus il-
 le conflatis, quem moliebantur confectus ex auro
 remitteret pēnas propter crimina tubeundas. Idolum
 quippe obligatū auro, ex quo erat fabricatum ligatas
 habiturum erat manus ne puniret peccantes. Quę do-
 ctrina manifestus apparet Baruch. c. 6. Vbi de Diis ex
 auro, & argento confectis dicit Propheta *Nihil aliud*
erunt nisi id quod volunt esse Sacerdotes. Idcirco vituli
 aurei idola erant, quale genus pecudū stimulo agitur
 à minante, cuius arbitrio gubernantur: tanta est erga
 aurum reuerentia. Agitabant ergo illi iudicia corrū-
 pere. Ille idoneus, & inuictus iudex, & princeps est, qui
 nihil accipit à suis. adeo, ut si sua retineat, & seruet,
 dummodò tamen non rapiat aliena, rectè imperare,
 imò & iudicare possit. Mirus est ille euentus, quem
 narrat Scriptura cap. 9. Iudicum. Vbi arbores de
 Rege creando deliberantes veniunt ad oliuam, & fi-
 cum & vitem. Offerentes imperium, quod illę tamen
 repudiarunt causantes iacturam suorum fructuum.
 Itaque conueniunt rhamnum rogantes, vt velit susci-
 pere Regnum alijs oblatum, & ab ijs reiectum.

Sancti Officij Romani. 51

impera nobis. Nihil videtur esse ineptius ad regnandum, quam rubus sterilis, asper, horridus, & incultus, pungens, & lacerans accedentes, nullius utilitatis, nullus fructus, nullius iucunditatis. Cur ergo, & quomodo inuitatur ad imperandum? Scilicet, quia Rhamnus non erat capax ad accipiendum quidquam à quopiā. Atque adeo eo nomine aptum ad regnum, quia & si nihil donare posset, accipere tamen non poterat, nec accipiendo corrumpi. Nihil donabat, sed ei tamen nihil donabatur. Hoc satis erat ad bene imperandum: esse incorruptum. Nihil seuerius cautū ab hoc insigni, & pio tribunali, quam nequid auri irrepat: omnino est à sorde avaritiæ alienum. Si quid secus accideret, capitale id esset. Quadrat in hanc Sacrosanctam domum Inquisitionis illud Cæsaris dictum. Domum Cæsaris non solum crimine, sed etiam suspicione criminis carere oportere. Integrum est, inuiolatū, incorruptum, Horret avaritiam, derestatur cupiditatem. Cum sit arbor florida, fructifera, & opaca ubi agitur de lucro vertitur in Rhamnum spinosum, horridum, asperum, acutum. Talē se exhibuit ille typus iustitiæ Apocal. c. 1. Flāmeis oculis, niueis crinibus, terribilis ense, qui vel intuētes perterrefaceret, & arceret. Nihil est apud Tullium, ciuem integerrimum fratri suo Quinto Ciceroni frequentius, & vehemētius commendatum in primo Epistolarum ad eundem, quam auersio à pecuniis, & abstractio à ministris avaris, & perniciosis. Illud memorandum quod Deus apud Baruch vehementer improbat idola, quod ex auro, & argento conflarentur, quia scilicet ubi aurum dominatur, nihil ibi diuinū esse potest. Negat Deos esse, quos capit aurum, & qui accipiant aurum. *Accepto*, inquit, *auro fabricati sunt*, quod cum diuinitate, & integritate

52 Schema Sacrae Congr?

te stare non potest. Eo sane profecit Dionysius Tyrannus, quod cum barbam auream & amictum aureum idolis suis detrahit, declarauit non esse Deos quibus aurum adhaerebat. Obiicies tamen illos vigintiquatuor Seniores Apoc c.4 qui iudices representabant, quorum tamen capita coronis aureis fulgebant, & in capitibus eorum corona aurea. Ante Deum coronati stabant, approbante Deo, quod in idolis reprobauerat apud Prophetam Baruch, dum ait, *Coronas aureas habent super capita sua.* Qui duo loci videtur opponi. Nam cur improbantur in Baruch aureae idolorum coronae, & probantur in senioribus Apocalypsis Coronae aureae? Respondeo: hoc esse discrimen inter coronas, & coronas, quia Dii apud Baruch habebant eas affixas, & perpetuas, ut nunquam de ponerent, semper retinerent. At vero Seniores Apocalypsis coronas mobiles gestabant, easque ponebant, & abiiciebant, aurum continentem; itaque ad speciem, & pompam coronis utebantur; unde Sacer textus inquit. *Procidebant Seniores, & adorabant, & mittebant coronas suas ante thronum* testantes se non habere coronas ad possidendum, sed ad proiciendum. Aurum quippe impedit integritatem in iudice, uti apparet in eo loco Exod.8 ubi Iethro docet Moysen modum iudicandi. *Prouide, inquit, homines, qui oderint auaritiam, in quibus sit veritas, quasi non posset veritas iudiciorum, cum auaritia consistere, quod ibi animaduertit Nicolaus de Lyra his verbis. Homines cupidi propter munera facile defleunt a iustitia.* Iure igitur Sacrosanctum Tribunal aurum detestatur, dona reiecit, munera horret, & arcet. Procul o procul este venena. Numerat quippe munera in venenis, Nihilo item minus reiecit potentiam: nec patitur se vlla vi, aut potestate, aut auctoritate auerti, vel demoueri

Sancti Officij Romani. 53

ueri ab officio. Inflexibilis est Sacra Inquisitio. Virga ferrea vtitur, non frondea, quæ flecti solet, & torqueri iuxta dictū Psal. 2. *Reges eos in virga ferrea* propter constantiam in iudicando. Coronarum, Sceptrorum rationem non habet. Sola ducitur iustitia: sequæ inuit integritate, & magnanimitate aduersus potētiam ingruentem, sequæ ingerentem. Iudices armari debent, quasi pugnaturi aduersus principes, & potētes, si velint hanc Arcem quaterere, & labefactare suis viribus, potentia, opibus. Id notatu dignū quod Moyſes c. 18. Exodi. *Eligit in iudices viros strenuos, tribunos, & centuriones*, quasi exercitum colligeret educturus in aciem ad dimicandum. Rem intellexit. Vidit opus esse fortitudine ad resistendum potentia ingruenti, & tentanti expugnare iudicia. Ita suos iudices comparabat ad iudicandum, quasi instrueret ad bellandum. Optimus iudex cedere non debet potentibus, sed iure agere, & iustitiæ dare, quod potentia extorquere molitur. Pudere debet iudicem, si timeat potentiam. Nouerat hoc Dauid 2. Reg. 14. Peccauerat Absalon in patrē occiso fratre Amnone. Puniendus erat propter crimen Absalon. David iudex constitutus paratus erat ad puniendum. Voluit Iob causæ se interponere, & Absalonem liberare. Erat princeps militiæ, potētissimus, strenuissimus, habebat in potestate exercitum. Noluit vti potentia, quia nouerat Dauidem propter vim, & metum minime à iustitia recessurū. Quid ergo? vocauit mulierem Thecuitidem, vt eius opera vteretur, veniamq; à Rege iudice Absaloni impetraret. Rem acutē tetigit. Rex quippe mulieri annuit, concedens quod Iobo negaturus erat. Reiecit potentiam, admisit lacrymas, & preces: hoc significauit, eū rogauit mulierē, vtrum Iob potentia vellet vti ad extorquendam sententiā.

Nun-

54 Schema Sacra Congr.

*Nunquid manus ioab tecum est? Nota Manus, quæ potentiam indicat: quasi diceret si ioab manu & potentia uti vult, resistam, ne videar largiri potentia, quod est iustitiæ. Lacrymis, & precibus do, quod armis, & potentia non darem. Abi: vivat Absalôn precariò, non per vim. Propterea in Sacris Scripturis frequenter habetur Deum non respicere personas, præsertim potentes, ut doceat nullam habendam esse rationem in rebus iustitiæ potentia, & virium. Iob. 34. *Dens non accipit personas Principum, & Deuter. 10. Personam non accipit: facit iudicium pupillo, & vidua.* Ducitur iure misericordiæ, nõ potetia. Pauperem audit Iob. 34 & contra principem fouet cum disceptaret cum paupere. Repellit potentiam, arcet tyrannidem: non cognovit tyrannum cum disceptaret contra pauperem. Non audit strepitum armorum, sed gemitum plorantium. Fauet mendicanti, non imperanti. Turbulenta, implexa, infelicia, iniusta sunt illa iudicia, in quibus vis, & potentia principum dominatur. Apparet hoc in iudicio illo, quo nihil fuit, aut excogitari potest iniustius, & deploratius, damnationis Christi Domini ad mortem. Id præuidit Propheta, cum cecinit psalmo 2. *Astiterunt reges terra & principes conuenerunt in unum aduersus Dominum, & aduersus Christum eius.* Interuenit quippe Præses Pilatus, Rex Herodes, Principes Sacerdotum, Cæsar imploratus; imò causa mortis Christi fuit respectus ad Cæsarem, cuius potentiam Pilatus formidauit. Cum enim audisset. *si hunc dimittis non es amicus Cæsaris.* Io. 19. statim capitalem contra Christum tulit sententiam. Valuit apud iniquum iudicem vis potetia, non virtus iustitiæ. Alia est prorsus Sanctæ Inquisitionis Romanæ institutio, ut vim, & potentiam principum non attendat, & sua integra, & incorrupta sustineat iudicia. Non excludit*

tamen

Sancti Officij Romani. 55

tamen protectionem, & auxilium Principum, ad Fide defendendam, seruandam, propagandam; quod Principes erga Inquisitores ubiq; præstare solent, qui pro ea gladios stringunt, & clypeos obiectant, vt aduersus Schismaticos, & Hæreticos sartam eam, testamque, tueantur.

Reicienda denique est tertia tinea iudicij, quæ est gratia: cui sepe iudices in aliis Tribunalibus multa largiuntur. Auctor diuinæ gratiæ Christus inimicum se præbet humanæ gratiæ in iudiciis. Noluit Ecclesiæ suam Ioanni committere, sibi caro, & gratiofo, ne gratiæ videretur dare. Elegit Petrum, cui & gregem, & claues commisit. *Ti dabo claues. Pasce oues meas.* Quin & Maria Salome matri filiorum Zebedei poscenti Cathedras pro filiis minime annuit, remittēs petitionem ad Patris æterni potestatem. *Non est meum dare vobis, sed quibus paratum est à Patre meo.* Petitio, gratia, consanguinitatis nitebatur, idcirco eam minus curauit Christus, & quia res erat iustitiæ, & ille Rex iustitiæ iudicio patris reseruauit. Concinit alter locus Ioan. 11. vbi resuscitaturus Lazarū ita rem disposuit. Cū accepisset litteras à Maria, & Martha sororibus pro fratre infirmo scribentibus, non continuo se accinxit ad iter, sed moratus est, dum moreretur, & postea profectus iit suscitatum Lazarum mortuum, quem poterat curare viuum. Quare distulit miraculum? nec statim patrauit cum litteras accepit? nimirum quia litteræ prætendebant gratiam *Ecce quem amas infirmatur.* Hæc causa fuit morandi, & expectandi mortem Lazari, qui interim mortuus est. Maluit quippe illum mori, & sepeliri, & post quatrimum è sepulchro reuocare, quàm illam vel saluum à morte liberare, vel statim post mortem resuscitare. Id enim agebat, ut doceret, se non
duci

56 Schema Sacra Congr.

duci amore, neq; gratia erga sorores amantes, & Lazarum amatum, sed trahi iure miserationis, nequis putaret gratiæ se in eo miraculo rationem habere. Idcirco petente matre in nuptiis vinum pro inuitatis Ioan. 2. respondit minus ad speciem suauiter *Quid mihi, & tibi est mulier?* quo indicauit patraturum se miraculum ex propria potestate, non verò pro gratia aliena, Quæ in re maximè obseruandum est, quòd iudex ille diuinus. Apoc. 1. Gladium in ore habebat inter labia, vnde acutus exibat. Visus est significare labia locum esse iustitiæ, quæ pugnabat cum gratia. Dixerat autem Propheta de eodem Christo. psal. 44. *Diffusa est gratia in labijs tuis.* Vt ergo auferret suspitionem largiendi propter gratiam labiorum, prouidit, ut ex iis gladius prodiret præcidens gratiam labiorum inducto iure gladiatorum. Largitus est asperitati, quod negauit gratiæ. Documento in iudicijs nihil gratiæ dandum, sed iuri, & rationi. Christum haud dubiè imitatur Sanctissimum Inquisitionis Tribunal, in quo non habetur ratio gratiæ humanæ, quæ corrumpit iudicia, sed iuris & iustitiæ. Nec obiciias Christum esse auctorem gratiæ, *Gratia per Christum facta est.* Ioann. 1. quia hæc gratia lōge diuersa est ab illa, de qua loquimur humana, inimica veritati, cū Euangelium de Gratia Christi, quæ diuina est, dicat *plenum gratiæ, & veritatis.*



EMINENTISSIMO

& Reuerendissimo Principi,

CARDINALI

FRANCISCO

BARBERINO.



Hoc nascente Principe
 nobilis in Cælo præ ex-
 pectatione tumultus
 fuit. Certantibus inter
 se Astris de tutela in-
 fantis. Nec quieuerunt, donec su-
 peri eius cura suscepta amanda-
 runt ad cunas sydera, quæ ambi-
 tioso splendore inferuerunt se cre-
 pundijs, vt radijs vestirent infan-
 tem, sed delusa spe retraxerunt se-
 se, quod ille abundabat luminibus,

H

& in

8 BARBERINVS.

& in cunis orientis senferunt occa-
 sum. Et quidem adulti opera, vi-
 cerunt sydera. Micuit clariùs fa-
 ctis, quam astris. Nobiliùs astitit,
 Urbano Octauo Pontifice Patruo,
 Romanæ Ecclesie, quam Stellæ
 Lunæ. Hæ ferunt noctem: ille tu-
 lit diem, & iustituit Cœlum, Atlas
 Urbani: non tamen immobilis,
 sed irrequietus, & cum cœlo suo
 mobilis, yt circumferret lumina,
 & dispertiret mortalibus. Clauibus
 vsus omnes thesauros doctrinarũ,
 & virtutũ aperuit, & effudit. Ma-
 gna Catholici Orbis anima habi-
 tabat angustè in priuato corpore.
 Transijt in publicum, & animauit
 Orbem. Acre ingenium, celsa in-
 doles, altum consilium, parem
 eum vnum omnibus Congrega-
 tionibus reddiderunt. Nihil sine

eo ab Ecclesia, aut piè susceptum,
aut prudenter administratum, aut
præclare gestum, aut feliciter con-
fectum. Cunctæ illum dignitates
inuitarunt: mira contentione, cet-
erum hominem honores ambirent. Sa-
crorum obseruantissimus aram,
viam se præbuit, & colendum ab
omnibus, & immolandum pro
omnibus, quibus se totum, & sua
impendit. Victima pietatis vigi-
lat, vt quiescant alij: eget, vt abun-
dent pauperes: sudat, ne laborent
inopes: spoliatur se, vt vestiantur e-
geni. Vnius proprium est amare
miserias, vt subleuet miseros. A-
more iuuat rempublicam; odio
auget, quòd sola vitia odit: nec mi-
nus proficit cum timetur, quàm
cum amatur. Effusis omnibus co-
pijs nihil colligit præter scientias,

quas comprehendit mente capacissima, sed eas iterum in usum publicum effundit, & litteratos ditans, Mecenate maior, excitat studia litterarum. Omnium curam habet, præterquam sui: eoque viuit augustius, quod omnium in se curam conuertit, nunquam moriturus, cum alij proprias ei æternum victuro vitas impendant. Mori nescit, qui publico beneficio viuit. His virtutibus dignus effectus, qui & Purpurei Senatus Princeps, & huius Sacrosancti Tribunalis caput esset; & viua doctrinarum, & honorum summa existeret.



EMINENTISSIMO

ac Reuerendissimo Principi

CARDINALI

GABRIELLO



Vgusta oris, & corporis species Gabriellum nomine dignum affirmat; spiritus domicilio respondet. Nusquam nobilius habitat animus. Propria Angelorum, & diuersa munera vnus omnia erga sedem Apostolicam obit. Ardore charitatis, luce doctrinae, splendore dignitatis, æquitate dominij, fortitudine virtutis, amplitudine potestatis, iure principatus, integritate iudicij, vigilantia

custodiæ, ad profectum reipubli-
cæ. Hæ virtutes beneuolentiæ
conditæ admirabilem eum red-
dunt, & amabilem. Itaque interius
celum foris in Ecclesia repræsen-
tat: ac de illa, & superis benemere-
tur. Illud ei nouum, & gloriosum
contigit, quòd cum Cœlum post
transactas miseras beatos homi-
nes reddat, Gabriellus beatos in
miserijs facit. Qui velit cōpendio
quid sit virtus, & doctrina discere,
Gabriellum intueatur, & solo as-
pectu eruditus euadet. Labora-
bunt tamen oculi, dum radiorum
erumpentium copia præstrin-
guntur. Tantus enim splendor
exit, vt Soli æquiparari possit. Ita-
que aquilinis opus est oculis, vt in
eo figatur obtutus. Noctem, & no-
ctuas arcet, nisi Athenientes sint,

que oliuæ Mineruæ assuetæ, lucernas oleant, & studijs operam impendant. Legationes impositas obit splendide, pro dignitate personæ, ad Ecclesiæ vtilitatem, vt Angelo cognomini suo respondeat. Vbi, & quoties iura sacra dicuntur eius responsa estimantur oracula; sic accipiuntur, quasi veniant Gabrielis ab ore.



EMINENTISSIMO.

ac Reuerendissimo Principi

CARDINALI

FACHENETTO



Vo huiusce præstantissimi Herois Ecclesiastici propria sunt: magna Fama, & iusta Expectatio. Nescio quid de illo mentes acutiores augurantur, & animi ardentiores affectant. Vota anteueniunt fastigia, & merita confirmant vota. Tot ille abundat virtutibus, vt beatus viuere posset, nisi intercurrentes morbi mortalitatis admonerent. Fortè concursus ille virtutum indiguit morfu doloris, ne ali-

qua

FACHENETTVS. 65

qua gloriolæ specie tentaretur. Itaque & naturæ mortalis signa excellentiæ argumenta sunt. Erumpunt ex animo indicia præclara, acuminis, ponderis, prudentiæ, magnanimitatis, constantiæ, quæ admirationem pariunt, & qualis futurus sit, si in summo collocetur fastigio, significant. Nemo illo doctior, nemo eruditior, nemo in Sacris litteris, nemo in rebus politicis versatior. Tanta est suauitate ingenij, vt omnes alliciat: tanta oris & corporis maiestate præditus, vt omnibus religionem iniiciat. Sirenem eum dixeris illaqueantē animos concentu virtutum. Nec mari opus est, vbi amari incipit. Singulari est eius in superos pietas, in ciues benignitas, in exter-

66 FACHENETTUS.

nos humanitas. Deuincit hospites
ad se venientes: nemo eius domi
liber est, nam cum excipitur capi-
tur, nec vult excludere nobilem,
seruitutem. Episcopi apud Paulū
Ideam veris coloribus exprimit.
Pastor Ouium, Custos, & Vindex,
Ecclesiæ defensor acerrimus. Theo-
logiæ arcana rimatus, & vtriusque
iuris sinus ingressus iustum con fi-
cit orbem scientiæ. In'ferēdis sen-
tentijs grauis: maturus: eloquens
Catonem in Senatu purpureo Sa-
crum exhibet. Nec folia Sibyllina
recitat, sed oracula propē diui-
na pronunciat.

EMINENTISSIMO:

ac Reuerendissimo Principi

CARDINALI

C Y B O.



Cquis hunc Heroa dignis efferat laudibus? vt ad sydera vsque euehatur, altius ascendit. In eum natura

omnia, quæ optari possunt, ornamenta congeffit: sanguinis, indolis, ingenij, iudicij. Fortuna contulit splendorem, dominatum, opes. Gratia pietatem, modestiam, religionem. Iustitia videtur ingenua. Hæc sola in bilance, ac mensura posita: cæteræ virtutes

in excessu versantur, extra men-
suram euagantes, vt toti profint
Reipub. Ultra vulgarem medio-
critatem collocantur in summo:
ob amplitudinem personæ: cui-
pares non elsēt in medio. Decet in
Cybū quod est excelsum: quæq;
in aliis excellere videntur, in eo
depressa, cumulum, culmenq; ex-
optant, & obtinent. Quàm varia!
& solida doctrina! Quanta subti-
litas in ratiocinando! quanta pru-
dentia in consultando! quanta æ-
quitas in iudicando! Eius calcu-
lus omnes numeros equitatis con-
tinet. Omnia sunt in eo grata, iu-
cunda, pia, & in omnes partes recti
flexibilia. Vnum iudicium infle-
xibile. Hoc Angelicum habet.
Spirat Hieronymum eruditione,

Augustinum acumine, Ambrosium suauitate, Gregorium pietate, Athanasium constantia, Basilium integritate, Nazianzenum grauitate, Chrysostomum magnanimitate. Doctrinam verò omnium exhibet. Domus illius doctorum hominum, & perfugium est, & hospitium, in qua qui pedem ponit hospes esse desinit, quod hospitium pro beneuolentia domini in domicilium mutat. Quos impares, & similes natura, vel fortuna tulit, coniunctio studiorum similes, & pares facit. Si quæris ubi habitat Urbana litteratura, cum tribus gratijs, scias apud Cybum Purpureum Principem habitare.

EMINENTISSIMO

& Reuerendissimo Principi,

CARDINALI

OTTOBONO:



Vi videat præclara
 lineamenta vultus, &
 vibrantem oculorum
 aciem, & augusti oris
 speciem, planè sentiat
 quosdam arcanos impulsus amo-
 ris, & reuerentiæ erga Heroem,
 conspicuis dotibus insignem,
 quem ætas nostra tulit ad docu-
 mentum doctrinæ, & virtutis sin-
 gularis. Peregrina gemma in Ve-
 netis vndis orta, è longiquo oriun-

da

da. A Cyprijs Aquilis accepit ingenium cum splendore sanguinis clarissimo, acre subtile, acutum, cum maturitate iudicij, & gravitate morum copulatum. Nihil nisi altum cogitat, nihil nisi sublimè meditatur, animo excelso, generoso, anhelante æternitatem. Confluentes in se dignitates, avidas honoris, meritis antevertit, & acceptas minores reddidit. Erubuerunt, & intulerunt purpuram pudore nobili, quòd non æquarunt virtutes. Venetijs invidit Capitolium caput Ottoboni, capite orbis dignum, seque beatum duxit cum vidit, ac ut eo frueretur ex Patritio Veneto patrem Romanum fecit. In Rota collocatus

celestis ſphæræ intelligentiam
 præſetulit. Tantus hic vir eſt, vt
 tota Curia in eo niti poſſet, ſi co-
 lumnis indigeret; & ipſe ſuſtine-
 ret ſolus, niſi pares ſocios habuiſ-
 ſiſſet. Ad ſumma natum igneus
 quidam vigor in ſuperos agit, in
 quorum habitat vicinia, immor-
 tali propior, quàm mortali. Non
 eum capit terreſtris orbis. Erum-
 pit ex anguſtijs vultus, ac liber
 ſpiritus, & auras anhelat puriores,
 inuitant eum ſydera, vt melius
 luceant. Planetæ alliciunt ne illo
 Duce errare contingat. Sydera
 proluccant, ceu in eo firmamentū
 quærant, in quo firmius poſſint
 conſiſtere.

EMINENTISSIMO

& Reuerendissimo Principi,

CARDINALI

ALBIZZIO.



Alue Reipublicę Purpurantis Heros: Fidei lumen: Hæresis fulmen: Religionis columna: Ecclesię propugnaculum! Tu singulari prouidentia à Deo datus, vt grassantes errores cõpesceres, & obiecta tui pectoris inuicta fortitudine infringeres, & labefactares. Doctrina irrefragabilis; moribus integer; indole generosus. Alios Heroicę virtutes Heroas faciunt: in

te fiunt virtutes Heroicæ. Nemo te altiùs ad superos magnanimitate ascendit, nemo demissiùs ad míseros pietate descendit: eo tuã amplitudinem: hoc tuam humanitatem ostendis: vbi oportet admirabilis: vbi decet amabilis. Extra Romam natus, nactus es indolem Romanã: **PARCERE SVB- IECTIS, ET DEBELLARE SVPERBOS.** Cùm omnes scientias doctrina, vsque didiceris, tria tamen discere non potuisti, metum, auaritiam, adulationem. Tam iustus es, vt si tunc viueres, cùm Astræa terras fugit, tuum astris prælatura esset domiciliũ. Omnia quæ in te summa sunt, ornamenta, iusta sunt. Nec quidquam debes, aut fortunæ, aut gratiæ. Pu-
deret

deret te nisi à iustitia ornari. Nec
 ista parum sudavit, ut paria tibi
 præmia quæreret; cum tua merita
 æquari vix possint. Tunc timuit
 sibi iustitia, ne iniustitia videretur,
 quod equale reddere non pos-
 set. Nec illa timere desineret, nisi
 tu pro tui animi magnitudine hæc
 ei sollicitudinem ademisses. Am-
 bitionis expers, merita in præmijs
 numerasti. Frustra fatigat se fama
 ut præclaras dotes animi tui suis
 laudibus consequatur. Licet ma-
 gna de te referat, minora, quàm
 par est, prædicat. Sed quod illa
 prædicare nequit, supplet tuæ ad-
 miratio virtutis, quæ vincit expe-
 ctationem, superat inuidiam, la-
 cessit ipsam, quam tuo prefers
 Stemmata, Æternitatem.

EMINENTISSIMO.

ac Reuerendissimo Principi

CARDINALI

CHISIO.



Era Ecclesiastici Principis effigies in Flauio Chisio expressa, visitur, plena dignitatis, plena maiestatis.

Qualem gessit uiuo Alexandro Pontifice Maximo, Patruo, cuius augustam præsefert imaginem.

Miratus est in adolescente Orbis erumpentes in acerba ætate maturas virtutes, quas singularis gratia commendabat. Nec minus theatrum tantâ decebat personâ.

Cumulatus honoribus, omnes su-

stinuit, & superauit expectationē.
 In ijs gerendis & astra, & clauēs in
 potestate habuit. Felix iuxta & a-
 mabilis. Totus quantus est, se ad
 Ecclesiā confert, ceu recturus ean-
 dem; nec illa non vocat ad Tiarā,
 effusa in vota, & preces Roma, Cu-
 pida fruēdi maturis fructibus, cui
 vel acerbi placuerunt. Perge porro
 ire, Flauī, viā, quam affectas bene-
 uolentiā, ac beneficentię publicę,
 quę Alexādrī, & Chisię clarissimę
 gentis propria semper laus fuit .
 Tuū est bene mereri de omnibus,
 & omniū studia promereri. Nulla
 est in Flauio virtus aut parca, aut
 otiosa. Omnes abundant, & re-
 dundant in alios. Omnes sunt in
 perpetuo beneficentię motu; &
 sicut Princeps planetarum Sol

circumactu lucidi orbis dispensat
lumina : ita & Flavius Princeps
sua ornamenta, munifica volubi-
litate circumfert, & quacunque
graditur liberaliter dispergit, &
impartit. Ea officia Principum op-
timè collocantur, quæ in com-
mune transeunt beneficium. Vi-
ue Chisi, vltra terminos mortali-
tatis positus, æternitatis candi-
datus :



EMINENTISSIMO.

ac Reuerendissimo Principi

CARDINALI

ALTERIO.



I superbi- virtutes
 possent in hoc Prin-
 cipe Alterio superbi-
 rent. At cum superbæ
 esse nequeant, elatæ
 sunt, ac generosæ, & tumore quo-
 dam nobili gloriosæ. Certè tot
 tamque illustres sunt, vt nisi ei
 principatus datus esset, fieri vir-
 tuti videretur iniuria. Ambiunt
 alij dignitates, subornant impe-
 ria: hic meritis exigit. Alij pre-
 cario

cariò imperant, hic iure. Tanta honorũ multitudo est, vt nullus desideretur: tanta præstantia, vt omnes in summo sint. Ita se produnt, vt emineant; eminentque adeò, vt ex alto proiectis radiis præstringant oculos tanti splendoris impatientes. Quantum in eo acumen ingenij? quantũ pondus iudicij? quanta maturitas cõsiliij? Quæ magnanimitas, quæ amplitudo? Nec solitariae sunt, sed forense, non absconditæ, sed in lumine collocatæ: experientia probatæ, & ignis quibusdam moribus purgatiores: prorsus dignæ, quæ splendidissimis Clementis Decimi syderibus alluceant. Crescunt in dies cùm augeri non possint. Alterius, cùm iuris sui sint,

ALTERIVS. 81

eas liberalitate sua alterius iuris facit , & cùm in eo dominantur, seruiunt reipublicæ . Sed gloriosiora existunt cùm fiunt ciuium, mancipia. Præfunt vt profint, proficiunt cùm alijs proficiunt . Fortunat Ecclesiam Alterius, cùm suas omnes in eam impendit fortunas . Clementis Decimi clauis docet magistra manu soluere magis, quàm ligare ; aperire potius, quam claudere . Hoc mirabile, quod dum videtur contrahere vsum clauium ad beneuolentiam, auget beneficia , amplificat Ecclesiam .

EMINENTISSIMO;

ac Reuerendissimo Principi

CARDINALI

A R A G O N I O.



Vanta lux Toletana
in Arce è fumosis ima-
ginibus Aragonii Car-
dinalis oboritur! Sed
ille fumus regius est, &
omnem lucem exuperat . Inuol-
uunt clarissimum Solem fumeæ
nubes, & diem Soli Hispaniæ red-
dunt. Omnia in se posita ornamē-
ta videt, circumfluens dotibus re-
dundat in alios. Eius caput nobi-
lissimarum curarum Sedes. Cor af-
fectuum piorum domicilium est.

Acu.

ARAGONIVS. 83

Acumine valet, & pondere cū
 consiliat, alacritate & dexteritate
 cū agit, prudentia, & solertia
 cū dirigit, auctoritate, ac felici-
 tate, cū conficit publica, & Ec-
 clesiæ, & regni negotia. Vtrumq;
 nouit: Philosophari, & regere; &
 Platonis compositam ad omnem
 perfectionem rempublicam præ-
 stare. Quo studio exerit publicas
 virtutes, eodem priuatas occultat.
 Ad Superos conuersus vni Deo
 vacat: reuersus ad imos vniuersis
 hominibus consulit. Miscet se
 orans Angelis, & ab iis vix digno-
 scitur, vt non emineat. Rursum
 dat se miseris, & donando proficit,
 vt appareat. Cū sit locupletissi-
 mus depauperat sese locupletatu-
 rus egenos; cū sit illustrissimus

84 ARAGONIVS.

comprimit radios, vt longiùs spar-
gat; cum fit largiffimus stringit fe-
domi, vt foris effundat in paupe-
res. Vfuram tamen capit, multò
plusquam donat, cum omniũ ad fe
corda rapiat. Adeo vt vitio quo-
dãmodo nobilitetur rapinæ. Quis
crederet tantum Principem vfu-
rarium, & raptorem fore, & hec vi-
tia in virtutem verfurum? Nulla
facta verfura? Sed hoc regiæ virtu-
tis eft, quæ in eo cum regio fan-
guine enitefcit. Dare opes, & re-
cipere amorem, & gratiam ege-
norum.



EMI-

EMINENTISSIMO

ac Reuerendissimo Principi

CARDINALI

PICCOLOMINEO.



Vffarcinatus hic præclarissimis familiæ ornamentis nobiliter sudat, sed abstergit sudorem propria, & inclyta virtus, quæ parè eum reddit maioribus, & sudor transit in gloriam. Erudito in puluere prouocauit purpuram auidam sui. Multa eam ornamenta antecefferunt, vnū consequetur vèturum. Nec illa occupauerunt immeritum, & istud inueniet merentem. Grauitas cum
faci,

86 PICCOLOMINEVS

facilitate coniuncta amorem ei
 apud omnes, reuerentiamque cō-
 ciliat . Gratiam publicanꝝ virtus
 promeruit . Vfus commendauit
 virtutem; nec enim hæc solitaria,
 in Piccolomineo fuit, quæ in poli-
 ticiis rebus exercita altè eminuit .
 Rubescit in purpurâ: sed non eru-
 bescit; quòd eam meruit, & exal-
 tat. Illam astris inuoluit, & felicè
 reddidit. Fortunabit orbem si fi-
 nus explicet: etenim si excutiat,
 effundet sydera intra lacinias col-
 lecta. Beatus Genius huius Herois
 altus, generosus, magnanimus ad
 summa nititur: & vel ad sublimia
 ascendit, vel ea ad se trahit. Nec
 repugnant, quòd vbicunque ille
 fit, ibi fastigium, & culmen, &
 apex est. Solis instar graditur, &

con-

PICCOLOMINEVS. 87

conficit signa lucentia, & vniuersum Ecclesie orbem lustrat, & fouet; semper infusa luce, vt diem efficiat, & noctem abigat, nisi cum ad communem quietem spectat. Dandum ideo Piccolomineę genti, vt omnes rationes suas, fortunasque priuatas ad publicam utilitatem semper retulerit, ac ex communi bono sua commoda æstimauerit.



EMINENTISSIMO

& Reuerendissimo Principi,

CARDINALI

ROSPIGLIOSO:



itterarum is columnen,
& virtutis lumen susten-
tat, & illustrat Ec-
clesiam. Numine pro-
pore afflatus Clemen-
tis IX. Patru Pontificis, breuis
quidem vitæ: sed non interituræ
memoriæ. Illius est virtutum ima-
go, quarum ille idea extitit. Spirat
animam illam Pontificiam, & spi-
rat in eo suauissimus Christi odor
quem redolet. Si probitas, si fides,
si religio, si clementia spectari ocu-
lis

ROSPIGLIOSVS. 89

lis possent, eæ in hoc Principe expressæ viderentur. Debent alij virtutibus, huic virtutes debēt, quod eas reddit in persona sua suaves, & amabiles. Sunt qui noceant virtutibus austeritate ingenii, hic proficit suauitate. Amēniores adulescens litteras coluit, rorida cælestium doct, inarum eruditione aspersas. Hinc pullulauere, ac purpurauere rolæ, quæ in purpuram, abierunt. Hac illustris micæ inter Patres, & emines virtutibus, quæ in te videntur ex compacto confluxisse, ne qua deesset, de loco sollicitæ, quod timerent ne, si in te non essent amitterent opinionem virtutis. Tantum in te est, Rospigliose, momenti, vt ex te æstimari dotes velint. Ijs volare cūm pos-

90 ROSPIGLIOSVS.

fis, tanquam alis ad culmen, len-
 tus gradatim ire mauis, vt exem-
 plum imitantibus relinquas, &
 præclarum meritorum specimen
 præbeas, ne aut fortuitò, aut præ-
 cario ad fastigium ascendisse vi-
 dearis: sed veris, & solidis virtuti-
 bus nixus culmen obtineas. Ros-
 pigliose domus laus esto: dignita-
 tes non ambire, sed promereri, &
 depositis priuatis studijs, commu-
 nibus suffragijs assignare, & in v-
 sum Reipub. conuertere.



EMI

EMINENTISSIMO,

ac Reuerendissimo Principi

CARDINALI

PVERTOCARRERO



Vanta spirat in hoc
 Principe purpurato di-
 gnitas! quanta maie-
 stas! vel visus probat
 ingenitam nobilitatē.

Suscitat vnus Maiores suos, & su-
 stinet, clarior reddito sanguine,
 quàm accepto. Hispani acuminis
 indices sunt oculi: in ijs animus
 viuit, ac erudit intuentes. Nec tã
 vero ille subtilis est, quàm ipsa
 subtilitas: re vincit exaggeratio-
 nem. Mens fœcunda doctrina, di-

M 3

sciplinis

92 PVERTO CARRER.

disciplinis spirat. Theologiæ apicem tenet: arcana scripturarum nouit: per vtriusque iuris fibras se se insinuans iustitiæ medullas attingit. Arguit vt Scotus: docet vt Sanct. Thomas: iudicat vti S. Bonauentura, cōfirmat vti Albertus: conuincit vti Alensis. Omnium colligit animas, & voces reddit. Dotes facilius admireris, quam laudes. Extra inuidiam, præter fortunam, vltra expectationem sunt: germanæ, solide, graues, blanda quadam vrbauitate conditæ, mira conciliatricula voluntatum. Quot sententiæ tot faculæ: quot consulta tot lumina: quot consilia tot sydera, cum opus est veritate. Nec fulmen desideres, si opus sit seueritate: verum humanitas in-

nata

PVERTOCARRER. 93

nata: feueritas accersita. Virtutes
& in cumulo & in summo habet:
omnes in publicum erumpunt :
haud patitur generositas in ocul.
to, priuatoque consistere. Harmo-
niam efficiunt, quia similes : dis-
cordiam, quia pares . Hinc ambi-
tio contentions: cum ex eo, quod
se nouerint excellentes, videan-
tur ex æquo inter se de principa-
tu contendere.



EMI.

EMINENTISSIMO

& Reuerendissimo Principi,

CARDINALI

CARPEGNA:



Ic te siste, Heros ma-
 gnanime, vt te admi-
 remur, insignem pur-
 pura, cumulatū vir-
 tutibus, auctum ho-
 noribus, omnibus superiorem, ne
 dum parem: capacem plurium.
 Ob ingenij beatitatem. Vnus è
 tuis, quos geris magistratus lassa-
 ret Herculem. Tu onustus om-
 nium mole pondus non sentis.
 Imò in alas honores vertis, & vo-
 las. Illud mirabile te nullam ob-
 con:

CARPEGNVS. 95

congestas dignitates subire inuidiam, imo gratiam colligere. Gratissimus vsque ad delicias populi, qui in te purpuratū Titum agnoscit. Vni tibi contigit consumere inuidiam, cū sumis honores. Scilicet tibi donantur, non à te subornantur. Expectas, non ambis. Obtines, non occupas; nullum prentas: te inopinantem apprehendunt. Geris incorruptè: administras integrè, collocas vtiliter, vt reddere videaris debitos, non habere proprios. Nihil ex ijs ad te redit præter ornamentum: emolumenta relinquis alijs, vt fruatur; laboras, vt alij quiescant, magna inde gloria in Clementem Decimum redundante, quòd quæcunque tibi detulit munera, ea

iustè

iustè contulisse putetur, ita vt sint
 non Clementiæ Clementis, sed
 iustitiæ iudicis tribuenda. Loci
 in quibus sacrum ius dicis, & Ec-
 clesiastica beneficia dispensas;
 quæ antea erant seminary quere-
 larum, hodie sunt promptuaria
 laudum tuarum. Nemo te carpit
 Carpegna, imò te capiunt in cor-
 dibus, & tu vniversos capis bene-
 uolentia, ut te CARPEGNUM
 deflexo paulùm nomine CA-
 RVM PIGNVS appellent.



EMINENTISSIMO

& Reuerendissimo Principi,

CARDINALI

ESTREO



I quis vnquam Heros
humanæ sphaeræ limi-
tes transgressus affe-
ctauit superos, ac eos
propiùs, quàm mor-
tales contigit, is est Cardinalis Es-
treus, qui tot, tamque miris orna-
tus virtutibus, vt ambiguũ faciat,
sit ne apud nos natus, an ad nos
è cælo lapsus? Augustior eius est,
quàm pro humano habitu spe-
cies, & affirmat altiore originem.
Omnem non modo expo-

N

stationem

stationem superat, sed etiam confumit. Nemo auderet sperare, quod ille præstat : tum in sacris dum facit, tum in Curia dum consulit, tum in Scholis dum docet, tum in Republica dum regit. Scripturarum diuinarum, quàm peritus ! Sacrorum Canonum, quàm sciens ! Vtriusq; iuris quàm prudens ? In Concilijs quàm versatus ? Theologicarum disciplinarum quàm gnarus ? Forensium rerum quàm expertus ? Concipe, quam voles, ideam perfecti in omni genere virtutum Viri ; & illam Estreo Cardinali applica, votis respondebit ; imò & ideam imperfectionis arguet, quòd non æquiparet exemplum . Incapax est eius amplitudinis fabula, quæ ne fabulando

bulando quidem potest quidquā
 addere veritati. Minus, quā sit
 verum, exaggerando finget. Cū
 ex lege poetica ornamenta cumu-
 let, nullum erit periculum menti-
 endi. Demi ex eo potest, & acci-
 pi, quo alii abundant. Ipse sibi v-
 nus satis est, & par. Solitarius im-
 plet orbem, & impleret alios, si in
 vacuo esse possent. Suspirat se in
 arcto esse, sicut Alexander, quod
 vnius mundi angustius contineri
 non patitur.



EMINENTISSIMO

ac Reuerendissimo Principi

CARDINALI

AZZOLINO.



Vc ades purpuratum
 sydus, Ecclesiæ corcu-
 lum, Romanæ Curæ
 ocellus, summa voto-
 rum, cumulus dotium,
 virtutum compendium, amoris,
 & admirationis scopus, schola
 gratiarum. Nemo te urbanior,
 nemo suauior, nemo acutior, ne-
 mo prudentior, factus ad geren-
 dam rempublicam, genio, & inge-
 nio, & vñ rerum maximarum,
 Vtriusque politicæ norma & es.

&

AZZOLINVS. 101

& haberis cum publico desiderio;
 & plausu. Occultis motibus ani-
 morum ad suprema impelleris :
 Quod optant corda, augurantur
 mentes. Decent generosum subli-
 mia. Nihil tam est altum, quod
 meritis non sit tuis inferius. In pu-
 blicis causis quod est arduum ex-
 pedis, quod graue sustines,
 quod perniciosum auertis, quod
 utile admittis, & præstas. Illa sum-
 ma laus est, quod omnia tua or-
 namenta tibi debes: ex te cun-
 cta profundis. Alij fiunt tem-
 pore, tu momento excellens
 beatissimi ingenij fecunditate.
 Singularis tua prærogatiua fuit,
 quod Augusta Christina nostri
 cui Herois, doctrina, & virtute
 incomparabilis, cum fidem est

IME

pro;

professa Catholicam, & Romæ
 posuit domicilium, te vnum elegit
 cuius consilio in dubijs, cuius o-
 pera in arduis vteretur: quod sane
 fuit de tua prudentia, & virtute
 ad magnam tui nominis gloriam
 illustre præiudiciū. Serus ad lu-
 peros eas; nam dum inter nos fue-
 ris, Romanam Ecclesiam fortuna-
 bis.



EMINENTISSIMO

ac Reuerendissimo Principi

CARDINALI

CASANATÆ.



Quem te memorem !
 cuius virtutes nec pro
 multitudine numera-
 ri iuste, nec comme-
 morari pro dignitate
 exactè possunt. Alibi sunt in nu-
 mero, in te innumera. Pondus ha-
 bent propter grauitatem iudicij,
 sed oneri non sunt, quòd à superis
 sunt, teque ad summa leuant. Alię
 iustam mensuram habent, tuę
 mensura carent, quòd excellunt.
 De numero illud solum in te qua-
 drat,

drat, quòd sis omnibus numeris absolutus. Tua multiplex eruditio extra te posita miraculo esset; in te, quòd videtur innata, excludit miraculum. Eo tamen mirabilior, quòd quocunque te vertis, nunquam extra scientiam pedem ponis. In vno stans vestigio Encyclopædiam conficis. Simul ac appares, Cœlum Stellis conspicuum representas; distinctum luminibus doctrinarum. Solem Oriëntem refers, dum fulges, ac reddis diem. Occidentem dum nitidus doctarum oleo lucernarum de nocte splendes. Phœnix ingenij esse posses, ni Phœnix fabula foret. Metum mortalibus adimis de iactura Bibliothecarum, cum et si omnes pereant, eas tu restituere memo-

riæ beneficio possis. Vniuersos libros in numero habes. Extra omnem ingenii aleam positus fortunæ aleam non pertimescis. In Casanata Casia nata est propter odorem fragrantium virtutum. Nacta in te litteraria Respublica est viridarium ameniorum litterarum, paradisum sacrarum doctrinarum, in quo mortalium ingenia benè collocari, & feliciter beari possint.



EMINENTISSIMO

ac Reuerendissimo Principi

CARDINALI

NERLI.



I vsquam in acerba ætate, maturæ indolis, grauis iudicij, multiplicis doctrinæ, speciem vidisti, lector, in Cardinali Nerlio vidisti. Eruditum dixeris miracu'ũ, ad stuporem doctarum mentium comparatum. Si concutiat pectus thesauros prodet absconditos scientiarum ad locupletandam rempublicam litterariam. Vbi pedem ponit orbitam doctrinæ impres-

sam

sam videas, per quam si quis ierit
iustam Encyclopædiam confi-
ciat. Quid? quodd ultra ætatem,
maturus, doctam præsefert sene-
ctutem, ac experientiam anteuer-
tit. Videtur in numero habere
omnia publica negotia, & quasi
comprehensa è mente in publi-
cam lucem afferre. Suscipit ala-
criter, ceu innata sibi fuissent, &
tanta facilitate conficit, vt ijs vi-
deatur imperare. Inuitant eum
ardua; quæ alios deterrent. Quod
Dei proprium est, habere omnia
in sua æternitate præsentia, de eo,
quantum licet homini, Nerlius
participauit, vt in tempore res
penè infinitas attingat ope scien-
tiæ. Puderet Nerlium, si quid
ignoraret. Ita studet quasi desti-

tuatur ingenio: tam valet ingenio, vt studio non indigeat. Vtrūque tamen coniungit, nequid alteri detrahat; & documento fit alijs, ingenio opus esse studijs. Memoria singulari præditus, significat ingenita sibi esse, quæ docet; addit vsum, & experientiam rerum politicarum, in quibus specimen præbuit multiplicis notitiæ, maturi consilij, exquisitæ prudentiæ, qui velit emendatiorem politicam, Nerlium consultet oraculum.



EMINENTISSIMO

& Reuerendissimo Principi,

CARDINALI

C O L V M N Æ.



Acta est hunc Principem domus Columnia voto, & euentu felicissimo, quod nouerat illius ornamenta gloriæ sibi futura. Vt omnes Heroas colligeret eum adsciuit, in quo erat omnium summa Heroum. Nec ille fefellit vota, cum ea impleuit, & expectationem superauit. Auxit purpura paludamenta Martialis familiæ. Astra Galeri Mercurialis galeis cristatis

tis admiscuit. Rubra quidem, sed
 extra ruborem. Si virtutes pon-
 dus haberent, tot in eo sunt, vt co-
 lumna ad sustentaculum opus ef-
 fet: at illæ in pennas conuersæ ad
 fastigium honorum volant. Intra
 merita manent dignitates: prode-
 unt cateruatim, vt sequantur do-
 tes. Nec virtutes singulæ cōsistūt,
 sed nexæ. Ingenium cum ponde-
 re, subtilitas cum iudicio, magna-
 nimitas cum moderatione, graui-
 tas cum facilitate, cum religione
 humanitas, cum seueritate suauis-
 tas. Quam harmoniam finge-
 bat Pythagoras in motu orbium cæ-
 lestium, eam Columna inducit
 in verlanda sphaera virtutum.
 Omnes illum desiderant: ille de-
 siderat nulam. Dolet quod non
 sunt

COLVMNA: III

sunt plures, vt impleant capacem
 animum : supplet tamen nume-
 rum magnitudine, nullam quip-
 pe exiguam nouit . Perge ijs frui
 purpurate Princeps, & ornare Rē-
 publicam : quę in te tanquam in
 Columna constanti inclinata re-
 cumbit . Quod si ignea Columna
 opus est Ecclesię dum procedit ,
 & nauigat , tu ei Columnam , fir-
 missimam, & Pharum clarissimam
prestare potes.



113

ILLVSTRISSIMI

ac Reuerendissimi D.D.

P R Æ L A T I

Qui Consultores dicuntur.

Stephanus Vgolinus Patriarcha
Constantinopolitanus.

Vir acerrimi ingenij, grauissimi iudicij, exquisita prudentia, spectata experientia, ad omnia summa natus, & factus; dignus qui in suprema Patriarchali post Romanam aliquando Sede, cum Nazianzenis, Chrysostomis, Ignatijs sedeat.

Iacobus de Angelis Archiepiscopus Vrbinas vices
gerens Eminentissimi Cardinalis Vicarij.

Spirat in hoc acumen maturitate conditum, praclaranda indoles, cum dignitate coniuncta: Dexteritas generosa ad suscipiendas, & agendas Sancti Officij causas, & ad reliquas Romanae Curiae expediendas accommodata, & in usum publicum reducta.

Stephanus Brancaccius Episcopus Viterbiensis.

Summa in hoc dignitas oris, & corporis, virtus eximia, doctrina multiplex, mira morum suauitas. Vera is Cardinalis

P

dinalis Brancacj Effigies, quam cum spei vsura Reipublica Christiana exhibet, ad quam diuina prouidentia tuendam natus, ornandam factus, amplificandam institutus.

Franciscus Maria Phæbeus Archiepiscopus Tarsensis Sancti Spiritus Commendatarius.

Hunc ultra Phæbum meritis euntem intueri, librorum doctissimorum radijs coruscantem. Nihil ei deest, vel doctrina, vel dignitatis, vel virtutis ad gloriam. Omnia in se posita ornamenta videt, & illorū aspectu fruitur. Beatum se putat, cum prodest Reipublica, cui omnia sua, & summa, consulit. De cætero minime sollicitus. Magis de illo sollicita est Purpura, quæ quod in eo non rubescit, erubescit.

Stephanus de Augustinis Archiepiscopus Heracleensis.

Hic iuris vtriusque normam, iustitiæ exemplum. aequitatis imaginem animatam exhibet. Domi studiosus, foris negotiosus: priuatis, & publicis Officijs ita fungitur, ut omnium votis ciuium satisfaciatur, gratiam colligat, & amulorū extinguat inuidiam.

Marcus Gallius Episcopus Ariminensis.

Omni praconio maior fatigat samam, expectationem vincit, acroamata publica meritis obtundit, quod resint minora, quàm merita. Cogitat sublimia summa meditatur: ipse summa vinax virtutum in loco illustri positus eminet.

Marius Fanus Episcopus Cyrenensis.

Congesti in hunc honores cumulum virtutum indicant,
quas si cum ijs conferas, pares inuenies. Impetu quo-
dam dotes effusa significant animi vbertatem: ijs rem publi-
cam, & innat, & ornatur ad speciem beatitatis.

Camillus Piazza Episcopus Dragoniensis
Assessor Sancti Officij.

In hoc Assessore spirantem quandam videas illius Assi-
stricis apud Salomonem Sapientia imaginem. Cuius ha-
bet in mente capacissima reconditos thesauros, quos cum
loquendo aperit, gemmas effundit. Valer iudicio, pollet
nigenio, prestat eloquio, abundat virtutibus, iisque tum de-
coras dignitates, tum pronocat obtinendas: quas ei iusta
piorum vaticinia augurantur.

Ioannes Thomas Roccaberti Generalis Ordinis]
Prædicatorum.

Hæc ades, Roccaberte, rupem apertam aquarum cale-
stinum ingerens, & deductis virtutum riuus irrigans
Principem Prædicatorum Ordinem, & Sancti Officij Tribu-
nal, quæ in te diuina prouidentia confluerunt. Omnes
summa, & tanta dignitatis, vt de principatu inter se
contendant: nusquam certè ad priuatam gloriam nobilius,
nusquam ad commune bonum vtilius collocantur.

Raymundus Capisuccus Sacri Palatii
Apostolici Magister.

Et tu quoque, Raymunde, radijs mundum illustrare per-
go, cum tot lumina comprehendas, & alterum Diu-

P a Thoma

*Thoma Solem addas: cuius in te viam imaginem exprimis
tum angusta specie, tum doctrina soliditate, tum virtutis
claritudine. Harum tu specimen in tuo praeclaro de Contro-
uersijs tomo praebisti.*

**Dominicus Pozzobonellus Commissarius
Sancti Officij.**

His te socium adde, Pozzobonelle, quem spiritus viuarum,
mens acuta, subtile ingenium, graue iudicium, exqui-
sita doctrina, virtus singularis ad hoc munus obeundum, ba-
bilem, aptumque reddiderunt, ut nihil optari possit prestan-
tius. Qui perfecti Commissarij Ideam desiderat, is in Poz-
zobonellum intueatur.

Laurentius Brancatus Laurea.

O Te virum huius aetatis mirabilem! mentis facundi-
tate, genij amplitudine, doctrina varietate, ingenij
acumine, morum integritate excellentem! Spbygem Sa-
cræ dixerit, qui te videat omnes Ecclesiasticas Controuer-
sias explicantem. Perge ire ad astra tot libris editis, qui te
solidissimum doctorem testantur, & viam Bibliothecam
vltra Vaticanam, cuius es Custos, declarant.

Michael Angelus Riccius

Ingenio summo, iudicio excellenti, virtute multiplici
memorabilis. Ornatissima Bibliotheca auctor, cuius ipse
anima est, quam cum priuatus indefesso studio exbarrat. pu-
blici iuris facit, retento tamen dominio, cum totam doctri-
na possideat, secumque quocunque vadit, sapientia manan-
tem circumferat.

Cappa

Cappa Sancta Socius Commissarij Generalis

Iustum & fidum Commissarij Achatem se gerit. Arma ei
litteraria suppeditat, ipse strenuus, & belli Ecclesiastici
peritus, & ultra socium doctus.

Petrus Scriba Fiscalis.

Mveri suo par, acer, prudens, solers, severus, nequid
vel fraudis, vel doli ad Sanctissimum Tribunal
obrepit diligenter inuigilat.

Alexander Lucidus Aduocatus Reorum.

Hic aduocationem piam adhibet reis, & spei filum ma-
gistra manu ad euadendum labirynthę os difficultatem
maandros porrigit.

Franciscus Riuardus Notarius.

Quasi venator diligens sensa, & dicta exscribit summa
fide; ut conflet de veritate. Scripta mandat acri-
nitati.



COROLLARIUM

De vnione huius Sacrosancti Tri-
bunalis cum suo capite Papa,
& virtute inde emanan-
te ad decidendas con-
trouersias Fidei.

SECTIO I.

*Papam esse Regulam visibilem Fidei, & Iudicem contro-
uersiarum Traditione ostenditur.*



Vo constituunt Doctrinam Eccle-
siaz, Veritas fidei reuelata, Hæ-
reses contraria euersa. Vtrunq; ad
caput Romanum Pontificem spe-
ctat: cuius est declarare articulos
Fidei, credendosque proponere, &
errores propalare, & arcere. Ille
magnus Pontifex Apocal. 1. Gla-

dium exerebat *ex vtraque parte acutum*, vt vna acie ex-
poneret Fidem, altera hæresim præcideret. Duas hûc
Claues traho: alteram quæ aperit ostium Fidei; al-
teram quæ claudit ostium hæreseos. Articuli fidei
non fiunt à Pontifice, sunt quippe à Deo, diuinæ, ac
æternæ veritatis. Reuelati proponuntur, & decla-
rantur à Pontifice. Hæreses contrariæ fiunt, & fabri-
cantur

cantur ab hæreticis. Deprehenduntur, & reijciuntur
vti figmenta à Pontifice. Id nos docuit Christus Io.
10. in parabola Pastoris. *Pastor vocat oves, quæ illam se-
quuntur, & vocem eius audiunt. Furem non sequuntur, sed
fugiunt ab eo, quia non nouerunt vocem alienorum, idest
Hæreticorum.* Eiusdem est *Pascere oves*, & Lupos
auertere. *Pasce oves meas.* Hoc munus ab initio Ec-
clesiæ suscepit, ac exercuit primus post Christum Sū-
mus Pontifex Petrus. Act. 11. & 13. statuens legem
gratiæ cum baptismo: refutans legem Moyli cum
circumcisione. *Per os meum*, ait cap. 13. Idem reliqui
Pontifices Christi Vicarij Petri successores obierunt,
& quod proprium Inquisitorum est, cum suo capite
hæreses condemnarunt. Redeamus ad Petrum.

Petrus Simonem Magum primum Hæresiarcham
proscripsit, & extinxit.

Eleutherius Marcionem, & Valentinum damna-
uit, teste Tertulliano in lib. de Præscriptionibus.

Victor Theodorum Byzantium excommunicauit
Auctore Theodoreto lib. 2. hæret. fabul. & ante il-
lum Eusebio lib. 5. c. 27. dum refellit calumnias Ar-
temonis, & sectariorum in Victorem.

Zephyrinus Montanistas cum Proclo eorum An-
tefignano, & Tertulliano hyperaspiste proscripsit.

Fabianus Priuatum hæreticum Romæ confixit
iuxta Cyprianum Ep. 35.

Cornelius Nouatianum communione priuauit, vti
scribit Eusebius lib. 3. cap. 35.

Dionysius Paulo Samosateno anathema dixit,
quod Felix primus suis literis decretalibus confirma-
uit. Ex Athanasio de Synodis, & Eusebio lib. 7. cap.

34.

Melchiades Donatistas exegit. In eius vita.

Sil.

Sylueſter Hippolytum, Calliſtum, Viſtorinum in 2. Romano Concilio eiecit ab Eccleſia. Arianos idem Sylueſter ſæpè, & Iulius Primus, & Felix Secundus anathematizarunt.

Damaſi extat ſententia contra Vitalē hæreſi Apollinaris infectum lata, & in Epiſtola ad Paulinum, & in actis Concilij Romani 3. Vix alium Pontificem, plures damnaſſe errores comperies. Ille Arianos, Semiarianos, Apollinaristas, Sabellianos, Macedonianos, Eunomianos, Photinianos, anathemate percuſſit.

In Siricio eam poteſtatem agnouit Ambroſius, & Mediolanenſis Eccleſia in Epiſtola ad eundem.

Innocentius Primus Pelagium, & Celeftium condemnauit.

Zoſimus poſt longam dubitationem eoſdem tandem proſcripſit.

Boniſacius Primus Maximum Epiſcopum Manichæum conſixit. Semipelagiani à Celeftino Primo compreſſi, & Auguſtini doctrina conſecrata. Neſtorius condemnatus.

Sixtus Tertius damnauit Pelagium, Celeftium, & Neſtorium.

Leo Magnus omnium penè hæreſum, quaſi nouus Hercules, & dômitor monſtrorum fuit. Epiſtola illius Prima Manichæos damnatos oſtendit. Reſcriptum ad Flauianum, quæ eſt Epiſtola decima, & ad Iulianum I I. adhuc ante coactum Chalcedonenſe Concilium monſtrat hæreſim Eutychetis, & Dioſcori eſſe conſixam. Quod maniſeſtiùs patet ex ſequentibus poſt congregatos in Synodo Patres ad complures ſcriptis. Huc pertinet Synodi ſecundæ, Ephęſinæ condemnatio, de quo

tot

tot epistolæ scriptę reperiuntur. Damnati Nestorij in Epistola 45. ad Pulcheriam Augustam testimonium est. In vtrunque sæpe hæresim extremè oppositam fulminat Epistola 48. & 49. & 52. Literæ ad Palestinos Monachos magnam errorum vim euertunt. Epistola 40. ad Nicetam Aquileiensem Episcopum Pelagianos percellit. Epistola 93. in Priscillianum fulgurat. Apollinarẽ Nestorio sæpe, & Eutycheri socium, dum vtrunque execratur, adiungit. Legat qui volet vnam ex illis Epistolis 97. ad Leonem Augustum. Quin Timotheo quoque Alexandriæ Ecclesiæ Inuasori, & hæresim perniciosissimam intrudenti anathema dixit, & sedem interdixit. Sunt eius rei epistolæ 99. & 100. luculenta testimonia.

Extant Simplicij fulmina in Timotheum Ælurum, in Petrum Moggum, in Acatium expressa in Epistolis ad Zenonem Imperatorem, & Acatium. Felix Tertius, Enoticon Zenonis impium, & fraudulentum prodidit, & proscripsit. Gelasij Epistola prima ad Euphëmianum iusta, & copiosa hæreticorum fixio est, Eutychetis, Dioscori, Timothei, Petri, Acacij, quicum eorum fautore Epistola 21. proscribuntur. Pelagianam hæresim renascentem multiplicatis literis detestatur. Examen illud Librorum in Concilio Romano susceptum, & confectum vniuersalis quædam hæreticorum damnatio est.

Anastasij 2. Epist. quæ Libellus dicitur ratam habet damnationem Acacij, & aliorum, quos is defendebat, hæreticorum.

Symmachi Epist. 7. fulmen est, nec minus nona ad Orientales, in qua Eutyches, Dioscorus, Timotheus, Petrus, & Acacius exploduntur.

Indiculus Hormisdæ, Ennodio, & socijs datus. lenchus

lenchus est hæreticorum, quorum ibi nomina pro-
scribuntur. Multi ab hoc Pontifice confixi hæretici,
ac inter eos Faustus, ut patet ex Epist. 70. ad Pos-
sessorem.

Ioannis Primi Epist. 2. Arianam perfidiam toties
extirpatam, quæ in quibusdam reuixerat, opprimit,
ne deinceps renascatur.

Epist. 1. Ioan. Secundi continet anathema Nestorij,
& Eutychetis. In 3. Aquinitos, siue Acemetas Mona-
chos idem Pontifex condemnat.

Agapeti Epist. 1. ad Iustin. Cytum, & Sectarios ana-
thematizat. de hoc verò Monachi in Libello oblato
Imperatori Iustiniano sic: *Dominus Ecclesia sua donauit
illud scutum in expugnabile aduersus hæreticos excisando
spiritum Agapeti Romani Pontificis.*

Vigilius in Epist. 1. ad Iustin. profitetur se execrari
hæreticos à suis prædecessoribus anathemate percus-
sos. Idem in Constituto vltima parte plurimas hære-
ses condemnat.

Pelagius 1. in Epist. Encyclica exhibet catalogum
Romanorum Pontificum, qui hæreses, & hæreticos
perculerunt, quos ipse etiam percellit. Est verò
Epist. 14.

Gregorius Magnus Epistola 72. testatur proprium
vnius esse Pontificis Romani hæreticos refrenare, &
compescere, ne catholicis noceant. De quo argu-
mento legenda est Epistola ad Dominicum Cartha-
ginensem, & illa insignis ad Quirinum, & Episcopos
Hiberniæ. Hac pertinet Concilium Numidiæ, in quo
hæresis simoniaca detecta, & proscripta, ac in eos,
qui essent infecti, pænæ constitutæ.

Agatho Papa in sua Synodica Epistola Monothe-
litas condemnauit.

Zacharias Adalbertum Gallum, & Clementem
Scorum congregata Romæ Synodo hæreticos ex-
posuit.

Adrianus primus Iconoclastas debellauit.

Nicolaus primus, & postea Adrianus secundus
Schismaticos Constantinopolitanos cum suo Photio
deiecit.

Callistus secundus schisma dilacerans Ecclesiam
sustulit.

Ab Innocentio secundo Petrus de Bruis, & Arnal-
dus de Brixia fulmine percussi.

Eugenius I. in Concilio Rhemensi. Eorum tur-
pem hæreticū. & Gilbertum Porretanum damnauit.

Ab Alexandro Tertio Vualdensium, & Albigen-
sium hæreses grassantes compressæ.

Innocentius Tertius errores quosdam Ioachimi, &
Almerici, & renascentia Albigensum dogmata lex-
tinxit.

Innocentius Quartus Schisma grauissimum su-
stulit.

Gregorius Decimus Græcos Schismaticos rectam
de processione Spiritus Sancti à Filio sententiam do-
cuit, & ad vniōem Catholicam reduxit.

Clementis Quinti, damnatio Petri discipuli Ioachi-
mi, & Beguardorum, & Beguinarum, & Fratricello-
rum, & Dulcinistarum iustum opus fuit.

Eugenius Quartus quinque errores Græcorum no-
tos, & celebres condemnauit.

Iulius secundus perniciosum schisma extinxit.

Leo Decimus Lutheranam hæresim fulminauit.

Paulus Tertius. Iulius Tertius. Pius Quartus ope-
ra Tridentini Concilij plurimas hæreses iugularunt.

A Pio quinto, & Gregorio Decimotertio Baijer-

rores confixi.

Propositiones Iansenij à veritate fidei alienas primum perculit Urbanus Octauus. Easdem deinde Innocentius Decimus; tandem Alexander Septimus evertit.

Adeo manifesta hæc veritas est. Vt ne Aduersarij quidem Catholicorum Hæretici, eam negare ausi fuerint, dum aliquam Ecclesiæ formam tenuerunt: nec se à capite separarunt, admissa, & recognita Summi Pontificis Romani suprema auctoritate Regulæ visibilis Fidei, & Iudicis controuersiarum. Pro-nocando, & appellando Pontificem, cum vel se Catholicos sponte profiteri, vel ab hæreseos sibi impositæ notis liberare conabantur: eoque se præsidio satis sibi esse muniti videbantur.

Exempla fidem dictis faciunt.

MArcion hæresiarcha Aniceto Pontifice Romæ venit, vt hæresim suam dissimularet, & Catholicus putaretur.

Felix, Iouinus, Maximus, Priuatus, Repostus damnati à Patribus Africanis, vt se purgarent Romam ad Cornelium Pontificem se contulerunt.

Basilides Libellaticus ad Stephanum Papam pronocauit. Ad eundem rebaptizantes appellarunt.

Ariani sæpe Romani Pontificis opem implorant: & apud ipsum aduersarios Catholicos accusant; vt eos suspectos redderent. Patet in causâ Athanasij, & Marcelli.

Vitalis sectator Appollinaris, vt se purgaret, Damasum Papam conuenit.

Rufinus, & Melania, Origenis erroribus imbuti

ab

ab Anastasio Papa, ut se defenderent, literas formatas impetrarunt.

Pelagius, & Celestius ad Romanos Pontifices currerunt; Pelagius per literas: Celestius etiam coram Zosimo Pontifice Romæ apparuit, ac ea specie Religionis diu Catholicos deluserunt.

Nestorius ea tem. arte Celestinum Pontificem fallere conatus est.

Eutyches condemnatus Libellum appellationis Leonis Pontifici, quo se purgaret, exhiberi nomine suo iussit.

Euphemianus Constantinopolitanus Episcopus ad Gelasium legationem misit pro sua defensione.

Monachi Scythiæ ad Hormisdam Papam excusaturi venerunt.

Acemeta Monachi ad Ioannem secundum eadem de causa Romam se contulerunt.

Seuerus obrentu recursus ad Romanum Pontificem tentauit hæresis notam vitare.

Horum secutus exemplum Petrus Abaylardus tempore S. Bernardi, cum ab eo argumentis preme-retur, vt se liberaret, astute ad Sedem Apostolicam appellauit.

Imo & superioris seculi Hæretici, dum sani, & sobrii fuerunt, hanc potestatem in Romano Pontifice agnouerunt.

Ex quibus Vuicleff. epist. ad Vrbanum Sextum. *Gaudeo planè detegere cuiusque fidem meam, & specialiter Romano Pontifici, quia suppono, quòd si sit Orthodoxa, ipse fidem meam confirmabit, si erronea emendabit. Romanus Pontifex Summus Christi Vicarius in terris est.*

Lutherus ad Leonem decimum in resol. prior. disp. *Beatissime Pater prostratum me pedibus Beatitudinis tuae offero*

offerò cum omnibus, quæ sum, & habeo: vocem tuam, vocem Christi in te præsentis, & loquentis agnoscam.

Ioannes Pezibranus Hussita in prof. fid. Profiteor f. deli Corde, & ore, quia omni voluntate, & desiderio sum in spe, cupio in re esse, ex integro inuolabiliter, & irreparabiliter membrum sanctæ Romanæ Ecclesiæ Catholica Vniuersalis, & Romanæ per totum orbem diffusa in Apostolicis sedibus à Beato Petro Apostolorum Principe fundata, & usque modo continuata, & supra firmam Petram tam firmiter roborata, quòd portæ inferi non possunt aduersus eam quomodolibet prauallere.

SECTIO II.

Quomodo Papa sit Regula Fidei, & Iudex Controuersiarum.



Constat hic non institui quæstionem de Papâ, prout est priuata persona: sed prout agit Vicarium Christi, & Petri successorem, cum in Cathedra Petri sedet, ac ex ea loquitur, & definit. Hoc in statu summi potest duobus modis: primò solus per se: secundò coniunctus cum Concilio. Sunt qui dicunt Papam sine Concilio non esse infallibilem iudicem controuersiarum, sed omnino adiungendum ei esse Concilium. Cuiusmodi sunt Nilus lib. aduers. primatum Papæ. Gerson. & Almain. in lib. de potest. Eccles. & Alphons. Castro lib. 1. cap. 2. contr. hæres. & Adrianus VI. in quæst. de Con.

Confirmat & plures Parisienses. De quibus Bellarm. lib. 4. de Rom. Pont. c. 2. & Becanus in Controu. & opusc. Ego in meis Schol. positiu. Schola 6. Oportet de hoc diligenter inquirere. Et quidem exempla, quæ affert Becanus, vt moneret Papam esse iudicem controuersiarum, omnia sunt coniuncta cum Conciliis, idcirco proxima secta trulimus alia, quæ sunt solitaria, & propria Romanorum Pontificum. Illi ergo, qui dicunt Concilium esse supra Papam, quos non sequimur, imò taxamus: consequenter dicere debent iudicem controuersiarum esse Papam cum Concilio. Nos tamen, qui contrariam sentimus, affirmamus Papam sine Concilio, & solitariè sumptum esse iudicem controuersiarum, atque omnino per se cum definit ex Cathedra esse infallibilem.

Primò quia hæc infallibilitas est donata, & annexa à Christo Domino Petro, & successoribus Petri illis verbis Matth. 16. *Tibi dabo Claves Regni Cælorum: & illis Luc. 22. Oramus pro te vt non deficiat fides tua, & aliquando conuersus confirma fratres tuos: & illo Ioan. 21. Pasce oues meas, vti latè probauimus in Tessera Pontificia, & lib. 1. de Clauibus, & expendit Leo IX. in Epistola ad Michaellem, & Gregorius VII. in decretis in synodo Romana. In his enim locis Christus cum Petro, & successoribus loquebatur, qui communis sensus est Patrum, & Interpretum, & Doctorum. quos citauimus in Tessera nostra Pontificia. Et per se liquet: prouidebat quippe Christus toti Ecclesie, quam in Petro fundabat, & erudiebat. Inanis vero, imò nulla esset illa prouidentia, si vel in Petro solo consisteret, nec vltra tenderetur, vel illi qui vice illius futuri erant, errare in Fide possent. Admissum falli Pontificem, qui verum erit, Non desecuram Fidem?*

Fidem? non deficiet Fides tua? Singulari illi homini Petri successori addita. Nisi sit Pontifex certus & constans in Fide, arena erit, non Petra. *Tues Petrus*. Si erret, & deuiet à Fide, quomodo *Pascet oues?* *Pasce oues meas* Palabunt hæ: discerpentur: non pascuntur. Illo labente in doctrina non poterunt stare Fratres; quomodo enim eos confirmabit titubans, & labans? Non erit ergo locus dicto *Confirma Fratres tuos*. Nec opinor, tunc cum ista ad vnum Petrum dicebat Christus, de Papa cum Concilio esse locutum. Cur ergo parui illi, & minutis præ Patribus Theologi, ad Concilium verba conuertunt? Certè non ita locos istos intelligunt, præsertim illum Lucæ, qui rem hanc infallibilitatis Papalis continet, *Rogant pro te Petre, vt deficiet Fides tua* Lucius 1. Epist. 1. ad Episcopos Hispan. & Gall. & Felix 1. Epist. ad Benign. & Leo 1. Serm. de Assumpt. Gelas. Epist. ad Anastas. Imper. Greg. lib. 4. Epist. 32. ad Mauric. & Agatho Papa Epist. ad Constantin. & Nicolaus I. Epist. ad Michael. & Leo IX. Epist. ad Petrum Antiochen. & Innocent. III. ad Episcop. Aelatenf. Nec soli hoc Romani Pontifices asserunt. Sed alij quoque tum Latini, tum Græci. Hieronym. Epist. ad Damas. de nomine Hypost. August. Psal. contr. part. Donati. Petrus Chrysolog. Epist. ad Eutychet. quæ est ante Concil. Chalced. & Bernard. Epist. 190. & 191. ad Innocent. & Theophyl. in cap. 21. Lucæ. Cuius hæc sunt verba. *Quia te habeo Principem discipulorum, confirma ceteros. Hoc enim decet te. qui post me Ecclesia petra es, & fundamentum. Vbi coniunxit vtrumque locum: Petræ constantis, & Fidei indeficientis.*

Secundò, quia Concilia etiam vniuersalia præciso capite, idest Papa, possunt errare, & errarunt, vt multis

multis in materia de Conciliis probauimus . Nunc satis est exemplum Concilij Ariminenfis, & secundæ Synodi Ephesinæ, quæ prorsus errant . At nullus Pontifex Romanus definiendo ex Cathedra vnquā errauit, quemadmodum sæpè diximus, & in speciali Controuersia dicemus . Hinc asserimus sententiam Leonis IX. Epist. ad Petrum . *Hactenus fides Petri non deficiet, nec deficiet, nec defectura creditur in throno illius vsque in sæculum sæculi.* Et D. Bern. in Ep. 191. ad Innoc. *Oportet ad vestrum referri Apostolatum pericula quædam, & scandala regni Dei, ea præsertim, quæ de Fide contingunt . Dignum namque arbitror ibi posse nos resarcire, damna Fidei ubi non possit Fides sentire defectum. Hac huius prærogatiua Sedis . Cui enim alteri dictum est aliquando : Ego pro te rogaui, vt non deficiat Fides tua?*

Tertiò, quia Romanus Pontifex semper direxit Concilia ad decidendas controuersias, quarum causa congregabantur . Apparet assumptum iis quæ diximus in quæstionibus super Concilia adductis exemplis, incipiendo à primo Concilio post Apostolos in Ecclesia celebrato, quod fuit Romanum Victore Papa . Insignis est ille locus Cyrilli in thesauro citatus à Gennadio Scholario lib. de defens. Concil. Florent cap. 5. sect. 12. *Oportet nos tanquam membra caput sequi, id est Romanum Pontificem, & Apostolicam Sedem, à qua debemus petere, quid credere, & sentire debemus, ac tenere, quia ipsius tantum est confirmare, dirigere, vel arguere, confirmare, soluere, & ligare . Imò est tam proprium Papæ, & Romanæ Sedis omnia suo iudicio definire, vt res mirabilis acciderit tempore S. Bernardi. Nam cum Eugenius III. Rhemis haberet Concilium, & in eo Gilberti Porretani Episcopi Pictauiensis errores examinarentur, D. Bernardus, qui con-*

130 Corollarium

sessione omnium primas partes agebat cum Archiepiscopis Gallis, & alijs Viris Religiosis, & doctis quandam Catholicæ confessionis formulam edidit, ut ea producta veritas constaret, & errores Gilberti refellerentur; quod cum Cardinalis rescissent indignitati sunt, quod sine Papæ & Collegij imperio, & consensu ea confessio suscepta & edita esset: & Papa Eugenius vocato ad se Bernardo eum quamquam virum sanctissimum serjò ea de re monuit; nec destiterunt Romanæ Ecclesiæ Cardinales ab indignatione, & proposito, donec Bernardus summa demissione animi se purgauit, & confessionem suam eorum iudicio subiecit. Hæc narratio habetur in eo Concilio Rhemenfi verbis Othonis Eufingenfis Tomo 3. Concil. p. 2. in Collect. Binij.

Quartò probatur, ex approbatione Conciliorum, sine qua nullum Concilium etiam Vniuersale infallibilem auctoritatem habet, cui accedit ipsa Conciliorum congregatio, quæ item propria est Romani Pontificis. Hoc patet ex testimonio Damasi Papæ cap. 3. qui citatur à Gregorio VII in decretis in Synodo Romana c. 3. tom. 3. parte 2. ubi sic Damasus: *Nulla vnquam Concilia rata leguntur, quæ non sint fulta Apostolica auctoritate.* Confirmat sententia Isidori ab eodem Gregorio ibi relati his verbis. *Synodorum congregandarum auctoritas Apostolica Sedis priuata commissæ est potestati, nec vlla esse rata legimus, quæ eius non fuerint auctoritate congregata, & fulta.* Hæc canonica testatur auctoritas: hæc Ecclesiastica historia corroborat: hæc Sancti Patres confirmant. Certè Tridentinum Concilium, in quo erant Patres, & Theologi totius Europæ, cum Cardinalibus, & omnium Christianorum, Regum, coniuncti confirmationem decretorum, & Cano-

num

num à se toto antea tempore conditorum à Romano Pontifice Pio IV. petijt, & impetrauit. Extat Bulla Confirmationis inter Acta Concilij. Græci Catholici hoc item fatentur, vt videre est in Gennadio Scholario cap. 5 p. 11. & 12. & ibid.

Quintò, suadetur exemplis omnium antiquorum Conciliorum, quæ omnia antequam quicquam decernerent, vel præsentiam, vel iudicium per litteras à Romano Pontifice expectabant, ne sine illo sole in tenebris remanerent. Idque numerando constat. Excepto enim Niceno, quòd in eo Hosius Syluestri nomine dictabat oracula: ad Concilium Constantinopolitanum I. Damasus litteras doctrinales misit. Eiusmodi Cælestinus ad Concilium Ephesinum direxit. Suis item Leo Chalcedonense erudiuit. Quinta Synodus sæpe Vigilij præsentiam requisivit, nec valuit, nisi ab eo confirmata. In sexta Synodo actione 4. duæ Agathonis Epistolæ leguntur, & recipiuntur. In septima Synodo act. 2. duæ item Adriani I. Epistolæ produciuntur, & pro oraculis habentur. Ex his decima Leonis Epistola in Chalcedonensi Concilio lecta: illud Patrum acroama extitit. *Hac est Fides Patrum. Petrus per Leonem locutus est.* Ponitur sess. 2. Id seriò est obseruandum in eodem Concilio act. 1. reprehendi, & improbari Dioscorum cum sua secunda Pseudosynodo Ephesina, quod non legerit Epistolas Leonis Papæ. Hoc est sanè inuictum argumentum aduersus eos, qui Concilium Papæ anteponunt: qui tamen volunt videri eruditi. Ad quos ego conuersus illa verba S. Petri Rauennatis ad Eurychetem obijcio: Monet illum vt diligenter attendat, & obedienter his, quæ à Romano scribuntur Beatissimo Papa. *Quoniam, inquit, Beatus Petrus, qui in propria Sede viuit,*

Et præsides, præstat quærentibus Fidei veritatem. Non fallitur Petrus: Ergo nec Papa decipitur. Pudeat ipsos opinationis suæ. Audiant Græcum Auctorem Theodorum Studiten ad Michaellem Imperatorem. Si de aliquo dubitare, vel non credere videtur: vestra diuina magnificencia, eius rei explicatio à Pontifice pie est postulanda: inbeat à vetere Roma capere declarationem, ut à principio à Patribus nostris est traditum. Ea inter omnes Ecclesias Dei summum, & supremum obtinet locum, cuius Petrus tenet primam Sedem. Ad hanc remittit Imperatorem, nec adiungit Concilia.

Absoluamus hoc caput verbis Gregorij VII. in Synodo Romana cap. 3. ubi probat non minori, imò propè maiori reuerentia, & obseruantia digna esse decreta Romanorum Pontificum, quàm illa quatuor prima, & Oecumenica Concilia, quæ Sanctus Gregorius veluti quatuor Euangelia colebat. Decreta, inquit, Sanctiss. Romanorum Pontificum, si possemus etiam studiosius venerari, & obseruare deberemus, cùm & ipsa Concilia omni firmitate carerent, si non Apostolica Sedis Pontifices, eadem per Apostolicam auctoritatem congregare, & corroborare decreuissent; & concludit. Sic enim Legati Sedis Apostolica eorundem principalium Conciliorum sanctiones prima subscriptione Apostolica vice canonizabant. Nempe sub pyssimo Imperatore Constantino, Magnus Osius Cordubensis Episcopus, Victor, & Vincentius Presbyteri Romana Ecclesia ex parte S. Syluestri Papa Niceno Concilio præfuerunt, & ipsum principali subscriptione firmauerunt. Item temporibus Theodosij Iuni oris Augusti Sanctus Cyrillus Patriarcha Alexandrinus, & Arcadius Episcopus ex Italia vice Beatissimi Papæ Celestini Ephesino Concilio præfuerunt, & ipsum Apostolica vice corroborauerunt. Item tempore Marciani Principis Paschasius

chasinus, & Lucentius Episcopi, & Bonifacius Presbyter
vice Sancti Leonis Papae in Chalcedonensi Concilio per duo-
decim dies celebrato primi fuerunt, qui & Anatolio Pa-
triarcha Constantinopolitano quoddam privilegium in Conci-
lio usurpanti liberaliter contradixerunt, & reliquis statutis
Apostolica vice subscripserunt, ut liber Liberati Carthagi-
nensis Archidiaconi de eodem Concilio statuit. Ergo reueren-
tiam, siue obedientiam, quam sacratissimis quatuor Conci-
liis, iuxta Sancti Gregorii meritum exhibemus decretis A-
postolica Sedis nullatenus denegare, imo si possibile est stu-
dio sis impendere debemus, cum sine eorum auctoritate, nec
ipsa Concilia fas esset recipere.

Item cap. 28 Sed nec illa praeterimus, quod Apostolica
Sedes sine ulla Synodo procedente exsoluendi, quos Syno-
dus iniqua damnauerat, & damnandi nulla existente Syno-
do, quos oportuit habuerit facultatem: & hoc nimirum pro
suo principatu, quem S. Petrus Apostolus Domini vice, &
tenuit, & semper retinebit. His autem S. S. P. P. Callistus,
Fabianus, Sixtus, Syluester, Iulius, & reliqui innumerabi-
les adstipulantur, qui adeo amplexi sunt veritatem, ut po-
tius mori, quam mentiri desiderarent. Ex his patet Ro-
manum Pontificem esse iudicem Controuersiarum,
& Regulam visibilem Fidei.



SECTIO III.

De modis decidendi controuer-
 sias, & tradendi regulas Fidei
 hæresesque abolendi, & spe-
 cialiter Sacra Congrega-
 tiones Sancti Officij
 expenditur.



Vm igitur constet Papam esse re-
 gulam infallibilem, & Iudicem
 in Controuersijs Fidei, dubitan-
 dum non est, quin pro suo arbi-
 trio prout est Papa, possit quo
 velit modo ex Cathedra definire,
 siue cum Concilio, siue sine Con-
 cilio; nunquam enim ob peculia-
 rem Dei prouidentiam, aut faller, aut falletur, cum
 eius Fides non possit deficere. Ac primum Papa in
 Concilijs generalibus definit res Fidei: qui modus
 perspectus est, & exploratus, & semper viguit in Ec-
 clesia à primo Concilio Niceno, usque ad vltimum
 Tridentinum. Equidem obseruo nullum fuisse Con-
 cilium vniuersale, in quo aliqua hæresis, siue schis-
 ma hæreticum iugulatum non fuerit. Etenim in Ni-
 ceno, sub Syluestro damnata fuit hæresis Arii, con-
 tra consubstantialitatem & æqualitatem Filij cum

Patre

Patre . In Constantinopolitano primo Macedonij ;
contra diuinitatem Spiritus Sancti, sub Damaso . In
Ephesino Nestorij de duabus in Christo personis, sub
Celestino primo. In Chalcedonenſi Euthychetis; ne-
gantis duas naturas in Christo, sub Leone primo ;
quod etiam obseruat S. Bernardus epist. 195 ad Inno-
cent. 2. Papam . In quinta Synodo tria Capitula, &
Origenis dogmata condemnata sunt, à Vigilio . In
Sexta Synodo confixi sunt Monothelitæ, sub Aga-
thone primo . In septima Synodo Iconomachi pro-
scripti ab Adriano primo. In octauo Schisma Photij
aduersus Ignatium Constantinopolitanum sublatus
ab Adriano secundo . In Lateranensi primo schis-
mati Inuestiturarum interdictum, sub Callisto se-
cundo. In secundo Lateranensi, Petrus de Bruiſ, &
Arnaldus de Brixia condemnati, sub Innocentio se-
cundo . In tertio Vvaldensium, & Albigensium er-
rores damnati, sub Alexandro tertio. In quarto Io-
achimi dogma reprobatur, & Almericus hæreticus
explosus, sub Innocentio tertio . In Lugdunensi
schisma Friderici secundi compressum, sub Inno-
centio quarto. In Lugdunensi secundo schismati Græ-
corum obuiam itum, traditaque Doctrina Catholica
de processione Spiritus Sancti à Filio sub Gregorio
decimo . In Viennensi correctus Petrus Ioachimi di-
scipulus: compressi Beguardi, Beguinæ, Fraticelli,
& Dulcinistę. sub Clemente quinto . In Florentino
quinque errores Græcorum confutati, sub Eugenio
quarto . In quinto Lateranensi Pragmatica sanctio
abolita, diuersa schismata sublata, immortalitas
Animæ constituta, Lutherus ad calcem damnatus,
sub Iulio secundo, & Leone decimo . In Tridentino
hæreses antiquæ à Nouatoribus suscitata, nouæ in-
ductæ

duæ euerſæ. Adeo verum eſt Pontifices in Concilijs vniuerſalibus omnes hæreſes condemnaffe. Et quamquam Conciliorum opus illud fuiſſe videatur, cum à Pontificibus fuerint Congregata, & approbata, ſine quorum conſenſu auctoritate carerent, ad Pontifices rediit virtus definitionis. Conſtat enim vniuerſalia Concilia indigere Pontificis approbatione, vt eorum doctrina ſit infallibilis. Id cum ex alijs Concilijs pateat, tum ex Concilio Tridentino manifeſtum eſt, cuius Patres omnia in eo decreta Papæ ſubſcipiunt, vti habetur in fine Concilij. Alius modus definiendi extra Cathedrâ inuenitur in Concilijs particularibus, ſiue Nationalibus, ſiue Prouincialibus dummodo ſint, vel congregata de mandato Pontificis cum peculiari inſtitutione, quale fuit Concilium Arauſicanum ſecundum in ſententia eorum, qui dicunt factum tempore Leonis Magni, cuius modi ſunt, Baronius 5. Tom. Annal. An. 453. licet poſtea mutarit ſententiam. Bellarminus lib. 2. de Conc. cap. 10. Vaſquez Tom. 1. In 1. p. diſp. 91. cap. 12. Suarez, prol. 6. cap. 1. quibus olim ego aſſentiebar, & primum Concilium Toleranam ſub eodem Leone primo, & Complutenſe ſub Sixto quarto: ſiue approbatum, qualia ſunt multa, quæ afferuntur, & inferuntur in Decreto Canonum diſt. 16. cap. 1. quæ ibi viginti quatuor numerantur. De his enim a fortiori affirmari debet, auctoritatem accipere à ſummo Pontifice, & ſine illa non facere publicam fidem, vti habetur in eadem diſtinct. 17. c. 1. 2. 4 & 6. Inteidum Concilium Diœceſanum redditur infallibile per auctoritatem Papæ, idque ſignificatur c. *Ad abolendam*. De Hæreticis. Tit. 7. in Decretalibus. Itaque omnis infallibilitas Conciliorum, ſiue vniuerſalium, ſiue particularium

Sum à Papa tanquam à fonte proficiscitur; quare
 Diuus Augustinus, cum loqueretur de condemna-
 tione hæreleos Pelagianæ facta in Conciliis Africa-
 nis, attribuit condemnationem Romanis Pontifici-
 bus Innocentio, & Zosimo, quoru n tempore con-
 gregata fuerant. Ita Epist. 137. *Cuius, inquit, hæresis
 vel auctores, vel cered acerrimi, notissimique suasores cum
 Pelagine, & Cælestino extitissent, Conciliorum Episcopa-
 lium vigilantia in adiutorio Saluatoris, qui suam tuetur
 Ecclesiam, etiam à duobus venerabilibus Antistitibus A-
 postolica Sedis P. p. Innocentio, & Papa Zosimo, nisi cor-
 recti etiam egerint penitentiam, toto Christiano O be d im-
 nati sunt.* Vbi diligenter obseruandum vigilantiam
 tribui Conciliis: sententiam Pontificibus, eamque
 talem, quæ per totum Orbem se diffunderet, ceu
 non possent eo Concilia peruenire. *Toto, inquit,
 Orbe damnati sunt, per quem erat Ecclesia diffusa, cu-
 ius Romanus Pontifex caput erat.* Hoc iterum idem
 Augustinus testatur libro secundo retract. c. 30 his
 verbis: *Postea quam Pelagiana hæresis, cum suis Auctori-
 tas ab Episcopis Ecclesia Romane, prius Innocentio, deinde
 Zosimo, cooperantibus Conciliorum Africanorum literis,
 conuicta, atque damnata est.* Rursum opera, Conciliis;
 sententia, Pontificibus assignatur.

Hi duo definiendi modi olim in Ecclesia fuerunt,
 & hodiè si Pontifici placuerit, adhiberi possunt. Sed
 quoniam extremis hisce temporibus corruptela mo-
 rum errores plurimos induxit; necessarium duxit
 Pontifex alium modum inuestigare faciliorem, quo
 hæreses, & mores corrigerentur; nam congregare
 Concilia vniuersalia, opus est arduum, & difficile;
 Concilia verò particularia, & si minori difficultate
 cogi possunt, non est tamen promptum, & expedi-

tum negotium : tum propter itinerum difficultatem : tum propter contentiones de ordine sedendi : propter longinquitatem Romanæ Sedis à qua peti debet confirmatio : tum præcipue, quia in Prouincijs remotissimis Indiarum rari sunt Episcopi, quorum singuli vastissimas habent Dioceses : quare e re Christiana visum priuata Tribunalia Sanctæ Inquisitionis in ijs partibus instituire, & vnum generale, ac supremum in Romana Vrbe erigere : ea ratione, vt causæ priuatæ, & ordinariæ in ijs Prouincijs agerentur, & deciderentur : aliæ vero grauioræ & difficilioræ, & quæ ad Rempublicam Ecclesiasticam pertinerent, Romam ad hoc generale remitterentur. Congruum item erat, æquumque, vt ad illud Tribunal Sacrosanctum, quod erat cum Romano Pontifice proxime coniunctum, & arctissime colligatum appellari, & prouocari à minoribus Tribunalibus iure posset. Licere autem Summo Pontifici novos modos excogitare decidendi controuersias fidei, & episcopis in actum reducere manifestum est, quia nullo præcepto diuino, Conciliove iurisdictio Pontificia restringitur, vel coarctatur ad certum aliquem procedendi modum, & Pontifex plenam, & integram habet potestatem regendi, & pascendi oues suas. Itaque licitum est ei modos vtilis ad pasturam ouium adhibere. Apparet autem in loco illo Matth. 16. Vbi Christus Clauēs suas, cum aucta potestate, tradidit Petro *Tibi dabo Clauēs Regni Calorum*, addito termino *Quodcunque minime defuerit* : Et Ioann. 21. *Pasce oues meas*, integro pascendi arbitrio Pastori relicto, Rem firmat ille alter locus Matth. 18. *Vbi sunt, inquit, duo, vel tres congregati in nomine meo, ibi sum in medio eorum*. Non præscripuit Christus vllum modum, formamque

conueniendi in nomine suo. Liberum id reliquit Pontifici, qui à Spiritu Sancto didicit, quid è re futurum sit: *Ille vos docebit omnia*. Huius veritatis paradigma est ille *Gladius Filius hominis* c. 1. Apoc. non vnà tantum parte acutus, sed *utraque*, vt in vtranque vellet flecti posset, cui respondet ille alter *Gladius Cherubini* custodientis Paradisum, qui dicitur *versatilis*, Gen. 3. vt pro varietate moueri, & rotari posset. Nec ista excogitatio noui modi, mutatio appellari debet, cum Pontifex non sustulerit alios modos definiendæ per Concilia vniuersalia, & particularia, sed addiderit alium modum congruentem, & expeditum per sanctam Inquisitionem. Decuit verò vt in Ecclesia Christi multiplex modus esset inquirendi, & definendi veritatem. Nam cum in Synagoga, quæ multo erat imperfectior sex modi fuerint consultandi Dominum, & veritatem inueniendi, qui extant in sacris literis, & ab Interpretibus referuntur, nimirum per Prophetas: per Rationale: per vocem de Propitiatorio: per Ephod: per Somnia: per Sortes, vti notat Abulensis in Defensorio c. 40. 41. 42. oportebat, vt in Ecclesia Christi, quæ multo est perfectior Synagoga, plures etiam modi inuenirentur inuestigandæ, & definiendæ veritatis. Et verò ultra hos modos alius modus inuentus est à Rege Iosaphat, qui refertur lib. 2. Paralip cap. 17. scilicet per Viros Inquisitores, vt notat idem Abulensis in eum locum. q. 14. & 16. his verbis. *Ad confirmandum in Fide erant isti Sacerdotes, & Leuitæ, & Principes*: Sic enim apud nos Inquisitores hæreticæ prauitatis. Hoc exemplo roboratur modus instituendi hoc Tribunal Principum Sacerdotum, & Leuitarum Sacræ Inquisitionis Romanæ. Ecclesia quippe est Aurora conſurgens, quæ

quotidiè proficit, crescit, & amplificatur. Non est
 sterilis, sed fecunda, quæ variis debet abundare mo-
 dis. Et quamuis sit *electa vt Sol*, dicitur tamen *pul-
 cra vt Luna*, quæ subit mutationes, ac in his splendet.
 Varietas autem auget venustatem; vnde illa sponsa
 Regina Psal. 44. induitur aurea veste, circumdata va-
 rietate. Vestem Iosephi, cui dicitur *Filius accrescens*
Ioseph. Filius accrescens Gen. 49. tradit eadem scriptu-
 ra fuisse Polymitam, id est, variegatam coloribus
 Gen. 37. Odor Sponsæ Christi Cant. 3. spirabat ex *uni-
 uerso puluere pigmentario*, & rursus Gen. 27. *Odor Fi-
 lij mei sicut Odor agri pleni*. Fecunda Ecclesia Mater
 est, prodit in partus, & abundat sctibus. Leges Deus
 ipse pro varietate temporum, & morum tulit, tum
 naturæ, tum Moyſis, tum gratiæ congrua diuersitare
 pro temporibus, & conditionibus mortalium. Ille
 Currus Ezechielis, i. totus mobilis à quatuor anima-
 libus quadrisfrontibus, rotarum multitudine actus
 ferebarur. Rationale Exodi 28. *duodecim gemmis pro
 numero filiorum Israel* distinctus describitur. In medio
 Iordanis Alueo *duodecim lapides* vitream per eum fa-
 ctam viam significabant Ios. 4. Seraphini alati in tē-
 plo ante Deum Isai. 6. non duas solum, sed sex
 alas pandebant. Duodecim erant fundamenta Ciui-
 tatis Hierusalem, totidem portæ vias duodecim ad-
 ingressum aperiebant Apoc. 21. Illa mirabilis Mulier,
Sole amicta Luna calceata duodecim Stellis coronata,
 radiabat Apoc. 10. Christus Dominus Veritas, &
 Vita seipsum *Diei*, Apostolos *horis duodecim* compa-
 rauit. In rem propius vox Christi Apoc. 1. & 14. cum
 esset vna dicitur *Vox aquarum multarum*, propter fe-
 cunditatem. Spiritus Sanctus Act. 1. *per plures linguas*,
igneas celestem doctrinam infudit Apostolis. Vno
 quidem

quidem digito. & ipse *digitus Dei* corda monet, sed pluribus linguis mentes erudit. Quin ipsemet cum sit vnus, & vnum donum, diuiditur tamen in Septem dona, vt dicit Ecclesiam. Spectat ad Thesaurum diuinę Sapientię multifariam suos docere fideles, & nouas excogitare rationes tradendę doctrinę. Quare non est mirum Romanum Pontificem Ecclesię caput, & Patrem, nouum istum modum, definiendi, aut decidendi controuersias Fidei excogitasse, qui certę, & vtilis est, & necessarius. Vtilis, quia sine dispendio itinerum compendium facit, & moras præcidendo celeriter expedit causas, & præsens distantiam, & longinquitatem excludit: Necessarius quia veritates fidei è Cathedra pronunciat afflante Spiritus Sancti aura conceptas, & versas in sacra Oracula; ac hæresibus, ita se opponit, vt nec permittat serpere, nec grassari. Audent hæretici dissiti ab Vrbe, & à Pontifice errores suos spargere: non audent tamen Romę coram Pontifice cristas attollere, sequę obijcere Apostolicę dignitati, vel potestati. Romę nec oriuntur hæreses, nec adolescunt. Summa Beatissimi Patris dextera collidit. *Beatus qui tenebit, & allidet paruulos tuos ad Petram* Psal. 136. Alibi nascuntur, crescunt, corroborantur, distantia, & mora inualescunt, Romę vbi Petra est præsens, tum re, tum virtute adolescere nequeunt, & vix oriuntur, cum ad Petram alliduntur, & confringuntur. Alibi corpus hæreseos vulneratur, & exorto iam capite, & exerto difficilius percellitur. Romę non permittitur Caput exeri, nempe de Romana Ecclesia d. & cum Gen. 3. *ipsa conteret caput tuum*, nec finitur Draco caudam euoluere, qua se regat, nec Ipiris inuolui, vt se gutetur, sed vno ictu fidei, Clauibus in Clauas conuerfis,

130 Corollarium

fessione omnium primas partes agebat cum Archiepiscopis Gallis, & alijs Viris Religiosis, & doctis quandam Catholicæ confessionis formulam edidit. ut ea producta veritas constaret, & errores Gilberti refellerentur; quod cum Cardinalis rescissent indignitati sunt, quod sine Papæ & Collegij imperio, & consensu ea confessio suscepta & edita esset: & Papa Eugenius vocato ad se Bernardo eum quanquam virum sanctissimum serio ea de re monuit; nec destiterunt Romanæ Ecclesiæ Cardinales ab indignatione, & proposito, donec Bernardus summa demissione animi se purgauit, & confessionem suam eorum iudicio subiecit. Hæc narratio habetur in eo Concilio Rhemenfi verbis Othonis Faisingensis Tomo 3. Concil. p. 2. in Collect. Binij.

Quartò probatur ex approbatione Conciliorum, sine qua nullum Concilium etiam Vniuersale infallibilem auctoritatem habet; cui accedit ipsa Conciliorum congregatio, quæ item propria est Romani Pontificis. Hoc patet ex testimonio Damasi Papæ cap. 3. qui citatur à Gregorio VII in decretis in Synodo Romana c. 3. tom. 3. parte 2. ubi sic Damasus: *Nulla vnquam Concilia rata leguntur, quæ non sint fulta Apostolica auctoritate. Confirmat sententia Isidori ab eodem Gregorio ibi relati his verbis. Synodorum congregandarum auctoritas Apostolica Sedis priuata commissæ est potestati, nec vlla esse rata legimus. quæ eius non fuerint auctoritate congregata, & fulta. Hæc canonica testatur auctoritas: hæc Ecclesiastica historia corroborat: hæc Sancti Patres confirmant.* Certè Tridentinum Concilium, in quo erant Patres, & Theologi totius Europæ, cum Cardinalibus, & omnium Christianorum Regibus coniuncti confirmationem decretorum, & Cano-

num

num à se toto antea tempore conditorum à Romano Pontifice Pio IV. petijt, & impetrauit. Extat Bulla Confirmationis inter Acta Concilij. Græci Catholici hoc item fatentur, vt videre est in Gennadio Scholario cap. 5 p. 11. & 12. & ibid.

Quintò, suadetur exemplis omnium antiquorum Conciliorum, quæ omnia antequam quicquam decernerent, vel præsentiam, vel iudicium per litteras à Romano Pontifice expectabant, ne sine illo sole in tenebris remanerent. Idque numerando constat. Excepto enim Niceno, quod in eo Hosius Syluestri nomine dictabat oracula: ad Concilium Constantinopolitanum I. Damasus litteras doctrinales misit. Eiusmodi Cælestinus ad Concilium Ephesinum direxit. Suis item Leo Chalcedonenſe erudiuit. Quinta Synodus sæpe Vigilij præſentiã requiſiuit, nec valuit, niſi ab eo confirmata. In ſexta Synodo actiõne 4. duæ Agathonis Epistolæ leguntur, & recipiuntur. In ſeptima Synodo act. 2. duæ item Adriani I. Epistolæ produciuntur, & pro oraculis habentur. Ex his decima Leonis Epistola in Chalcedonenſi Concilio lecta: illud Patrum acroama extitit. *Hæc eſt Fides Patrum. Petrus per Leonem locutus eſt.* Ponitur ſeſſ. 2. Id ſeriò eſt obſeruandum in eodem Concilio act. 1. reprehendi, & improbari Dioſcorum cum ſua ſecunda Pſeudoſynodo Ephesine, quod non legerit Epistolæ Leonis Papæ. Hoc eſt ſanè inuiſtum argumentum aduerſus eos, qui Concilium Papæ anteponunt: qui tamen volunt videri eruditi. Ad quos ego conuerſus illa verba: Petri Rauennatis ad Eurychetem obijcio: Monet illum vt diligenter attendat, & obediens his, quæ à Romano ſcribuntur Beatiffimo Papa. *Quoniam, inquit, Beatus Petrus, qui in propria Sede viuit,*

Et præsides, præstat quærentibus Fidei veritatem. Non fallitur Petrus: Ergo nec Papa decipitur. Pudeat ipsos opinionationis suæ. Audiant Græcum Auctorem Theodorum Studiten ad Michaellem Imperatorem. Si de aliquo dubitare, vel non credere videtur vestra divina magnificencia, eius rei explicatio à Pontifice pie est postulanda: inbeat à vetere Roma capere declarationem, ut à principio à Patribus nostris est traditum. Ea inter omnes Ecclesias Dei summum, & supremum obtinet locum, cuius Petrus tenet primam Seden. Ad hanc remittit Imperatorem, nec adiungit Concilia.

Absoluamus hoc caput verbis Gregorij VII. in Synodo Romana cap. 3. ubi probat non minori, imò propè maiori reuerentia, & obseruantia digna esse decreta Romanorum Pontificum, quàm illa quatuor prima, & Oecumenica Concilia, quæ Sanctus Gregorius veluti quatuor Euangelia colebat. Decreta, inquit, Sanctiss. Romanorum Pontificum, si possemus etiam studiosius venerari, & obseruare deberemus, cùm & ipsa Concilia omni firmitate carerent, si non Apostolica Sedis Pontifices eadem per Apostolicam auctoritatem congregare, & corroborare decreuissent; & concludit. Sic enim Legati Sedis Apostolica eorundem principalium Conciliorum sanctiones prima subscriptione Apostolica vice canonizabant. Nempe sub pyssimo Imperatore Constantino, Magnus Osius Cordubensis Episcopus, Victor, & Vincentius Presbyteri Romana Ecclesia ex parte S. Syluestri Papa Niceno Concilio præfuerunt, & ipsum principali subscriptione firmauerunt. Item temporibus Theodosij Iuni oris Angusti Sanctus Cyrillus Patriarcha Alexandrinus, & Arcadius Episcopus ex Italia vice Beatissimi Papa Celestini Ephesino Concilio præfuerunt, & ipsum Apostolica vice corroborauerunt. Item tempore Marciani Principis Paschasius

chasinus, & Lucentius Episcopi, & Bonifacius Presbyter vice Sancti Leonis Papa in Chalcedonensi Concilio per duodecim dies celebrato primi fuerunt, qui & Anatolio Patriarcha Constantinopolitano quoddam privilegium in Concilio usurpanti liberaliter contradixerunt, & reliquis statutis Apostolica vice subscripserunt, ut liber Liberati Carthaginensis Archidiaconi de eodem Concilio statuit. Ergo reuerentiam, siue obedientiam, quam sacratissimis quatuor Concilijs, iuxta Sancti Gregorii meritum exhibemus decretis Apostolica Sedis nullatenus denegare. imo si possibile est studio sis impendere debemus, cum sine eorum auctoritate, nec ipsa Concilia fas esset recipere.

Item cap. 28 Sed nec illa praeterimus, quod Apostolica Sedes sine ulla Synodo praecedente exsoluendi, quos Synodus iniqua damnauerat, & damnandi nulla existente Synodo, quos oportuit habuerit facultatem: & hoc nimirum pro suo principatu. quem B. Petrus Apostolus Domini vice, & tenuit, & semper retinebit. His autem S.S. P.P. Callistus, Fabianus, Sixtus, Syluester, Iulius, & reliqui innumerabiles adstipulantur, qui adeo amplexi sunt veritatem, ut potius mori, quam mentiri desiderarent. Ex his patet Romanum Pontificem esse iudicem Controuersiarum, & Regulam visibilem Fidei.



SECTIO III.

De modis decidendi controuer-
sias, & tradendi regulas Fidei
hæresesque abolendi, & spe-
cialiter Sacra Congrega-
tiones Sancti Officij
expenditur.



Cum igitur constet Papam esse re-
gulam infallibilem, & Iudicem
in Controuersijs Fidei, dubitan-
dum non est, quin pro suo arbi-
trio prout est Papa; possit quo
velit modo ex Cathedra definire,
siue cum Concilio, siue sine Con-
cilio; nunquam enim ob peculia-
rem Dei prouidentiam, aut fallet, aut falletur, cum
eius Fides non possit deficere. Ac primum Papa in
Concilijs generalibus de finit res Fidei: qui modus
perspectus est, & exploratus, & semper viguit in Ec-
clesia à primo Concilio Niceno, usque ad vltimum
Tridentinum. Equidem obseruo nullum fuisse Con-
cilium vniuersale, in quo aliqua hæresis, siue schis-
ma hæreticum iugulatum non fuerit. Etenim in Ni-
ceno, sub Syluestro damnata fuit hæresis Arii, con-
tra consubstantialitatem & aequalitatem Filij cum

Patre

Patre. In Constantinopolitano primo Macedonij ;
 contra diuinitatem Spiritus Sancti, sub Damaso. In
 Ephesino Nestorij de duabus in Christo personis, sub
 Celestino primo. In Chalcedonensi Euthychetis; ne-
 gantis duas naturas in Christo, sub Leone primo ;
 quod etiam obseruat S. Bernardus epist. 195 ad Inno-
 cent. 2. Papam. In quinta Synodo tria Capitula, &
 Origenis dogmata condemnata sunt, à Vigilio. In
 Sexta Synodo confixi sunt Monothelitæ, sub Aga-
 thone primo. In septima Synodo Iconomachi pro-
 scripti ab Adriano primo. In octauo Schisma Photij
 aduersus Ignatium Constantinopolitanum sublatus
 ab Adriano secundo. In Lateranensi primo schis-
 mati Inuestiturarum interdictum, sub Callisto se-
 cundo. In secundo Lateranensi, Petrus de Bruiis, &
 Arnaldus de Brixia condemnati, sub Innocentio se-
 cundo. In tertio Valdensium, & Albigensium er-
 rores damnati, sub Alexandro tertio. In quarto Io-
 achimi dogma reprobatur, & Almericus hæreticus
 explosus, sub Innocentio tertio. In Lugdunensi
 schisma Friderici secundi compressum, sub Inno-
 centio quarto. In Lugdunensi secundo schismati Græ-
 corum obuiam itum, traditaque Doctrina Catholica
 de processione Spiritus Sancti à Filio sub Gregorio
 decimo. In Viennensi correctus Petrus Ioachimi di-
 scipulus: compressi Beguardi, Beguinæ, Fraticelli,
 & Dulcinistæ, sub Clemente quinto. In Florentino
 quinque errores Græcorum confutati, sub Eugenio
 quarto. In quinto Lateranensi Pragmatica sanctio
 abolita, diuersa schismata sublata, immortalitas
 Animæ constituta, Lutherus ad calcem damnatus,
 sub Iulio secundo, & Leone decimo. In Tridentino
 hæreses antiquæ à Nouatoribus suscitata, nouæ in-
 ductæ

136 Corollarium

duæ euerfæ. Adeò verum est Pontifices in Concilijs vniuerfalibus omnes hærefes condemnaffe. Et quamquam Conciliorum opus illud fuiſſe videatur, cum à Pontificibus fuerint Congregata, & approbata, ſine quorum conſenſu auctoritate carerent, ad Pontifices rediit virtus definitionis. Conſtat enim vniuerſalia Concilia indigere Pontificis approbatione, vt eorum doctrina ſit infallibilis. Id cum ex alijs Concilijs pateat, tum ex Concilio Tridentino manifeſtum eſt, cuius Patres omnia in eo decreta Papæ ſubſciunt, vti habetur in fine Concilij. Alius modus definiendi extra Cathedrâ inuenitur in Concilijs particularibus, ſiue Nationalibus, ſiue Prouincialibus dummodo ſint, vel congregata de mandato Pontificis cum peculiari institutione, quale fuit Concilium Arauſicanum ſecundum in ſententia eorum, qui dicunt factum tempore Leonis Magni, cuius modi ſunt, Baronius 5. Tom. Annal. An. 453. licet poſtea mutarit ſententiam. Bellarminus lib. 2. de Conc. cap. 10. Vaſquez Tom. 1. In 1. p. diſp. 91. cap. 12. Suarez prol. 6. cap. 1. quibus olim ego aſſentiebar, & primum Concilium Toleranum ſub eodem Leone primo, & Complutenſe ſub Sixto quarto: ſiue approbatum, qualia ſunt multa, quæ afferuntur, & inferuntur in Decreto Canonum diſt. 16. cap. 1. quæ ibi viginti quatuor numerantur. De his enim a fortiori affirmari debet, auctoritatem accipere à ſummo Pontifice, & ſine illa non facere publicam fidem, vti habetur in eadem diſtinct. 17. c. 1. 2. 4 & 6. Interdum Concilium Diœceſanum redditur infallibile per auctoritatem Papæ, idque ſignificatur c. *Ad abolendam*. De Hæreticis. Tit. 7. in Decretalibus. Itaque omnis infallibilitas Conciliorum, ſiue vniuerſalium, ſiue particularium

Sum à Papa tanquam à fonte proficiscitur; quare
 Diuus Augustinus, cum loqueretur de condemna-
 tione hereseos Pelagianæ facta in Conciliis Africa-
 nis, attribuit condemnationem Romanis Pontifici-
 bus Innocentio, & Zosimo, quorum tempore con-
 gregata fuerant. Ita Epist. 137. Cuius, inquit, *hæresis*
vel auctores, vel certe acerrimi, notissimique suasores cum
Pelagius, & Cælestius extitissent, Conciliorum Episcopa-
lium vigilantia in adiutorio Saluatoris, qui suam tuetur
Ecclesiam, etiam à duobus venerabilibus Antistitibus A-
postolica Sedis Petri Innocentio, & Papa Zosimo, nisi cor-
recti etiam egerint penitentiam, toto Christiano Orbe dam-
nati sunt. Vbi diligenter obseruandum vigilantiam
 tribui Conciliis: sententiam Pontificibus, eamque
 talem, quæ per totum Orbem se diffunderet, ceu
 non possent eo Concilia peruenire. *Toto, inquit,*
Orbe damnati sunt, per quem erat Ecclesia diffusa, cu-
ius Romanus Pontifex caput erat. Hoc iterum idem
 Augustinus testatur libro secundo retract. c. 50 his
 verbis: *Postea quam Pelagiana hæresis, cum suis Authori-*
bus ab Episcopis Ecclesie Romane, prius Innocentio, deinde
Zosimo, cooperantibus Conciliorum Africanorum literis,
conuicta, atque damnata est. Rursum opera, Conciliis;
 sententia, Pontificibus assignatur.

Hi duo definiendi modi olim in Ecclesia fuerunt;
 & hodie si Pontifici placuerit, adhiberi possunt. Sed
 quoniam extremis hæc temporibus corruptela mor-
 rum errores plurimos induxit; necessarium duxit
 Pontifex alium modum inuestigare faciliorem, quo
 hæreses, & mores corrigerentur; nam congregare
 Concilia vniuersalia, opus est arduum, & difficile;
 Concilia verò particularia, & si minori difficultate
 regi possunt, non est tamen promptum, & expedi-
 tum

tum negotium : tum propter itinerum difficultatem : tum propter contentiones de ordine sedendi : propter longinquitatem Romanæ Sedis à qua peti debet confirmatio : tum præcipue, quia in Prouincijs remotissimis Indiarum rari sunt Episcopi, quorum singuli vastissimas habent Dioceses : quare e re Christiana visum priuata Tribunalia Sanctæ Inquisitionis in ijs partibus instituere, & vnum generale, ac supremum in Romana Vrbe erigere : ea ratione, vt causæ priuatæ, & ordinariæ in ijs Prouincijs agerentur, & deciderentur : aliæ vero grauioræ, & difficilioræ, & quæ ad Rempublicam Ecclesiasticam pertinerent, Romam ad hoc generale remitterentur. Congruum item erat, æquumque, vt ad illud Tribunal Sacrosanctum, quod erat cum Romano Pontifice proximè coniunctum, & artissimè colligatum appellari, & prouocari à minoribus Tribunalibus iure posset. Licere autem Summo Pontifici nouos modos excogitare decidendi controuersias fidei, eoque in actum reducere manifestum est, quia nullo præcepto diuino, Conciliorum iurisdictio Pontificia restringitur, vel coarctatur ad certum aliquem procedendi modum, & Pontifex plenam, & integram habet potestatem regendi, & pascendi oues suas. Itaque licitum est ei modos vtilis ad pasturam ouium adhibere. Apparet autem in loco illò Matth. 16. Vbi Christus Clauēs suas, cum amplā potestate, tradidit Petro *Tibi dabo Clauēs Regni Calorum*, addito termino *Quodcunque minime defueris* Et Ioann. 21. *Pasce oues meas*, integro pascendi arbitrio Pastori relicto, confirmat ille alter locus Matth. 18. *Vbi sunt, inquit, duo, vel tres congregati in nomine meo, ibi sum in medio eorum*. Non præscripuit Christus vllum modum, formamque

con-

Sectio III. 139

conueniendi in nomine suo. Liberum id reliquit Pontifici, qui a Spiritu Sancto didicit, quid e re futurum sit: *Ille vobis docebit omnia*. Huius veritatis paradigma est ille *Gladius Filijs hominis* c. 1. Apoc. non vna tantum parte acutus; sed *utraque*, vt in vtranque vellet flecti posset, cui respondet ille alter *Gladius Cherubini* custodientis Paradisum, qui dicitur *versatilis*; Gen. 3. vt pro varietate moueri, & rotari posset. Nec ista excogitatio noui modi, mutatio appellari debet, cum Pontifex non sustulerit alios modos definiendi per Concilia vniuersalia, & particularia, sed addiderit alium modum congruentem, & expeditum per sanctam Inquisitionem. Decuit verò vt in Ecclesia Christi multiplex modus esset inquirendi, & definiendi veritatem. Nam cum in Synagoga, quæ multo erat imperfectior sex modi fuerint consultandi Deo: minimum, & veritatem inueniendi, qui extant in sacris literis, & ab Interpretibus referuntur, nimirum per Prophetas: per Rationale: per vocem de Propitiatorio: per Ephod: per Somnia: per Sortes, vti notat Abulensis in Defensorio c. 40. 41. 42. oportebat, vt in Ecclesia Christi, quæ multo est perfectior Synagoga, plures etiam modi inuenirentur inuestigandæ, & definiendæ veritatis. Et verò ultra hos modos alius modus inuentus est à Rege Iosaphat, qui refertur lib. 2. Paralip cap. 17. scilicet per Viros Inquisitores, vt notat idem Abulensis in eum locum. q. 14. & 16. his verbis. *Ad confirmandum in Fide erant illi Sacerdotes, & Leuitæ, & Principes: Sic enim apud nos Inquisitores hæreticæ prauitatis*. Hoc exemplo roboratur modus instituendi hoc Tribunal Principum Sacerdotum, & Leuitarum Sacræ Inquisitionis Romanæ. Ecclesia quippe est Aurora consurgens, quæ

quidem digito. & ipse *digitus Dei* corda mouet, sed pluribus linguis mentes erudit. Quin ipsemet cum sit vnus, & vnum donum, diuiditur tamen in Septem dona, vt dicit Ecclesiam. Spectat ad Thesaurum diuine Sapientie multifariam suos docere fideles, & nouas excogitare rationes tradende doctrinae. Quare non est mirum Romanum Pontificem Ecclesiae caput, & Patrem, nouum istum modum, definiendi, aut decidendi controuersias Fidei excogitasse, qui certe, & utilis est, & necessarius. Vtilis, quia sine dispendio itinerum compendium facit, & moras praecidendo celeriter expedit causas, & praesens distantiam, & longinquitatem excludit: Necessarius quia veritates fidei e Cathedra pronunciat affante Spiritus Sancti aura conceptas, & versas in sacra Oracula; ac haeresibus, ita se opponit, vt nec permittat serpere, nec grassari. Audent haeretici dissiti ab Vibe., & a Pontifice errores suos spargere: non audent tamen Romae coram Pontifice cristas attollere, seque obijcere Apostolicae dignitati, vel potestati. Romae nec oriuntur haereses, nec adolescunt Summa Beatissimi Patris dextera collidit. *Beatus qui tenebit, & alldet paruulos suos ad Petram* Psal. 136. Alibi nascuntur, crescunt, corroborantur, distantia, & mora inualescunt, Romae ubi Petra est praesens, tum re, tum virtute adulescere nequeunt, & vix oriuntur, cum ad Petram alliduntur, & confringuntur. Alibi corpus haereseos vulneratur, & exorto iam capite, & exerto difficilius percellitur. Romae non permittitur Caput exeri; nempe de Romana Ecclesia d. ctum Gen. 3. *ipsa conteret caput tuum*, nec finitur Draco caudam euoluere, qua se regat, nec spiritus inuolui, vt se tutetur, sed vno ictu fidei, Clauibus in Clauas conuerfis,

deris, eius caput comminuitur, & conquassatur, & frangitur. Nihil itaque hoc Tribunali potuit esse nobilius, nihil exploratius, nihil perfectius, nam hic Pontifex cum fratribus suis Cardinalibus, qui cum eo vnum non modò Ecclesiasticum, sed etiam intimum corpus efficiunt, quique summum Monarchiæ sacre obtinent gradum coniunctus, Regulam Fidei, & Iudicem controuersiarum pro dignitate agit. Hi quippe ad eum consulta sua iam diligenter discussa, & maturè expensa, explorata veritate referunt, ac responsum à Pontifice accipiunt, tanquam cælestè Oraculum, cui omninò fides sit adhibenda; *Hoc est Tabernaculum Dei cum hominibus*. Apocal. 21. Vbi de Propitiatorio inter Cherubinos responsa reddi solita. Numeri 7. à Summo Sacerdote intra Sancta Sanctorum cum Deo loquente; qui modus fuit nobilissimus in veteri Testamento percipiendæ, & publicandæ veritatis, uti obseruat Tostatus in Defen. 2. p. cap. 43. Quod iam tum ad Sanctam Ecclesiam Romanam destinabatur, quique à sexcentis ante natum Christum annis apud Hebræos defecerat; Eo utitur Pontifex Romanus Christi Vicarius, successor Petri *De medio petrarum dâs voces* Psal. 10; è Cathedra in qua sedet Pontificia procedentes, quæ Bullis exceptæ, ac solemnè conceptæ forma ad valvas Sancti Petri, & in Acie Campi Floræ affixæ fidem publicam faciunt, & toti Ecclesiæ Catholicæ tanquam iusta, & legitimæ, diuinæ veritatis Oracula credenda proponuntur.

FINIS.

